





স্বপ্নদর্শন

শ্রীমহেন্দ্রনাথ চট্টোপাধ্যায়

প্রণীত

১৯০৭

লিঙ্কাতা ১৫ নং মাঝাট্টা ডিষ্ট্রিক্ট লেন

শ্রীনন্দগোপাল চট্টোপাধ্যায় কর্তৃক

প্রকাশিত


Printed by G. C. Ghose at the

ARYAN PRESS

54/2/1 Grey Street, Calcutta

1897.

মূল্য ১/- এক টাকা মাত্র।



৭

৯

ভাই সপ্তমিভূষণ !

আমরা বাল্যকালে বৈকালে লকল বন্ধু মিলিত
হইয়া, বাগানে বকুল ফুলের মালা গাঁথিতে যাইতাম।
গাঁথিয়া, পরস্পর পরস্পরের গলায় পরাইয়া দিতাম।
আপোহিতঃ দূর দেশে থাকিয়া ও বিভিন্ন জীবনে উপনীত
হইয়া আমাদের সে সুখের দিন অবসান হইয়াছে ;
কিন্তু সংস্কারের বল আজিও ব্যর্থ নাই। ভাই, ভাই !
আজি যে মালা গাছটী সম্বন্ধে রচনা করিলাম, তাহা
তোমার প্রিয়গলেই পরাইয়া দিলাম। ^১ ^২ ^৩ ^৪ ^৫ ^৬ ^৭ ^৮ ^৯ ^{১০} ^{১১} ^{১২} ^{১৩} ^{১৪} ^{১৫} ^{১৬} ^{১৭} ^{১৮} ^{১৯} ^{২০} ^{২১} ^{২২} ^{২৩} ^{২৪} ^{২৫} ^{২৬} ^{২৭} ^{২৮} ^{২৯} ^{৩০} ^{৩১} ^{৩২} ^{৩৩} ^{৩৪} ^{৩৫} ^{৩৬} ^{৩৭} ^{৩৮} ^{৩৯} ^{৪০} ^{৪১} ^{৪২} ^{৪৩} ^{৪৪} ^{৪৫} ^{৪৬} ^{৪৭} ^{৪৮} ^{৪৯} ^{৫০} ^{৫১} ^{৫২} ^{৫৩} ^{৫৪} ^{৫৫} ^{৫৬} ^{৫৭} ^{৫৮} ^{৫৯} ^{৬০} ^{৬১} ^{৬২} ^{৬৩} ^{৬৪} ^{৬৫} ^{৬৬} ^{৬৭} ^{৬৮} ^{৬৯} ^{৭০} ^{৭১} ^{৭২} ^{৭৩} ^{৭৪} ^{৭৫} ^{৭৬} ^{৭৭} ^{৭৮} ^{৭৯} ^{৮০} ^{৮১} ^{৮২} ^{৮৩} ^{৮৪} ^{৮৫} ^{৮৬} ^{৮৭} ^{৮৮} ^{৮৯} ^{৯০} ^{৯১} ^{৯২} ^{৯৩} ^{৯৪} ^{৯৫} ^{৯৬} ^{৯৭} ^{৯৮} ^{৯৯} ^{১০০}
উপহার সাদরে ধারণ করিলে চরিতার্থ হইব—
প্রার্থনা নাই।

একান্ত

তোমার সেই—বিলু

স্বপ্নদর্শন—সমাজরহস্য ।

প্রথম স্তবক ।

সময়, নিশীথ—স্থান, জাহ্নবী তীর ।

গজগবয়নুগেন্দ্রা বহ্নিসন্তপ্তদেহাঃ

সুহৃদ ইব সমস্তাং দ্বন্দ্বভাবং বিহায় ।

হতবহপরিখেদাদাশু নির্গত্য কক্ষাদ্ ।

বিপুলপুলিনদেশান্নিস্নগাং সংবিশন্তি ॥*

দারুণ গ্রীষ্ম!—একে দিবসের অক্ষান্তি পরিশ্রম, গাহার উপর আবার প্রিয়পতি দিনমণি অস্তোন্মুখী হইতেছেন দেখিয়া, প্রকৃতি সতী দারুণ বিরহ সস্তাপে নিতান্ত ক্লিষ্ট ও অবসন্ন হইয়া পড়িয়া ছেন । অবসাদ শুদ্ধমাত্র দেহের উপরেই লক্ষিত হইতেছে না ;—হৃদয়ের অন্তস্তল ভেদ করতঃ, রক্তিম রাগে পরিণত হইয়া,

* হস্তী, গরু সিংহগণ দাবানলে তাপিত হইয়া, পরস্পর বন্ধুর ন্যায় একেবারে শত্রুতা ভুলিয়া গিয়া; অগ্নি প্রতাপ বন হইতে বহির্গত হইতেছে এবং বিপুল পুলিনের আশ্রয় লইয়া নদী মধ্যে প্রবেশ করিতেছে ।

উহা মুখমণ্ডলেও সমাসক্ত হইয়াছে। সেই রক্তিমনরাগ প্রথমে নিখিল স্থাবর জঙ্গম—তৎপরে নদীবক্ষ—তৎপরে পাদপকুল—তৎপরে অচলশ্রেণী—তৎপরে গগনাজনবিক্ষিপ্ত মেঘমালা— এককালে রক্তাক্ত করিয়া, অবসাদের পরিভাষা সর্বত্র ব্যক্ত করিতেছে!—গাভিগণ হাস্য রব করিয়া গোষ্ঠ হইতে গৃহাভিমুখে প্রত্যাবর্তন করিতেছে।—পক্ষিগণ চিচিকুচি ধ্বনি করিয়া দিগ্দিগন্ত হইতে উর্দ্ধ্বাসে আসিয়া স্ব স্ব কুলায়ে প্রবিষ্ট হইতেছে এবং ভীষণ কলরব করিয়া প্রাণের ছঃসহ যাতনা প্রকাশ করিতেছে!—নিদাঘ-সাক্ষ্য, সমীরণ বৃক্ষপত্র বিধুনিত করিয়া, দিগ্ভ্রান্ত পাহের ত্রায় ইতস্ততঃ সঞ্চালিত হইতেছে! কালমাহাত্ম্যে সকলেই সম্ভাপিত। কেহ বা নদীকূল আশ্রয় করিয়া, মলয় মারুতের স্তম্ভ হিল্লোল উপভোগ করিতেছে;—কেহ বা সৌঃশিখর আরোহণ করিয়া, এক দিকে প্রকৃতি দেবীর অবসাদ, অপর দিকে নিশা সতীর হৃদ্বর্ষ পরাক্রম নিরীক্ষণ করিতেছে। বিরহপাণ্ডু হিমাংশুগুণ, যেন মানিনী যামিনীর দারুণ অভিশাপ অপরায়ণ করিবার আশয়ে, প্রাচ্য যবনিকা ভেদ করিয়া ধীরে ধীরে অগ্রসর হইতেছে। কুমুদিনী নিশানাথের রঙ্গ দেখিয়া, বিকট হাস্ত বিস্তার করিয়া, নদা ও সরসিবক্ষে বিকশিত হইতেছে। প্রিয়জনের সুখ সমাগম দেখিয়া, কুন্দ, কুটজ, কহ্লার প্রভৃতি নৈশ পুষ্পরাজি হর্ষোন্মত্ত হইয়া, দিগ্দিগন্তে আনন্দ বিস্তার করিতেছে। যে দিকে দৃষ্টিপাত করা যায়, সেই দিকেই প্রকৃতির বৈচিত্র্য। এ দিকে গ্রীষ্মেরও দারুণ প্রভাব; জীবমাত্রেই শাস্তির আশয়ে, সুষুপ্তির বাসনায়, নৈদাঘ শাস্তি দূর করিবার ঐকান্তিকী ইচ্ছায় শীতল স্থান সকলের আশ্রয় লইতেছে।

আমিও এই দুঃস্থ গীষ্মের হস্ত হইতে পরিত্রাণ পাইবার ইচ্ছায় সন্ধ্যাকালে নদীতীরে গিয়া উপবেশন করিলাম। দক্ষিণানিলেরা স্নমন্দ সঞ্চালনে কিয়ৎক্ষণের মধ্যেই বিগতক্রম হইলাম। নিশানাথ পূর্বাশার দ্বার তাগ করিয়া পাদগগণ অতিক্রম করিয়াছেন,— স্নমন্দ বায়ু সঞ্চালনে সস্তাপ কিয়ৎ পরিমাণে মন্দীভূত হইয়াছে,— নীড়নিহিত বিহগকুল বিগতশ্রম হইয়া, স্নযুগ্মির অঙ্কশায়ী হইয়াছে,—প্রায় নিখিল জগৎ নিস্তব্ধ;—কেবল বায়ুস কুলের কণ্ঠধ্বনি এবং শৃগালের তর্জ্জন মধ্যে মধ্যে ঞ্চতিগোচর হইতেছে;— এমন সময়ে আমার তন্দ্রাকর্ষণ হইল। সুতরাং ঘট্টারোহি সোপান শ্রেণী আশ্রয় করিয়া, আমি সেই স্থানে শয়ন করিলাম। শয়ন মাত্রেই নিদ্রাকর্ষণ হইল না। এক দিকে গগনপটে সতারক নিশানাথের অপূর্ব লীলা;—অন্য দিকে প্রকৃতির কামনীয় রাজ্যে শান্তি দেবীর অনুপম শাসন দেখিয়া, মনোমধ্যে কতই অপূর্ব ভাবের আবির্ভাব হইতে লাগিল। তখন জীব জগতের অনিত্যতা, নিয়তির অনশ্চল্যতা, মানবজীবনের ক্ষণভঙ্গুরতা, ধর্মজীবনের অবিদ্বন্দ্বিতা, পাপের নির্ধাতন, দেহীর পরিণাম প্রভৃতি কত কথাই ভাবিতে লাগিলাম। ভাববিপর্যয়ে চিত্ত উদ্ভ্রান্ত হইল। নিশানাথকে সম্বোধন করিয়া বলিতে লাগিলাম—“দেব দেব! রোহিণিপতে! তুমি চিরদিন একই ভাবে অবস্থিতি করিতেছ! তোমার সিতাসিত পক্ষ অবলম্বন করিয়া, কত যুগ যুগান্তর তোমার পাদমূল বিধৌত করিয়াছে! কত ইন্দ্র চন্দ্র, কত বায়ু বরুণ, কত দোর্দণ্ড প্রতাপ দিকপাল তোমার স্নস্পিক্ত শান্ত করস্পর্শে অন্তরাগ্না স্নশীতল করিয়াছে! তুমি কত শত শত ধর্মের দ্বার উন্মুক্ত করিয়া দিয়াছ!—কত শত শত পাপীর হৃদয় বেদনা দূর করিয়াছ!—কত শত শত

অনাপিনী অবলার অশ্রুশি মোচন করিয়াছ !—কত শত শত শোকাতুরা জননীর নেত্রনীর নিবারণ করিয়াছ !—তুমি যে কর সম্পাতে প্রহ্লাদ, বামন, বশিষ্ঠ, দিলীপ, রঘু, অজ্ঞ, দশরথ, রাম চন্দ্রের দেহ স্নশীতল করিয়াছ, সেই কররাশিতে ঐব, শাহন, পাণ্ডু, বশিষ্ঠ, ভীম, অর্জুনের ও গাত্রস্পর্শ করিয়াছ ;—আবার সেই স্নশীতল করস্পর্শে বিক্রমাদিত্য, কালিদাস, ভবভূতি প্রভৃতির হৃদয়ানন্দ বর্ধন করিয়াছ !—আজিও আবার, সেই স্নশীতল রঞ্জিত বিকীরণ করিয়া, হতচেতন নবা ভারতসম্মানগণকে ও নোহিত করিতেছ ! দেব ! সৃষ্টির আদি হইতে আজি পর্যন্ত তোমার অপরিচ্ছাদিত কিছুই নাই ! তুমি সর্দঙ্গ, —সর্বাত্ম্যামী, —সর্বত্র বিহারী—এবং সর্বভূতের সাক্ষ্যস্বরূপ ! তোমার চক্ষের উপর দিয়া শত শত নিগ্নব, সহস্র সহস্র পরিবর্তন এবং লক্ষ লক্ষ পাপ পুণ্য সজ্জাটিত হইয়াছে এবং আজিও অসীম দ্বিকৃতিজালে প্রকৃতির দেহ অবাস্তুর বিপর্যস্ত হইয়া যাইতেছে ! কিন্তু তোমার বিন্দুমাত্রও পরিবর্তন সজ্জাটিত হইতেছে না ! তুমি সৃষ্টির আদিতে যে অবস্থায় অবস্থিত ছিলে, আজিও সেই ভাবে অবস্থিত রহিয়াছ ! দেব ! নিয়তির অনন্ত শ্রোতে অসংখ্য মানবজীবন জল বৃন্দুদের তায় অহরহঃ ভাসিয়া যাইতেছে !—আর্য্য ! বলিয়া দাও, ইহারা কোথায় যাইতেছে ?—যুগে যুগে যে অবাস্তুর পরিবর্তন সজ্জাটিত হইতেছে, তাহা কি ?—মহুয়া জন্মগ্রহণ করিতেছে ; কিছু দিন এ পৃথিবীতে লীলাধেনু করিতেছে ; পরিশেষে, জলবিশ্বের তায় কোথায় ভাসিয়া চলিয়া যাইতেছে ?—দেব ! সৃষ্টির এ রহস্য ত কিছুই বুঝিতে পারিলাম না ?—ভগবন্ ! এ রহস্যের পরিণাম কি ?

দ্বিতীয় স্তবক ।

সময় নিশীথ—স্থান জাহ্নবী-তীর্থ-সোপান ।

অশ্বিননগর কল্পং সঙ্গমং বল্লভানাং,
জলদপটলতুলাং যৌবনং বা ধনং বা ।
সুজনসুতশরীরাদীনি বিদ্যাচ্চলানি,
ঋণিকমিতি সমস্তং বিদ্ধি সংসারবৃত্তম ॥ *

ভূতপঙ্কের অবিনশ্বরতা ও জীবের অনিত্যতা সম্বন্ধে এইরূপ
কিয়ংকাল চিন্তা করিতেছি, এমন সময়ে নিদ্রাদেবী অজ্ঞাতসারে
আমার চক্ষুদ্বয় নিম্নীলিত করিলেন। সেই সুস্নিগ্ধ সৈকত সোপানে
সুমনস্ক মরুত হিল্লোলে বিকলেন্দ্রিয় ও বাহজ্ঞানশূন্য হইয়া গভীর
নিদ্রায় অভিভূত হইলাম। কিয়ংকাল নিদ্রা সুখ সন্তোষ না
করিতে করিতেই, বোধ হইল যেন, এক মহাপুরুষ অকস্মাৎ নদী-
গর্ভ হইতে উথিত হইয়া আমার শীর্ষদেশে দণ্ডায়মান হইলেন।

এই মহাপুরুষের দেহ নবোদিত অর্কমণ্ডলে ত্রায় প্রভা-
বিশিষ্ট; অতি প্রাচীন জরার প্রভাবে, মস্তকের জটিলতার ও
গাত্রের লোম সকল ধূসরবর্ণ; কপালে ত্রিবলী; গণ্ডস্থল নিম্ন;


* অর্থাৎ বল্লভানগরের সংসর্গ আকাশ নগর তুলা; ধন এবং যৌবন জলদ-
জালের স্তার ঋণবিনশ্বর; স্বজন, পুত্র এবং শরীরাদি বিদ্যাতের ন্যায় চঞ্চল;
এই সমস্ত সংসার কার্যই ঋণহারা বলিয়া জানিবে।

শিরা ও পাঞ্জরের অস্থি সকল বহির্গত এবং ষ্ঠেতবর্ণ লোমে কর্ণ-
বিবর আচ্ছাদিত ; পরিধান গৈরিক বসন ; গলদেশে রুদ্রাক্ষমালা
লম্বভাবে বিরাজমান ; পীন বাহুদ্বয়ের মধ্যে দক্ষিণ বাহুতে
অক্ষমালা ; আকর্ণ বিশ্রান্ত লোচনদ্বয় যেন মধ্যাহ্নকালীন
সূর্য্যের ত্রায় তেজঃসম্পন্ন ; দেখিলে বোধ হয় যেন, অগ্নিকুণ্ডিল
নির্গত হইতেছে । তাঁহার প্রশান্ত সৌম্যমূর্ত্তি দেখিবামাত্রি বোধ
হয়, তাঁহার শরীরে ঘেব, হিংসা, অহঙ্কার, বৈর, মাৎসর্য্য,
প্রভৃতির লেশ মাত্রও নাই । তিনি দয়ার সাগর—ক্ষমার আধার
—শান্তির প্রবাহ—বাৎসল্যের পয়োবি—সৎপথের পথ-প্রদর্শক—
এবং সংস্রভাবের আশ্রয় তরু । তিনি একরূপ তেজস্বী যে, তাঁহার
শরীর-প্রভায় চতুর্দিক আলোকিত ।

এই বিস্ময়কর ব্যাপার সন্দর্শনে আমার অন্তঃকরণ বৃগপৎ ভয়
ও বিস্ময়ে অভিভূত হইল । তখন আমি সুষুপ্তি ত্যাগ করিয়া
গললগ্নীকৃতবাসে সঠাঙ্গে প্রণিপাত করিলাম এবং কৃতাজলিপুটে
দণ্ডায়মান হইয়া, ভক্তিবোধ সহকারে বিনীতবচনে নিবেদন
করিলাম—“মহাভাগ ! আদেশ বিধান করিয়া মৎসদৃশ ক্ষুদ্র-
জনের প্রতি অনুগ্রহ প্রকাশ করুন । ভবাদৃশ মহাত্মগণ মদ্বিধ
ক্ষুদ্র জনের প্রতি রূপাকটাক্ষপাত করিবেন, ইহা আমার দুঃখ ।
তবে আপনি আমার প্রতি বাদৃশী অনুকম্পা প্রদর্শন করিয়াছেন,
তাহাতে যে আপনি স্বয়ং আপনার পরিচয় প্রদান করিয়া আমাকে
বাধিত ও অনুগ্রহীত করিবেন, ইহা বলা বাহুল্য মাত্র ।

আমার এই বিনয়গর্ভ বচন পরম্পরা শ্রবণ করিয়া সেই অসীম
তেজঃপুঞ্জশালী মহাপুরুষ এক বিশাল নিঃশ্বাস ত্যাগ করিয়া
বলিতে লাগিলেন—“বৎস ! আত্মসংগোপন মহাপাপ । স্মরণ

আমি তোমার নিকট আমার পরিচয় গোপন করিতে অভিলাষী নহি। তবে আপাততঃ কোন নিগূঢ় কারণ বশতঃ আমি তোমার নিকট মৎ পরিচয় প্রদান করিব না। তবে এইমাত্র বলিয়া রাখি যে, আমি এই মহানগরীর উপকণ্ঠস্থ একখানি গণ্ডগ্রামের অধিষ্ঠাতা। আমার পূর্বতন সন্তানগণের বশঃ সৌরভে একদিন দিগন্ত আমোদিত হইয়াছিল। •বৎসগণের সাধুতা, শ্রায়পরতা, বিচক্ষণতা ও সূক্ষ্মদর্শিতা প্রভাবে একদিন আমি সকলের নিকটেই বিশেষ প্রীতিভাজন ও সমাদৃত হইয়াছি। কালমাহাত্ম্যে আমার সে পূর্ব গৌরব অপহৃত হইয়াছে। তুমিও আমার সেই সন্তানগণের বিশেষ আশ্রয়। তোমার নিদ্রাকর্ষণের পূর্বে, তুমি যে ভাবলহরীতে সংস্কৃত হইতেছিলে, তাহা আমারই সংশ্লিষ্ট। সেই জন্তই এতৎ সম্বন্ধে কয়েকটী কথার উল্লেখ করিতে প্রবৃত্ত হইলাম, অবহিত চিত্তে শ্রবণ কর।



তৃতীয় স্তবক ।



শরণমশরণং বা বান্ধবো বন্ধমূলং,
শরণমপি তদারাদ্ দারমাপদ্ গ্রহাণাম্ ।
বিকলিতমতি পুত্রাঃ শত্রবঃ সর্বমেতৎ,
ত্যজত ভজত ধর্ম্যং নির্মলং কৰ্ম্মপাশান্ ॥ *

“বৎস ! স্থিরজানিও ইহসংসার অনিত্য । এই অনিত্য সংসাররূপ সরিৎ নিয়তিরূপ মহাসাগরের অভিমুখে অনুক্ষণ প্রধাবিত হইতেছে । মনুষ্য উক্ত সরিতে নৌকাস্বরূপ । নাবিক বিরহে নৌকা যেমন কোন প্রকারেই স্থির থাকে না, নিশ্চয়ই বিপথে গমন করে ; সেই রূপ এই মনুষ্যরূপ নৌকাতেও এক এক জন নাবিক বা কর্ণধার একান্ত আবশ্যক । ধর্ম্মই এই সংসার-সরিতে উপযুক্ত নাবিক । মনুষ্য ধর্ম্মরূপ নাবিকের সাহায্য গ্রহণ না করিয়া, কখনই এই সংসার-সরিৎ উত্তীর্ণ হইতে পারে না । বৎস ! হৃৎখের কথা, আমার আধুনিক সন্তান-গণের মধ্যে কেহ কেহ এরূপ ছুরাচার ও হৃদশাগ্রস্ত হইয়াছে যে, তাহা এক মুখে বলিয়া শেষ করিতে পারা যায় না । আজি কালি

* অর্থাৎ আশ্রিত বা অনাশ্রিত বান্ধবগণ সংসার বন্ধনের মূল এবং আশ্রয় ও আপদ-গ্রহণের (আরাৎ) সমীপ দ্বার স্বরূপ, এবং বিকলমতি পুত্রও শত্রু সদৃশ ; সুতরাং এই সমস্ত কৰ্ম্মপাশ ত্যাগ করিয়া, নির্মল ধর্ম্ম ভজনা কর ।

তাহারা ধর্মের আনুগত্য এককালে ত্যাগ করিয়াছে বলিলেও অতুক্তি হয় না । এই ধর্মনাশের সঙ্গে সঙ্গে তাহাদের লৌকিক আচার ব্যবহারও ঈদৃশ জঘন্য অবস্থায় অবস্থাপিত হইয়াছে যে, আধুনিক সম্মানগণ আমার পূর্বতন সম্মানগণের উত্তরাধিকারী বলিয়া পরিচয় প্রদান করিতেও ঘৃণা জন্মে । যাহা হউক, আমি এস্থলে উহাদিগের বর্তমান সামাজিক অবস্থার স্থূল স্থূল বিবরণ বর্ণন করিতেছি এবং যদি ভবিষ্যতে অবকাশ বা সুযোগ পাই, তাহা হইলে কি উপায়ে উহাদিগের বর্তমান দুর্দশা অপনীত হইবে, তাহাও নির্ধারণ করিব ।

বৎস ! সকলেই অবগত আছেন যে, প্রাচীন আর্য্য-ভারতে ব্রাহ্মণ, ক্ষত্রিয়, বৈশ্য ও শূদ্র এই চতুর্বিধ ব্যতীত অপর কোনও বর্ণ বা জাতি ছিল না । কালক্রমে, এই বর্ণ চতুষ্টয় নীচ ও উচ্চ পর্য্যায়ের সংশ্লেষে নানাবিধ বর্ণ বা জাতির আকার ধারণ করিয়াছে । উহাদিগের মধ্যে তিলী, তাম্বুলী, তম্বুবার, কন্দকার, কুন্তকার, মূলাকার, কংসবণিক, গন্ধবণিক, শঙ্খবণিক সন্দোপ, প্রভৃতি প্রধান । প্রকারান্তরে, ইহারাই ‘নবসায়ক’ নামে অভিহিত এবং ইহাদিগের জল দেবকার্য্যে ব্যবহৃত ব্রাহ্মণদিগের আচরণীয় । আমার সম্মতিগণ এই জাতি শ্রমের অন্ততম । কোনও পৌরাণিক গ্রন্থে এই জাতির বিবরণ লক্ষিত হয় না বটে, কিন্তু বর্তমান সময়ে ছুই এক থানি আধুনিক গ্রন্থে ইহাদের বিবরণ দেখিতে পাওয়া যায় ।

বাঁকুড়া, বর্ধমান, হুগলী, মেদিনীপুর ও চব্বিশ গরগণা প্রভৃতি জেলায় এই জাতি বাস করিয়া থাকে । বৎস ! বলিতে কি, আমি উহাদিগেরই আদিপুরুষ । এই জাতি বা আমার

সন্তানগণ, আচার ও ব্যবহারানুসারে কয়েক শ্রেণী বা সমাজে বিভক্ত হইয়াছে। সেই সকল শ্রেণীর মধ্যে পরস্পরের অন্ত ভক্ষণ প্রথা দেখিতে পাওয়া যায় না এবং উহাদিগের মধ্যে পুত্র কন্যার আদান প্রদান প্রথাও প্রচলিত নাই। ঘটনাক্রমে, যদি কেহ কখনও কাহারও সহিত বৈবাহিক সম্বন্ধে আবদ্ধ হয়, তাহা হইলে নিজ নিজ শ্রেণীর মধ্যে উভয়কেই বখণ্ডিত নতশির হইয়া থাকিতে হয় অর্থাৎ তাহার অন্ত স্ব স্ব সমাজস্থ লোক সাধারণে সহসা ভক্ষণ করে না। কিন্তু সেই ব্যক্তি নিমজ্জিত হইয়া, সকলের সহিত এক পংক্তিতে বসিয়া আহারাদি করিতে পারে, তাহাতে কোন দোষ স্পর্শ হয় না। উদার ইংরাজ রাজের রাজত্বে বহির্কর্ণাণিজ্য প্রকৃষ্টরূপে পরিবর্দ্ধিত হইয়াছে, সেই সূত্রে অন্তর্কর্ণাণিজ্যও সমধিক বৃদ্ধি প্রাপ্ত হইয়াছে। আমার সন্ততিগণ এই অন্তর্কর্ণাণিজ্যেই বিলক্ষণ পটু এবং এই সূত্রে বৈদেশিক জাতির সহিত সর্বদাই বিশেষরূপে লিপ্ত। ইহার জন্য উহারা অনেকেই বিলক্ষণ সম্পত্তিশালী ও সম্ভ্রমসম্পন্নও হইয়াছে। এমন কি, উহাদিগের মধ্যে কতিপয় ব্যক্তি, জমিদারী, কোম্পানির কাগজ ও বাটী ভাড়া প্রভৃতি নিরূপিত আয় করিয়াও লইয়াছেন! আমার এই ধনশালী তনয়দের মধ্যে, কেহ কেহ দেবসেবা, অতিথিসেবা, দাতব্য চিকিৎসালয়, দান, ব্রাহ্মণ ভোজন, পিতৃমাতৃশ্রাদ্ধ ও নিত্য নৈমিত্তিক ক্রিয়াকলাপ প্রভৃতি সাধারণ হিতকর কার্য্য ও সদনুষ্ঠান সকল সাধন করিয়া বিলক্ষণ প্রতিপত্তিশালী হইয়াছে এবং অগ্ৰাণ্য বর্ণের মধ্যে, আমরাই সমধিক উচ্চ পদবী লাভ করিয়াছি, এই মিথ্যাশ্রবের বিস্তারিত হইয়া, সময়ে সময়ে আপনাদিগকেও মহাগৌরবান্বিত জ্ঞান করিয়া থাকে। কলিকাতা মহানগরীর

নিকটবর্তী কোন এক গণগ্রামে পূর্বোক্ত শ্রেণীত্রয়ের মধ্যে এক শ্রেণীর কতকগুলি ব্যক্তি বহুকাল হইতে বাস করিয়া আসিতেছে । বৎস ! বলিতে হৃদয় বিদীর্ণ হয়, আমার এই আধুনিক সন্তান-গণের কয়েকটা গৃহস্থের ব্যবহাবেই আমি নিতান্ত উদ্বিজিত ও উৎপীড়িত হইয়াছি । পূর্বতন সন্তানগণের সৌভাগ্য ও বর্তমান তনয়গণের হৃদশা তন্ন তন্ন করিয়া সমালোচনা করিলে দেখিতে পাইবে, বর্তমান সন্তানগণ ধন সম্পত্তিতে পূর্বতন সন্তানগণ অপেক্ষা অনেকাংশে উচ্চ পদবী লাভ করিয়াছে বটে, কিন্তু বর্তমান সন্তানগণের সামাজিক শৃঙ্খলা ক্রমে ক্রমে নিতান্ত বিশ্লিষ্ট হইয়া আসিতেছে । যে সাধুতা, সরলতা, ও আর্জবতাগুণে এক দিন পূর্বতন সন্তানগণ সমাজের শীর্ষ স্থান অধিকার করিয়াছিল, আজি কালি সেই স্বর্গীয় গুণরাশি বর্তমান কুমারগণের হৃদয় হইতে এককালে অপসারিত হইয়া আসিয়াছে ;—যে অর্থ একদিন পূর্বতন সন্তানগণের ধর্ম্মার্থকামমোক্ষের হেতুভূত ছিল, তাহাই এক্ষণে আধুনিক সন্তানগণের আমোদ ও বাসনের উপায় স্বরূপ হইয়াছে !—যে অবলাকুল একদিন সমাজের অর্দ্ধাঙ্গরূপে দণ্ডায়মান হইয়া স্ব স্ব পতিদেবতার ঐহিক পরমার্থিক ক্রিয়া কাণ্ডের প্রধান সাধন স্বরূপ ছিলেন, যাহারা স্মরণভিত্তি সুপ্তোজ্ঞানের ত্রায় দূর হইতে গন্ধ বিস্তার করিয়া আপামর সাধারণের চিত্ত বিনোদন করিতেন, কিন্তু পর-কর-স্পর্শ-মাত্রেই লজ্জাবতী লতার ত্রায় কুঞ্চিতা, কুণ্ঠিতা ও ছিন্নশিরা হইয়া ভূতলশায়িনী হইতেন—সংসার যাহাদিগের ধর্ম্মারণ্য ও পতি-দেবতা যাহাদিগের একমাত্র বরণীয় আরাধ্য ইষ্টদেবতা ছিল ;—যাহারা আপুত্তিত কার্য-কালে সুযোগ্য মন্ত্রী ;—কার্য সম্পাদনে দাসী ;—ধর্ম্মকার্যসাধনে

ভাৰ্য্যা ;—ক্ষমাগুণে ধরিব্রী ;—স্নেহে জননী ;—শয়নে বেষ্টা—
 এবং রঙ্গরসে সখীর তায় ছিলেন, আজি সেই অঙ্গনাগণ সমাজের
 কলুষিত কণ্টককানন,—পতিগণ তাঁহাদিগের দাসবৎ অন্তর্ভূত-
 কারী—এবং সংসার সেই সেই স্ত্রীগণের আমোদ ও কৌতুকের
 রঙ্গভূমি স্বরূপ হইয়াছে । ফলতঃ বলিতে কি, এই স্ত্রীগণই সমাজ
 উৎসন্ন করিবার মূল কারণ । যদি উহারা পূৰ্ব্বতন প্রথাবলম্বিনী
 হইয়া সংসার-যাত্রা নির্বাহ করিত,—ঋজুজননী পদবী অবলম্বন
 করিয়া স্ব স্ব পদ মর্যাদা রক্ষা করিত,—নশ্বর বিলাস বিদ্রমে প্রাণ-
 মন মাতাইয়া স্বামীৰ অবমাননা স্থল অথবা ভোগ সুখাভিলাষিনী
 বেষ্টাগণের আচার পদবী প্রাপ্ত না হইত,—তাহা হইলে কখনই
 আমার সম্মানগণ এরূপ ভষ্ম ভাবাপন্ন হইয়া, দুর্গতির অন্তস্তল
 দর্শন করিত না । বৎস ! বলিতে হৃদয় বিদীর্ণ হয়, আমার
 পূৰ্ব্বতন সম্মানগণের অবস্থা স্মরণ করিয়া শতবার ক্রন্দন না
 করিয়া থাকিতে পারি না । বৎস ! তখন প্রতিগৃহ এক একটা
 ধর্মশালা স্বরূপ ছিল । মুনি কুটারের যে অপার্থিব পবিত্রতার কথা
 শুনিতে পাওয়া গিয়া থাকে, আমার তদানীন্তন সম্মানগণের বাস
 ভবনে তাহাই তখন সর্বক্ষণ বিরাজ করিত । উহারা বিলাসিতা
 কাহাকে বলে জানিত না । প্রত্যেক গৃহের গৃহিণীগণ মুনিপত্নী
 বা লক্ষ্মী স্বরূপিণী ছিলেন । স্বামীৰ অনুচর্যা ; সংসারের পবিত্রতা
 রক্ষা ; শিশু সম্মানগণের ভরণ পোষণ ও উহাদিগের জীবন গুণ্য
 ময় করিবার জন্তই, যেন তাঁহারা এই সংসারে অশ্ম গ্রহণ করিয়া-
 ছিলেন । বৎস ! দৈবায়ত্ত বিষয় মনুষ্যের সাধ্যাত্ত নহে । সেই
 জন্ত কালের ফুরাল কুটিলগতি লক্ষ্য করিয়া স্থির হইয়া রহিয়াছি ।
 মনুষ্য এক এক বার ইচ্ছা হয়, যেমন ভীষণ ধারিত্রীকপন স্তর

বিপর্যয় সংঘটন করাইয়া, উচ্চ স্তরকে নিম্নতলবর্তী করিয়া দেয়, তেমনই এই নরাধমগণকে—এই দুর্নিবার পাপ পিশাচপিশাচী-দিগকে স্থানান্তরিত করিয়া, পূর্বতন সম্মানগণকে সমানয়ন করি। বস্তুতঃ বৎস ! উহারা আজি কালি নিম্নবর্তী মহাবাকোরই সার্থকতা সম্পাদন করিতেছ—

শ্রুতঃ সত্যং তপঃ শীলং বিজ্ঞানং তদ্ব্যমুত্তমং
ইন্ধনীকুরুতে মূঢ়ঃ প্রবিষ্ট্য বনিতানলে ।
ইতিবৃত্তং বলশ্রাস্তং স্বকুলশ্রাপি লাঞ্জনম্,
মরণস্তু সমীপস্থং কামীলোকো ন পশ্যতি ॥

অর্থাৎ—মদনমূঢ় ব্যক্তিগণ বনিতানলে প্রবেশ করিয়া, বেদাভ্যাস, সত্য, তপশ্রা, শীল, বিজ্ঞান, উত্তম তত্ত্ব, এ সমস্তই এই অনলের কাগীভূত করিয়া থাকে। কামুক ব্যক্তিগণ ইতিবৃত্ত, বলসীমা, স্বকুলের লাঞ্ছনা এবং নিকট মরণ, এই সমস্তের কিছুই দেখিতে পায় না।

বলিতে বলিতেই, মহাপুরুষের হৃদয় উদ্ভ্রান্ত হইল; সর্বদয়র্ব স্থির হইয়া আসিল। মুচ্ছিতের স্থায় যেমন তিনি সোপানতলে পতিত হইবেন, অমনই আমি হস্ত প্রসারণ করিয়া, তাঁহাকে ধরিয়া ফেলিলাম এবং ধীরে ধীরে সোপানতলে শয়ন করাইলাম।

চতুর্থ স্তবক ।



সর্বদৈব রুজাক্রান্তং সর্বদৈব শুচোগৃহম্
সর্বদা পতনপ্রায়ং দেহিনাং দেহপিঞ্জরং ।
তৈরেব ফলমেতস্য গৃহীতং পুণ্যকৰ্ম্মভিঃ
বিরজ্য জন্মনঃ স্বার্থে যৈঃ শরীরং কদর্থিতম্ ॥২০

এইরূপে কয়েক মূর্ত্ত অতিবাহিত না হইতে হইতেই, মহাপুরুষের চৈতন্য সম্পাদিত হইল। কিন্তু তখনও তাঁহার ললাট প্রান্ত দিয়া বিন্দু বিন্দু স্বেদজল বিনির্গত হইতেছিল; ইহা দেখিয়া আমি তাঁহাকে সম্বোধন করিয়া কহিলাম—“তাতঃ। এখনও আপনার ক্লান্তি সম্পূর্ণরূপে অপনীত হয় নাই। সুতরাং আপনি এই স্থানে আরও ক্রিয়াক্ষণ শয়ন করিয়া, কৰ্ম্মক্ষেত্র সূত্র হউন। আমি আপনার নিকট যতদূর শ্রবণ করিয়াছি, তাহাতেই আপনার সন্তানগণের অবস্থা সমাক্রূপে অবগত হইয়াছি। অধিক বর্ণন করিয়া, আর আপনার অনর্থক যন্ত্রণা ভোগ কবিবার প্রয়োজন নাই”

আমার মুখ হইতে এই কয়েকটা কথা বহির্গত না হইতে হইতেই, মহাপুরুষ পুনরায় বলিতে লাগিলেন—“না, বৎস !

* অর্থ—দেহিগণের দেহপিঞ্জর সর্বদাই রোগে আক্রান্ত, শোকের গৃহ এবং সর্বদাই পতন প্রায়। স্বার্থের জন্য যে শরীর নষ্ট করা যায়, জন্মের প্রতি বিরক্ত হইয়া পুণ্য কার্য্য করিলে, তদ্বারা এই শরীরের ফল প্রাপ্ত হওয়া যায়।

ইহাতে আমার কিছুমাত্র ক্লেশ বোধ হইতেছে না । বরং আমার হৃদয় নিহিত বিষরাশি উদগীরিত হইয়া, আমার হৃদয়ভার বল্ল পরিমাণে লঘু হইয়া আসিয়াছে । বৎস ! আশ্রয়ে গিরির অগ্ন্যুৎপাত দ্বারা ভূমির উর্বরতা বৃদ্ধি হইয়া, প্রকৃতিপুঞ্জের যেরূপ অসীম উপকার সাধন করে, এরূপ আর কিছুতেই দেখিতে যায় না । আমারও তাহাই হইয়াছে । যাহা হউক, এক্ষণে আমার আর কোন বিশেষ অসুখ বোধ হইতেছে না । সুতরাং বৎস ! আমি পুনরায় বলিতেছি, অবহিতচিত্তে শ্রবণ কর ।”

“—শুদ্ধ আমার সন্তানগণের দোষেই যে সমাজ এতাদৃশ উচ্ছৃঙ্খল হইয়াছে, তাহা নহে । পাপীয়সী স্ত্রীগণও আমাকে বিধিমতে যন্ত্রণা প্রদান করিতেছে । উহারা মায়াময়ী প্রেম-বাণুরা বিস্তার করিয়া, আমার সন্তানগণকে এরূপ বিমোহিত ও হতচেতন করিয়া দিয়াছে যে, তাহাদিগের পিতৃপৈতামহিক সদগুণরাশি, বিলুপ্ত না হইলেও, উহাদিগের কুহকে এককালে কলুষিত হইয়া রহিয়াছে । ফলতঃ আজি কালি এই রাক্ষসিগণই সর্ববিষয়ে একপ্রকার সর্বময়ী কর্ত্রী হইয়া উঠিয়াছে । আমার সন্তানগণ কোন সংকল্পের অনুষ্ঠানে প্রবৃত্ত হইলে, এক দিকে পাপিনিগণের কুহক, অপরদিকে উহাদিগের অনিবার্য উচ্ছৃঙ্খলতা, বৎসগণকে এককালে স্তম্ভিত ও বিমোহিত করিয়া দেয় । বলিতে কি, পরনিন্দা, পরপীড়ন, পরহিংসা, পরদেষ এবং পরাপকার প্রভৃতি সমস্ত কার্য্যই এই পাপীয়সী বামাকুলের জীবনের সারব্রত । অত্বেয় সুখ উহাদিগের চক্ষের শূল । যদি প্রতিবেশিনিগণের মধ্যে পরস্পর সদ্ভাব দেখিতে পারি, তাহা হইলে অমনই উহাদিগের মস্তকে বজ্রাঘাত হয় । যত দিন তাহাদিগের

পরস্পরের বিচ্ছেদ বা মনান্তর না ঘটাইতে পারে, তত দিন তাহারা কিছুতেই শান্তি লাভ করে না। তাহারা মনে করে, আমরা এই সমস্ত কার্য্য করিবার জন্তই, ধরাধামে 'অবতীর্ণ' হইয়াছি।

আবার, উহাদিগের একপ নিষ্ঠুর প্রকৃতিরও পরিচয় পাওয়া গিয়াছে যে, তাহা শুনিলে গাত্র লোমাঞ্চ হইয়া উঠে। একদা কোন স্ত্রীলোক কোনও প্রতিবেশীর বাটীতে গিয়া কথায় কথায় বিবাদ আরম্ভ করে। সেই প্রতিবেশীর গৃহে এক পূর্ণগর্ভা রমণী ছিল। বিবাদোন্মত্ত হইয়া, সেই পাপীয়সী প্রাপ্তভ্রাতা গর্ভিণী রমণীর গর্ভোপরি পদাঘাত করিতে আরম্ভ করে। দারুণ আঘাতে গর্ভিণীর গর্ভবেদনা উপস্থিত হয় এবং গৃহস্বামী, প্রাণপণ করিয়া সেই বেদনা নিবারণের চেষ্টা করে। কিন্তু বিবিধ উপায় অবলম্বন করিয়াও, সেই বেদনা কোন রূপে প্রশমিত হয় নাই। সূতরাং তখন সেই পরিবার অনন্যোপায় হইয়া, অগত্যা দাতব্য চিকিৎসালয়ের আশ্রয় গ্রহণ করে; কিন্তু তাহাতেও কৃতকার্য্য না হইয়া, বহুবিধ উপায় অবলম্বন করতঃ পরিশেষে সে ব্যক্তি সেই ভীষণ বিপদ হইতে পরিত্রাণ পায়।

আবার, কোন এক হতভাগিনীর সহিত এক আত্মীয়্য প্রতিবেশিনীর মনান্তর ছিল। দুর্ব্বৃত্তা, সেই স্ত্রী আপন গৃহে অগ্নি প্রদান করে এবং উক্ত আত্মীয়্যর নামে দোষারোপ করিয়া আদালতের আশ্রয় গ্রহণ করে। কিন্তু সৌভাগ্য ক্রমে, বিচারপতি মহাশয় উক্ত ঘটনা মিথ্যা বিবেচনা করিয়া, মোকদ্দমা ডিসমিস্ করিয়া দেন। বস্তুতঃ পিশাচীগণের অসাধ্য কার্য্য কিছুই নাই। ইহা বলা সঙ্গত, সঙ্গুণাবিত, সংস্কারবসম্পন্ন নির্দোষ ব্যক্তি-

গণের বিমল চরিত্রে অবলীলাক্রমে দোষারোপ করিতেও ভীতা ও কুণ্ঠিতা হয় না। যাহা শ্রবণেও পাপ স্পর্শ হয়, বিবাদ সূত্রে একরূপ অশ্রাব্য বাক্যও সেই নারকিণীগণের মুখ হইতে নির্গত হইয়া থাকে। ইহারা মনে করিয়া থাকে যে, কস্মিন্কালেও মৃত্যুমুখ দর্শন করিতে হইবে না—উহারা অমরত্ব লাভ করিয়াই ধরাধামে জন্ম গ্রহণ করিয়াছে, সুতরাং তাহাদিগের অন্তর্ভূত কার্যাবলী চিরপবিত্রতাময় ও সর্বজনের আদরণীয়। এই ভাবিয়াই, বোধ হয়, তাহারা স্বাধীনভাবে যণ্ডের ত্রায় সমাজ মধ্যে অক্লেশে নৃত্য করিয়া বিচরণ করে। কিন্তু হায়! তাহারা কি ছুবন্ত ভ্রম জালে নিপতিত! তাহারা মূর্খত্বের জগৎও বিবেচনা করে না যে, জীব জন্মগ্রহণ করিলেই, কাল ছারাক্রূপে অনুক্ষণ তাহার অনুসরণ করিয়া থাকে। কালপূর্ণ হইলেই, পরিশেষে তাহাকে এই মায়াময় সংসার হইতে নিক্ষেপিত করিয়া লইয়া যায়। তখন ত্রিশূলপতি ভূতভাবন ভগবান্ আসিয়াও, তাহাকে রক্ষা করিতে সমর্থ হয়েন না। বৎস! জানি না, এই নররাক্ষসিগণ এবস্থিধ গুরু অত্যাচার করিয়া—সমাজমধ্যে এইরূপ দুর্ভাগ্য পাপভারে পীড়িত হইয়া,—কি বলিয়া ধর্মের সন্মুখীন হইবে? জগদীশ! এই বিশাল বিশ্বরাজ্যে পাপিগণের জন্ত তুমি বহুতর দণ্ডের সৃজন করিয়াছ! কিন্তু দেব! বোধ হয়, সেই সকল দণ্ডে এই নারকিণীগণের কিছুই হইবে না। ইহাদিগের জন্ত তোমার অভিনব দণ্ডের আবিষ্কার করিতে হইবে। নতুবা, যে রসনা নিরপরাধ ব্যক্তিগণের কুংসা বাক্য উদ্দীর্ণ করিয়া থাকে, সেই রসনা শত শত খণ্ডে বিভাজিত হয় না কেন?—যে হস্ত পদাদি নিরীহ ব্যক্তির বিরুদ্ধে উত্থিত হইয়া থাকে, সেই হস্ত পদাদি দুর্জয়

কুঠ ব্যাধির ঘোর আক্রমণে স্থলিত হয় না কেন?—অথবা পরের স্ত্রুথ বাহাদিগের চক্ষুঃ শূল, তাহাদিগের চক্ষুঃ শকুনি গৃধিনীর উদরসাৎ হয় না কেন?—কয়েকটি পাপীয়সীর দণ্ডবিধানে যদি জগদীশ! তোমাকে এতই ব্যতিব্যস্ত হইতে হইল, তবে তাহাদিগের সৃষ্টির কারণ কি?

আবার, এই দুর্দর্শ পিশাচিগণের ক্ষমতা এতদূর প্রবল যে, যদি ঘটনাক্রমে কোন সালিসী, মধ্যস্থ, বিসম্বাদ, আদালতাপ্রিত কোনও মোকদ্দমার ঘরোয়া নিষ্পত্তি, অথবা অত্ন যে কোনও সাংসারিক ঘটনা সংঘটিত হউক না কেন, এই পাপীয়সিগণই তাহা সমাধা করিয়া থাকে। সময়ে সময়ে আমার সন্তানগণকে তাহাতে কৃত্তক্ষেপ করিতেও দেয় না। এদিকে, আমার সেই সেই গৃহের আধুনিক সন্তানগণও একরূপ নিস্তেজ, হীনবীর্য্য ও স্বেণভাবাপন্ন হইয়া পড়িয়াছে যে, উহারা এইরূপ গুরুতর বৈষয়িক ব্যাপার সমস্তেও সেই সেই পিশাচিগণের আদেশ বাতীত কোনও কার্য্য করিয়া উঠিতে পারে না। আবার শুদ্ধ ইহাও নহে, এক দিন জনক, জননী, ভ্রাতা, ভগিনীর স্নেহ বন্ধন, অনায়াসে বিচ্ছিন্ন করিবে, তথাপি স্ত্রীর মাতা পিতা, ভ্রাতা ভগিনীর ক্রকুটি-কুটিল-মুখ সন্দর্শন করিতে পারিবে না। স্ত্রী পক্ষীয় পরিজনগণ যাহা বলিবেন, ভাল হউক, মন্দ হউক, অবিচারিত চিত্তে তৎক্ষণাৎ তাহাই সম্পাদন করিতে প্রস্তুত হইবে। গৃহ বিচ্ছেদ, বন্ধু বিচ্ছেদ, আত্মবিচ্ছেদ প্রভৃতি যে কোনও গুরুতর বিপৎপাত সজ্জাটিত হউক না কেন, প্রাণতোষিনীর আদেশ হইলে, অভীষ্টদাতা ইষ্টদেবের বাক্যের ত্রায় তাহাই কবণীয় হইবে। চারুহাসিনী সহধর্ম্মিণী আজি আদেশ করিলেন

যে, যদি তোমার কনিষ্ঠের সর্বস্বাস্ত করিয়া, তাহার বাসভবনের উপর এক পুষ্করিণী খনন করিয়া দাও এবং যদি আমি সেই পুষ্করিণীর জলে স্নান করিতে পাই, তাহা হইলে আমার গাত্র দাহ, শিরঃপীড়া ও মৃতবৎসাদি রোগের শাস্তি হয়। একরূপ স্থলে ছুরাচার সর্বাগ্রে তাহাই করিতে প্রবৃত্ত হইবে।' জননী-ভঠর হইতে পতিত হইয়া যে মৈনসর্গিক স্নেহবন্ধন, সর্ববিধ আপদ, সর্ববিধ অন্তরায় অতিক্রম করিয়া, পর্ত শিখর হইতে পতিত, সাগর-গর্ভে নিমজ্জিত, অথবা অশনি সম্পাত বন্ধে ধারণ করিতে কুণ্ঠিত বা শঙ্কিত করে নাই, 'পিশাচিগণের ঘোর কুহকজালে পতিত হইয়া, সেই বিমল স্নেহবন্ধনও অনায়াসে বিচ্ছিন্ন হইয়া যাইবে। তখন তনয়-প্রতিম কনিষ্ঠ, সহোদরের সর্বস্বাস্ত দূর হউক, তাহার রক্তে তর্পণ করিয়াও বোধ হয়, মনোভীষ্ট পূর্ণ হইবে না। দেব দেব ! জগৎপতে ! অতঃ সহ হয় না ; এ পিশাচিগণের ছলক্য রাহুগ্রাস আর কত দিনে অন্তরিত হইবে ? অশান্তির দারুণ জ্বালা এমন করিয়া আর কত দিন আমার এই হতপ্রাণ বিদগ্ধ করিবে ? রে পাঁপিনি চণ্ডচণ্ডালিনি-গণ ! তোদের মনস্তষ্টির আর কি অবশেষ আছে ? আমার সুখময় সুরসমাজ ত শ্মশানে পরিণত করিয়াছিস্ ! তোদের মায়া-জালে বদ্ধ হইয়া, আমার পূর্বতন সন্তানগণের দেবভাক্ত পশুপ্রকৃতি অবলম্বন করিয়াছে ! এখনও কি তোদের মনস্তষ্টি সাধিত হয় নাই ? রে হতভাগিনি সমাজপাণ্ডুলাগণ ! যদি আজি সুবিচারক ত্রায়দর্শী-ইন্দ্ৰাজ-রাজের রাজ্য না হইত—যদি আজি পরমুণ্ড কর্তনাপরাধে নিজ মুণ্ড প্রদানের আদেশ বিধিবদ্ধ না থাকিত, তাহা হইলে রে নরঘাতিনি পাঁপিনিগণ ! বল

দেখি, তোদের ত্রায় রাক্ষসী প্রাণ-তোষিণী গৃহলক্ষ্মীগণের আদেশে আমার দুর্বৃত্ত তনয়গণ পরমুণ্ডচ্ছেদনে কি কদাপি কুণ্ঠিত হইত ?

ভাল, বল দেখি, পাপিনিকুল ! শাস্ত্রকারগণ তোদের যে পরিষ্কৃত চরিত্র অঙ্কন করিয়া গিয়াছেন, তাহার কি একটা বর্ণও নিরর্থক প্রযুক্ত হইয়াছে ? চণ্ড-চণ্ডালিনিগণ ! বলিতাম না, তোরা কয়েকটা ঘরে আমার অমরত্রাস সন্তানগণকে যেক্রূপে উৎসন্ন দিতে বসিয়াছিস্, তাহাতে কি তোদিগকে বলিতে পারি না ।

অলক্তকো যথা রক্তো নিস্পীড়্য পুরুষস্তথা

অবলাভির্বলাদ্রক্তঃ পাদমূলে নিপদ্যতে ॥

অর্থাৎ—অবলাগণ যেমন অতীব বল সহকারে অলক্তক রস নিস্পীড়ন করিয়া পাদমূল রঞ্জিত করিয়া থাকে, তেমনই উহারা পুরুষগণকেও নিস্পীড়ন করিয়া পাদমূলে পরিধান করে । কলতঃ যাহাই হউক, আবার আমার পশু প্রকৃতি সন্তানগণকেও সন্তোষন করিয়া বলিতেছি—তাহারাও এমনই ভ্রমাক্ষ যে এক-বারের জন্ত বুকিয়া উঠিতে পারে না যে,—

নাগ্নিস্তৃপ্তি কাষ্ঠৌর্ঘৈনাপগাভির্মহোদধি

নান্তকঃ সর্ববভূতৈশ্চ ন পুংভির্বামলোচনা ॥

যে মোহান্মন্যতে মূঢ়ো রক্তেয়ং ময়ি কামিনী

স ভবেৎ বশগস্তস্যা নৃত্যক্রীড়াশকুন্তবৎ ।

তাসাং বাক্যাদি স্বপ্নানি তথ্যানি স্তু গুরুত্বপি

করোতি যঃ কৃতীলোকে লঘুত্বং তস্য নিশ্চিতম্ ॥

অর্থাৎ—অগ্নি যেমন কাষ্ঠ রাশি দ্বারা, সমুদ্র যেমন নদী সমূহ

দ্বারা এবং কালান্তক যম যেমন জীবসজ্জাত দ্বারা তৃপ্তি লাভ করিতে পারে না, সেইরূপ কামিনিগণ পুরুষগণ দ্বারা কদাচ পরিতৃপ্ত হয় না। যে মুঢ় ব্যক্তি মোহবশে বিবেচনা করে যে, এই রমণী আমার প্রতি অনুরক্ত, সে নৃত্যকীড়াকারি ময়ূরাদির ন্যায় তাহাদের বশীভূত হইয়া পড়ে। যে কৃতী ব্যক্তি উহাদের স্বরূপ বাক্যানুসারে কার্য্য করে, সে লোক মধ্যে নিশ্চয়ই লঘুতা প্রাপ্ত হয়।

যাহাহউক, বৎস ! পাপিয়সিগণ আমার প্রাণাধার সন্তানগণকে এতদূর ছর্ব্বত্ত করিয়াও ক্ষান্ত হয় নাই। শুদ্ধ ইহাই তাহাদিগের পাপের চরম সীমা নহে। ইহাদিগের মধ্যে কতকগুলি রাক্ষসী আবার এতাদৃশী কণ্ঠা বৎসলা (মেয়ে সোহাগিনী) যে, তাহারা একটী কণ্ঠাসন্তানের অনুরোধে প্রায় সর্ব্ববিধ পাপের জঘন্য মূর্ত্তি দর্শন করিতেও কুণ্ঠিতা হয় না। যদি ইহাদিগের মধ্যে একটী কণ্ঠা সন্তান ভূমিষ্ঠ হয়, তাহা হইলে তাহাদিগের আর আনন্দের সীমা থাকে না। কেহ কেহ মনে করেন, আকাশ হইতে চন্দ্রদেব আমার গৃহ উজ্জল করিবার জন্ত, কণ্ঠাক্রপে ভূতলে জন্মগ্রহণ করিয়াছেন ;—কেহ কেহ স্থির করেন, কণ্ঠা ভূমিষ্ঠ হওয়াতে আমাদের স্বর্গ-গমনের দ্বার উদ্ঘাটিত হইয়াছে,—এই কণ্ঠা সন্তান দ্বারা আমরা সশরীরে স্বর্গে গমন করিব ;—যমরাজ আর আমাদের কিছুই করিতে পারিবেন না। কেহ বা মনে করেন, স্বয়ং অন্নপূর্ণা কালীধাম ত্যাগ করিয়া আমার গৃহে অবতীর্ণা হইয়াছেন, এইবার আমাদের অন্ন বস্ত্রের কষ্ট দূর হইবে। অধিক কি বলিব, ইন্দ্র লাভে—অম্বরগণের—পুত্রপ্রাপ্তিতে, বন্ধ্যার—বারিসম্পাতে চাতকের—এবং রাজ্যপ্রাপ্তিতে দরিদ্রের

যে রূপ হর্ষোদয় হইয়া থাকে, উহাদিগের গৃহে একটা মাত্র কন্যা-সন্তান ভূমিষ্ঠা হইলে, উহারা ততোধিক আনন্দ লাভ করে ।

কালক্রমে, কন্যার বিবাহকাল উপস্থিত হইলে, সেই পাপীয়সি-গণ আবার একরূপ পাত্রের অনুসন্ধান করিতে থাকে, যে পাত্রটীর পিতা মাতা প্রভৃতি কোন গুরুজন অথবা পুত্রপৌত্রাদি কোন উত্তরাধিকারী না থাকে । পাত্র স্বয়ংই সংসারের সর্বেসর্ব্বা অথবা একমাত্র কর্তা হয় ; অথচ, কিঞ্চিৎ বিষয় সম্পত্তিরও সমাবেশ থাকে এবং কন্যাকে সুবর্ণালঙ্কারে ভূষিতা করিতে পারে । এবিধ একটা পাত্রের অনুসন্ধান হইলেই, সেই কন্যাবৎসলা প্রকৃতি পাত্রের রূপ, গুণ, কুল, শীল, বিদ্যা, বুদ্ধি ও বয়সাদির বিচার না করিয়া, সপত্নীর উপরেই হউক, অথবা দ্বিতীয় হইতে চতুর্থবার পরিণীত পাত্রকেই হউক, স্বকীয় গৃহোজ্জ্বলকারিণী স্নেহময়ী কন্যার হৃৎসর্গ করেন । একরূপ পরিণয় ব্যাপার সম্পাদন করিবার উদ্দেশ্যে এই যে, চাহিতার কন্যাকাল উপস্থিত না হইতে হইতেই, জামাতার মৃত্যু সংঘটিত হইলে, তাহার স্নেহময়ী কন্যাই সর্ব্ব সম্পত্তির উত্তরাধিকারিণী হইয়া তাহাদিগের মনোভীষ্ট সাধন করিবে । কন্যা ভূমিষ্ঠ হইলে তাহারা যে মনে করিয়াছিল যে, স্বয়ং অল্পপূর্ণা উহাদিগের অল্প বস্ত্রের কষ্ট দূর করিবার জন্য কাশীধাম ত্যাগ করিয়া তাহাদিগের গৃহে অবতীর্ণ হইয়াছেন, তখন তাহাদিগের সেই বাক্যেরই বাথার্থ্য সম্পাদিত হইবে । কিন্তু কন্যার দশা কি হইবে—কন্যার পরিণাম ফল কি ভয়াবহ,—তাহা তাহারা একবারের জন্যও স্মরণ করিয়া দেখে না ।

অপরন্তু, ঈশ্বরের ইচ্ছায় যদি পাত্রটী দীর্ঘজীবন লাভ

করিয়া, কত্কার সহিত একযোগে সংসার-সমুদ্র সম্ভরণে কৃতসংকল্প হয়, তাহা হইলে জামাতা নির্বিবাদে তাহাতেও সফলকাম হইতে পারেন না। সেরূপ অবস্থায় পাপীয়সিগণ নিজ স্বার্থ-সিদ্ধির বিষম অন্তরায় দেখিয়া, কিছুতেই কত্য়াকে জামাতৃভবনে প্রেরণ কল্পিতে অভিলাষিণী হয় না। সেই সময়েই কত্য়াকে স্বশুরালয়ের বাসোপযোগী নানাবিধ সজ্জাপদেশ প্রদান করা দূরে থাকুক, এরূপ জঘন্ত কুপরামর্শ ও কুশিক্ষা প্রদান করিতে থাকে যে, তাহাতে কত্য়টি এককালে অপদার্থ হইয়া পড়ে এবং স্বশুরভবনে বাস করিয়া, স্বামীর গৃহচর্যা তাহার পক্ষে নিতান্ত অসম্ভব ও যজ্ঞগাবিশেষ হয়। এইরূপ জামাতা যখন ভার্য্যাকে নিজভবনে লইয়া যাওয়া নিতান্ত অসম্ভব বলিয়া বুঝিতে পারেন, তখন অগত্যা স্বশুরালয়ের নিকট^১ ভী কোন আত্মীয়ের ভবনে রাখিয়া দ্রীর দুর্ন্যতি নিরাকরণের চেষ্টা করিতে থাকেন। কিন্তু তাহাতেও কৃতকার্য হইতে পারেন না। কারণ, পিত্রালয় নিতান্ত নিকটবর্তী বলিয়া, সেই যুবতী-কত্য়, দিনের মধ্যে অন্ততঃ দুই চারি বার মন্ত্রিগণের সহিত পরামর্শ করিবার অবসর প্রাপ্ত হয় এবং শিক্ষার বাহা কিছু অবশিষ্ট থাকে, পাপীয়সি রাক্ষসিকুল সেই সময়েই তাহা সমাপন করিয়া লয়। বস্তুতঃ সেই সময়ে উহারা সেই যুবতী কত্য়াকে এরূপ কলুষিত ও কুটিল পথ দেখাইয়া দেয় যে, যে স্বামীর গৃহ হিন্দুযুবতীর পক্ষে স্বর্গ-ভবন-রূপে প্রতীয়মান হয়, তখন তাহাই তাহার পক্ষে কারাগৃহ বা যমালয় স্বরূপ বোধ হইতে থাকে। যে স্বামীর কণামাত্র অনুগ্রহের আশয়ে, হিন্দুললনা অহর্নিশ উৎফুল্ল হইয়া থাকে,—যে স্বামীর স্নেহ,

যত্ন ও প্রণয়লাভাকাঙ্ক্ষায় হিন্দুরমণী সর্বস্বত্যাগিনী হইয়া, রাজ-ভবন গরিত্যাগ করিয়া ত্রিথারিণী বা বনবাসিনী হইয়া থাকে,—স্বামী অন্ধ হউক, খঞ্জ হউক, বধির হউক, প্রীতির চক্ষে, ভক্তির নেত্রে নিরীক্ষণ করিতে যাহারা কদাপি বিচলিত হয় না,—সেই স্বামীই তাহাদিগের নিকট কৃতান্তের অনুচ্চর অথবা দ্বিতীয় কৃতান্ত বলিয়াই বোধ হইয়া থাকে । কিন্তু বৎস ! ভাবিয়া দেখ, যখন আর্য্যগগনে হিন্দুধর্ম্মরূপ প্রচণ্ড ভাস্কর উদ্ভিত হইয়া, আবালবৃদ্ধবনিতার ধর্ম্মজীবন অলৌকিক সহায় প্রতিভাত করিয়াছিল,—যখন এই মর্ত্ত্য জীবনে ধর্ম্ম ভিন্ন আর কিছুই ‘পরম ধন’ বলিয়া অভিহিত হইত না—যখন বামাকুল জ্ঞানযোগে স্বর্গ ও নরক নথ-দর্পণে অনুক্ষণ প্রত্যক্ষ করিতেন,—তখন এই পতির জন্ম হিন্দুধর্ম্মশাস্ত্র কি অমূল্য রত্ন সকলই না উদগীরণ করিয়াছেন ! তখন তাঁহারা সজীব মনুষ্য জীবনের কথা দূরে থাকুক, নিশ্চল, নিজ্জীব, অচেতন পদার্থেও স্বর্গীয় দাম্পত্য-প্রেম—সতীত্বের অতুল্য চ্ছবি দেখিতে পাইয়াছেন এবং সেই জন্তই উচ্চ কণ্ঠে বলিয়াছেন—

শশিনা সঙ্কযাতি কৌমুদী সহ মেঘেন তড়িৎ প্রলীয়তে ।
প্রমদা পতিবত্সর্গা ইতি প্রতিপন্নং হি বিচেতনৈরপি ॥

সেই জন্তই তাঁহারা নির্দেশ করিয়াছেন, ‘প্রমদা পতির অনুগামিনী,’ শুদ্ধ এই সত্য প্রতিপাদন করিবার জন্তই ‘প্রকৃতি-জগতে জ্যোৎস্না, শশীর সহিত এবং বিহ্বাৎ, মেঘের সহিত অন্ত-হিত হয় । বৎস ! বলিতে কি, এই স্বপ্ন দৃষ্টির প্রভাবেই, আর্য্যনারীজগৎ পাশ্চাত্য সভ্যজগতের স্থূল দৃষ্টির মস্তকে পদাঘাত

করিয়া শত ধিকারে বিকৃত করিয়াছেন এবং মাতা, পিতা, ভ্রাতা, ভগিনী, পুত্র কন্যা প্রভৃতির স্নেহবন্ধন ছিন্ন করিয়া স্বামীর দেহের সহিত নিজ দেহ প্রজ্জ্বলিত চিতানলে বিসর্জন করিতে পারিয়াছেন । এদিকে, হিন্দুশাস্ত্রকারগণ আপনার মাতা, কন্যা, স্ত্রী, ভগিনী প্রভৃতির এই অভাবনীয়, অমানুষিক, অপার্থিব কাণ্ড দেখিয়া, আনন্দে নৃত্য করিতে করিতে, অক্ষয় স্বর্গ দেখাইয়া বলিয়াছেন—

মৃত্যে ভর্ত্তরি যা নারী সমারোহেদ্ধুতাশনম্ ।

সারুন্ধতীব পূজ্যা সা স্বর্গলোকে নিরন্তরম্ ॥

অর্থাৎ—স্বামীর মৃত্যু হইলে, যে নারী হতাশনে আবোহণ করিয়া স্বামীর অনুগমন করেন, তিনি অরুন্ধতীর ত্যায় স্বর্গলোকে নিরন্তর পূজিতা হইয়া থাকেন ।

কিন্তু সতীর মন ইহাতেও পরিতৃপ্ত হয় নাই !—স্বর্গে আসিয়াও তাহার প্রাণ কঁাদিয়া উঠিয়াছে !—তিনি অমনই শাস্ত্রকারকে সন্মুখেরে ডাকিয়া বলিয়াছেন, শাস্ত্রকার কি করিয়াছ ?—যে সকল স্ত্রী স্ব ইচ্ছায় পতির চিতানলে দেহ বিসর্জন করিবে, তুমি তাহাদিগকেই স্বর্গে আনিয়া তুলিলে ;—কিন্তু যাহারা স্বেচ্ছায় অনুমতি না হইবে, তাহাদের উপায় কি করিলে ?—তাহারা কি তবে দাম্পত্য প্রেমের পরিণাম—সতীত্বের মহোচ্চ যোগবল—দেখিতে পাইবে না ?—চন্দনের দাহিকাশক্তি আছে, তাহা কি তাহারা জানিতে পারিবে না ? ইহ জগতে আসিয়া, এই সংসারের অলীক হাঁড়ি, কুঁড়ি, বেড়ী, শরা লইয়াই, কি তাহারা এ জীবন অতিবাহিত করিবে ? এ অনন্ত নিয়তির বিস্তুতি-মাগরে জলবুধদের ত্যায় কি তাহারা এক দিকে মিশিয়া চলিয়া

যাইবে?—না শাস্ত্রকার! তাহা করিও না!—তাহাদিগকেও পথ দেখাইয়া দাও!—তাহাদিগকেও বলিয়া দাও—

যাবচ্চাগ্নৌ মৃত্যে পত্যৌ স্ত্রী চাত্মানাং প্রদাহয়েৎ ।

তাবন্ন মুচ্যতে সা হি নরকান্ধি কথঞ্চন ॥

মাতৃকং পৈতৃকঞ্চাপি শশুরস্য কুলং তথা ।

কুলত্রয়ং তারয়েদ্ধি তর্ভারং যান্নুগচ্ছতি ॥

অর্থাৎ—পতি মৃত্যুগ্রাসে পতিত হইলে, নারী যে পর্য্যন্ত নিজ দেহ স্বামীর চিত্তানলে দাহন না করে, তাবৎ সে নরক হইতে মুক্তিলাভে সমর্থ হয় না। যে নারী স্বামীর অন্নুগমন করে, সে মাতৃকুল, পিতৃকুল এবং শশুর কুল উদ্ধার করিয়া থাকে।

শুনিয়া শাস্ত্রকার স্তম্ভিত হইলেন। সতীর ক্ষীণ প্রাণের মহত্ত্ব দেখিয়া, অবাক হইয়া রহিলেন। কি করিবেন, কি বলিবেন, তাহাই স্থির করিতে লাগিলেন।

কিন্তু সতী পুনরপি বলিলেন,—“শাস্ত্রকার! এখনও হয় নাই!—এখনও দাম্পত্য সুখের—আর্য্যনারীর পতিপরায়ণতার—পূর্ণ ছায়া দেখিতে পান নাই! ঈশ্বরের একত্রেই মোক্ষ অবস্থিতি করে;” অর্থাৎ এই আত্মা, সর্বভূত পরিত্যাগ করিয়া, যখন একমাত্র পরমাত্মায় বিলীন হয়, তখনই জীবের মোক্ষলাভ হইয়া থাকে; যদি এই কথা স্বীকার করিতে হয়, তাহা হইলে দেব! এখনও আর্য্যনারীর পাতিব্রত্যাধর্ম্মের পরাক্ষ দেখিতে পান নাই!—আমরা ঈশ্বর জানি না!—আর্য্যললনা পরমাত্মা কাহাকে বলে, বঝিতে পারে না!—আমরা পতিকেই ঈশ্বর ভাবিয়া থাকি;—যখন সর্বভূত পরিত্যাগ করিয়া, আমরা পতিক্রপ পরমাত্মায় বিলীন

হইব, তখনই ভাবিব, দেব ! আমরা মোক্ষ প্রাপ্ত হইলাম। সেই জন্তাই আৰ্য্য ললনা এক বই দুইটী পতির ভজনা করিতে চাহে না ;—সেই জন্তই, যাহাকে একবার পতি রূপে হৃদয়-মন্দিরে স্থান দান করিয়াছে, তাহাকে ভিন্ন আর কাহাকেও সে মন্দিরে উঠিতে দেয় না !—তখন তাহারা এই পতি দেখিয়াই সমস্ত জগৎ ভুলিয়া যায়—ঈশ্বর ভুলিয়া যায়—পিতা, মাতা, ভ্রাতা ভগিনী পুত্র, কণ্ঠার অমোঘ স্নেহবন্ধন বিচ্ছিন্ন করতঃ, এই নখর দেহ-শিঞ্জর পতির চিত্তানলে ভস্মসাৎ করিয়া, পতির সহিত স্বর্গলোকে অবস্থিতি করে এবং সেই মহোচ্চ স্থান হইতে মহোচ্চ স্বরে জগতের প্রাণ উন্মাদ করাইয়া বলিতে থাকে—

তিস্রঃ কোটোর্ধ্ব-কোটি চ যানি রোমাণি মৃনবে ।

তাবৎ কালং বসেৎ স্বর্গে ভর্তারং যানুগচ্ছতি ॥

ব্যালগ্রাহী যথা ব্যালং বলাদুদ্ধরতে বিলাৎ ।

তথা স্ত্রী পতিমুক্ত্য সহ তেনৈব মোদতে ॥

• দুর্বৃত্তং বা সুরৃত্তং বা সর্বপাপরতং তথা ।


ভর্তারং তারয়েত্যেষা ভার্যা ধর্ম্মেষু নির্জিতাঃ ॥

অর্থাৎ—“মানবদিগের প্রত্যেকের গাত্রে সাড়ে তিন কোটি লোম আছে। যে স্ত্রী পামীর অনুগমন করে, সে তাবৎ কাল অর্থাৎ সাড়ে তিন কোটি বৎসর স্বর্গলোকে বাস করে।”—বলিয়াই আৰ্য্য-নারী কিয়ৎক্ষণের জন্ত নীরব হইলেন। দেখিতে দেখিতেই স্বর্গীয় জ্যোতিতে তাঁহার মুখ উদ্ভাসিত হইল,—নেত্রযুগল দিয়া যেন অগ্নি-ফুলিঙ্গ বহির্গত হইতে লাগিল। অমনই তিনি শাস্ত্রকারকে ডাকিয়া

বলিলেন—“শাস্ত্রকার ! ভাবিও না যে, ‘সতী সাড়ে তিন কোটি বংসর স্বর্গধামে স্বামীর সহবাস-সুখ লাভ করিয়াই, সতীত্বের চরম ফল উপভোগ করে।’ উহার সঙ্গে সঙ্গে আর্যানারী ‘আরও যে গুরুতর কার্য্য সম্পাদন করিয়া থাকে, তাহা জ্ঞানের অগোচর—কল্পনার অতীত—শত শত বংসর অনশনে, অশয়নে, প্রজ্জ্বলিত অনলকুণ্ডে তপস্তা করিলেও, সে ফল লাভ করিতে পারা যায় না ! শাস্ত্রকার ! তুমি অবশ্য বলিবে, সে ফল কি ?—শাস্ত্রকার ! জানিও, “ব্যালগ্রাহিব্যক্তিগণ (সাপুড়েরা) যেমন গর্ত হইতে বলপূর্ব্বক সর্প উদ্ধার করে, তেমনই স্বামী, ছর্ব্বভ, সৃজন অথবা সর্ব্বপ্রকারে পাপরত হইলেও, পতিরতা অনুমৃত্যু স্ত্রী কালের সর্ব্ববিধ বিঘ্ন, সর্ব্ববিধ অন্তরায়,—এবং সর্ব্ববিধ বিভীষিকার - প্রতিকূলে দণ্ডায়মান হইয়া, স্বকীয় অপূর্ব্ব ধর্ম্মবলে স্বামীকে উদ্ধার করেন এবং প্রাপ্ত সাড়ে তিন কোটি বংসর স্বর্গভবনে বদচ্ছা সুখ শান্তি ভোগ করিয়া, মোক্ষ প্রাপ্ত হন।”

বংস ! আর্যানারীগণ এক সতীত্ববলে এত দূর অসীম ক্ষমতা প্রদর্শন করিয়া গিয়াছেন। কিন্তু এই পামরিগণ সেই রক্তে সন্মতপন্ন ও সেই সমাজে পরিচালিত হইয়া, কিরূপে যে এই জঘন্য জীবন প্রাপ্ত হইয়াছে, তাহা কল্পনাও বুঝিয়া উঠিতে পারি না ! সেই কয়েকটা গৃহের পাপিনিকুলই কল্যাণের ঐহিক ও পারমার্থিক ধর্ম্মনাশের কারণ হইয়া, সেই সেই কল্যাণকে ঘোর নরকে নিমগ্ন করিতেছে।—উহারা উক্ত কল্যাণের চরিত্রের উপর দৃষ্টিপাত করা দূরে থাকুক, যদি জামাতা তরুণী ভার্য্যার স্বভাব শোষণে সংকল্লারূঢ় হইয়া, ভার্য্যার আত্মীয়বর্গের নিকট ভার্য্যার তাদৃশ অবস্থাচরণের কথা উল্লেখ

করে, তাহা হইলে সেই বিষকুস্তপয়োমুখিগণ কোন কথাই বলিতে দেয় না, পরন্তু উহারা তরুণীর বালিকাসুলভ চাপল্যের ভাণ করিয়া, ভগ্নহৃদয় স্বামীর বাক্য হাসিয়া উড়াইয়া দেয়। কখনও বা জামাতার মনস্ত্বষ্টির জন্ত, দুই চারিটা চাটুবাক্য প্রয়োগ করিয়া, জামাতার মনোরঞ্জন করে, অথবা হয়ত, কৃত্রিম কোপ প্রকাশ করিয়া, তরুণী কন্যাকে মৃঢ়বাক্যে অলীক ভৎসনা করিতে থাকে। কিন্তু কার্য্যতঃ তাহা কিছুই নহে। কন্যাটী এই রূপে যতই গর্ভস্রাবে ঘাইতে থাকে, ততই সেই রাক্ষসিগণের আনন্দের সীমা থাকে না। যে প্রকারেই হউক, কন্যাকে স্ববশে রাখিয়া জামাতাটীকে হস্তগত করাই পাপিনিগণের মুখ্য উদ্দেশ্য এবং যতক্ষণ তাহা কার্য্যে পরিণত না হয়, ততক্ষণ তাহার কিছুতেই ক্ষান্ত হয় না।



পঞ্চম-স্তবক ।

বিনাঞ্জনেন মন্ত্ৰেণ তন্ত্ৰেণ বিনয়েন চ ।

বঞ্চয়ন্তি নরং নার্যাঃ প্রজ্ঞাধনমপি ক্ষণাৎ ॥*

মহাপুরুষ বলিলেন—তাঁহার পরে শ্রবণ কর । যদি সেই তরুণা কথ্য প্রকৃতিস্বলভ স্নেহ নমতার বশবর্তিনী হইয়া স্বামীর বশতা স্বীকার ও আত্মগত্যা লাভ করে এবং প্রকৃত ভাৰ্য্যা পদবী গ্রহণ করিয়া পতিগৃহের শ্রীসম্পাদনে প্রবৃত্তা হয়, তাহা হইলে সেই রাক্ষসিকুলের দুঃখের ইয়ত্তা থাকে না । তৎকালে যেক্রমে হটক, বাহাতে তরুণ দম্পতীর বিচ্ছেদ সংঘটন হয়, তদ্বৎ পাপিনিগণ তাহারই চেষ্টা করিতে থাকে এবং অবিলম্বে সেই কথ্যাকে স্বামীগৃহ হইতে আনাইয়া, নিজালয়ের দাসীত্বে নিয়োজিত করিতে বিন্দুমাত্রও কুণ্ঠিত হয় না । ফলতঃ যেক্রমে হটক, তখন উভয়ের বিচ্ছেদ সংঘটনই তাহাদিগের মূলমন্ত্র হইয়া পড়ে এবং বাহাতে স্বামী ও স্বামীর আত্মীয় বর্গের উপর কল্যার বিন্দুটি হয়, তাহারই বিধিমেতে প্রয়াস পায় । তখন কি আত্মীয়, কি অনাত্মীয়, কি প্রতিবেশী, কি গ্রামবাসী সকলের নিকটেই নিজ জামাতা ও তাঁহার আত্মীয়বর্গের নানারূপ কুৎসা ও গ্লানি করিতে থাকে । সুতরাং নিতান্ত অনভিমত হইলেও, জামাতা স্বীয় ভাৰ্য্যার সহবাস ত্যাগ করিতে সচেষ্ট হন এবং সেই

প্রাণপ্রতিমাকে স্বপ্নরালয় রূপ রাহুগ্রাসে অবলীলাক্রমে নিক্ষেপ করিয়া নিশ্চিন্ত হন। সহধর্মিণী পরমপ্রীতিদায়িনী হইলেও, মনের স্বর্ণায়, দুর্গিবার অপকলঙ্কের ভয়ে, স্বামী ভার্য্যার নাম মুখে আনিতেও ইচ্ছা করেন না। চিরদিনের জন্ত সেই প্রাণপ্রতিম স্নেহলতাটিকে বিন্ধুতির অতল জলে ডুবাইয়া রাখিতে ইচ্ছা করেন এবং যাহাতে সেই সরল হৃদয় সাধু স্বামী, ইহ সংসার হইতে অবস্থত হইতে পারেন, তজ্জন্তই ঈশ্বরের নিকট কায়মনোবাক্যে প্রার্থনা করিতে থাকেন। বস্তুতঃ তখন সেই পতির মন যে কি অভাবনীয় ভীষণ দাবানলে দগ্ধ হইতে থাকে, তাহা বলিয়া শেষ করিতে পারি না। এক দিকে, তরুণী ভার্য্যার হ্রস্ব বিরহ;—সংসারে যাহা কিছু সুখময়,—যাহা কিছু শান্তিপ্রদ—মোহ বন্ধনের অত্যন্ত মুখ রজ্জু;—প্রীতির বিকাশ—হর্ষের উৎস—স্নেহের নির্ঝর—বিলাসের আকর—ভক্তির পারাবার—ধর্ম্মের পয়োনিধি—এবং শাস্তির পরম পবিত্র আশ্রয়তরু, তাহারই অপলাপ; অত্ৰদিকে, পত্নীর গুরু আত্মীয়গণের দুর্কিষহ কটু বচন—হৃদয় ভেদী গঞ্জনা—অপরিহার্য মিথ্যা কলঙ্ক—স্বপক্ষীয় গুরুজন বর্গের নিদাক্ষণ অবমাননা—এবং চিরজীবনের জন্ত স্বকীয় সাংসারিক সুখ, হর্ষ ও প্রেমপাদপের বিনাশ—প্রভৃতি সমস্তই, লোম হর্ষণ বীভৎস মূর্তি ধারণ করিয়া, পতির হৃদয় অহর্নিশ মথিত করিতে থাকে। যাহার পাণিপীড়ন করিয়া একদিন হতভাগ্য পতি মনে করিয়াছিল যে, এতকালের পরে সকল সুখে সুখী হইলাম—স্বীয় পিতার পরিবর্তে সর্ব সুখ দাতা জনক—মাতার পরিবর্তে স্নেহময়ী জননী—ভ্রাতার পরিবর্তে সর্ববিধ আপদ বিপদের প্রধান সহায় ভ্রাতা এবং সকলের পরিবর্তে সংসারের প্রবল বন্ধন সর্ব সুখদায়িনী ভার্য্যা লাভ করিলাম।

সংসার যতই বিষময় হউক না কেন,—পাপ তাপ বন্ধন ইহাতে যতই প্রবল থাকুক না কেন,—প্রকৃতির বিরূপচ্ছবি ভীষণ হইতে যতই ভীষণতর হইয়া আসুক না কেন,—আজি হইতে সকলই সরল,—সকলই শান্তিপূর্ণ—সকলই সুখের মধুময় উচ্ছ্বাসে উচ্ছ্বাসিত—অমৃতের স্নিগ্ধরসে প্লাবিত এবং আনন্দের প্রবল তরঙ্গে তরঙ্গায়িত হইবে। নিয়তির অনন্ত শ্রোতে গা ঢালিয়া বালা জীবন লতিবাহন করিয়াছি—কোথা হইতে আসিয়াছি, কোথায় যাইব, এ পর্য্যন্ত তাহা স্থির করিতে পারি নাই—অনন্ত নিয়তি সাগরে বুদ্ধ কণার ত্রায় ভাসিয়া চলিয়া আসিয়াছি, কিন্তু এত কালের পরে লক্ষ্য স্থির হইল ;—ইহ সংসারে কি জ্ঞাত আসিয়াছি—কোথা হইতে আসিয়াছি—কোথায় যাইতেছি—তাহা এতকালের পরে বুঝিতে পারিলাম ; জানিলাম যে, যে ধর্ম্ম এই ভবসংসার পারাবারের একমাত্র অবলম্বন—অনন্ত কণধার—সেই ধর্ম্ম অবলম্বন করিয়া, এই দুস্তর ভব-পারাবার অনায়াসে মুহূর্ত্তমধ্যে পার হইয়া যাইব। ভীষণ ক্রকুটিভঙ্গী করিয়া, যে কাল অনুক্ষণ সকলকে প্রতীক্ষা করিতেছে, সেই কালের হস্ত হইতে মুক্তিলাভ করিবার কাহারই ক্ষমতা নাই ; কিন্তু জগৎপাতা জগদীশ্বর যে ভার্য্যাক্রপ লতাখণ্ড প্রদান করিয়াছেন, তাহা আশ্রয় করিয়া অনায়াসেই অমূল্য ধর্ম্মরত্ন লাভ করিব এবং সেই ধর্ম্মের বলেই ভীষণ ভবপারাবার অক্লেশে উত্তীর্ণ হইব। এদিকে, পলিতকেশ, গলিতনখদন্ত পিতা আমার জ্ঞাত স্থান প্রস্তুত করিয়া নিয়তির অনন্ত-শ্রোতে শয়ন করিবার উপক্রম করিতেছেন ;—এ সংসারে তিনি যে যশোমান, খ্যাতিসম্বন, বিত্তবিভব অর্জন করিয়াছেন, সে সমস্ত আমার করে অর্পণ করিয়া, সংসারের নিকট বিদায়

গ্রহণ করিতেছেন ;—তাঁহার যশোরশি, তাঁহার সমস্ত বিভব সম্পত্তি, তাঁহার সর্ববিধ কুলমর্যাদা রক্ষা করিতে হইবে ;— আজি মৎঙ্গ শ্রুদ্দজনরূপ কুৎসিত মুকুরের উপর তিনি যে পিতৃপিতামহাদির বিরাট ছবি প্রতিফলিত করিবার চেষ্টা করিয়া অনন্ত ধামের পণিক হইতেছেন, আজি আমাকে সেই ছবির পূর্ণ বিকাশ দেখাইতে হইবে—তাঁহাদিগের মহান যজ্ঞার্জিত কুলমান অক্ষুণ্ণ রাখিতে হইবে—আমাকেও পুত্রপৌত্রাদির হস্তে এই বিপুল ভার প্রদান করিয়া মহাপ্রস্থান করিতে হইবে ;—এই ভাৰ্য্যাই আমার সেই অবাস্তব বিরাট অয়োজনের একমাত্র সহায় । অনন্ত কালবৃক্ষের কয়েকটা বর্ষপত্র পতিত না হইতে হইতেই, আমাকে সেই আয়োজন সমাপন করিয়া রাখিতে হইবে ;—ইহার মধ্যে বৃদ্ধ মাতা, পিতা, পুত্র, কলত্রে পরিবৃত্ত হইয়া, আমি একটা ক্ষুদ্র সংসাররূপ বিশাল রাজ্যের অধীশ্বর হইব ;—আমার এই তরলমতি নব কিশোরী ভাৰ্য্যা সেই রাজ্যের অধিশ্বরী হইবেন ;—উভয়ের সমবেত বলে একটা নূতন সৃষ্টি উদ্ভূত হইয়া, এই অনন্ত নিয়তি-শ্রোতে বৃদ্ধদাকারে পুনরায় ভাসমান হইব !—যদি আমাদিগের নব দম্পতী প্রকৃত ধর্ম্মবলে বলীমান হইয়া, এই কাল সমুদ্রে ভাসিতে পারে,— যদি পাপের ছায়া আমাদিগকে স্পর্শ করিতে না পায়, - তাহা হইলে নবোদ্ভূত বৃদ্ধ কণাও কালের কুটিল হিল্লোল অনায়াসে উপেক্ষা করিয়া চলিয়া যাইবে ;—পিতৃপৈতামহিক শুভ্র জ্যোতিঃ সেই সেই বৃদ্ধ কণার উপর সমতেজে প্রতিফলিত হইবে ;—সাংসারিক কোনও বিপৎপাতেই সেই নবোখিত বিশ্ব-বিন্দুকে অল্পমাত্র বিচলিত বা স্থানচ্যুত করিতে পারিবে না ।

কিন্তু হায় ! এই পাপ মন্দভাগিনীগণের দৃষ্ট অভিসন্ধিতে এই

রূপ কত শত শত ধর্ম সংসার ছারখার হইয়া যাইতেছে—প্রকৃতির
 বৈষম্য পদে পদে সংঘটিত হইতেছে—সমাজ উচ্ছৃঙ্খলতা প্রাপ্ত
 হইয়া, অবনতির যাতনাগর অন্ধে মস্তক স্থাপন করিতেছে !
 কতাকে, নীতিশিক্ষা প্রদান করিয়া, যাহাতে ন্যাসোত্তী সূখে
 সংসার যাত্রা নির্বাহ করিতে পারে, তাহার চেষ্টা কর থাকুক,
 যাহাতে কত্যা স্বপ্নর কুলের বিষদৃষ্টিতে পতিত হইয়া, পতি গৃহ
 হইতে নিকাশিত হয়, উহারা কায়মনোবাক্যে তাহাই প্রার্থনা
 করে । কালক্রমে, এই পাপিনিগণের মনোরথই সিদ্ধ হইয়া থাকে ।
 অব্যাহত নিন্দায়, শত্রুজনগণের প্রতিনিয়ত অশিষ্ট ব্যবহারে,
 অস্বাভাবিক উচ্ছৃঙ্খলতায় এবং রমণীগণের বিজাতীয় অবাধাত য
 বাস্তবিকই সেই সেই কত্যা পাপিনিগণের শিকার মানদণ্ড স্বরূপ
 হইয়া উঠে । তখন তাহারা পতিগৃহ উজ্জল করা দূরে থাকুক,
 স্বপ্নর কুলের কণ্টক স্বরূপ হয় এবং অবিলম্বেই পতিগৃহ হইতে
 বিতাড়িত হইয়া, পিতৃভবনের দাসীত্ব গ্রহণ করে । এদিকে কত্যা
 স্বপ্নরালয় হইতে বাটী আসাতে, সেই সেই পাপিনীর আনন্দের
 ইয়ত্তা থাকে না । চিরজীবনের জন্ত কত্যা যে পবিত্র সূত্র নিকেতনে
 বিধের বাতি জ্বালাইয়া আসিল—স্বর্গনির্দ্দিত সূত্রাবাস চির
 জীবনের জন্ত যে নরকের ঘোর অপবিত্রতায় পরিণত হইল—
 রাক্ষসিগণ তাহা একবারের জন্তও চিন্তা করে না । যখন কত্যা
 জামাতার সহবাস লাভ করিয়াছে—যখন একদিনের জন্ত জামা-
 তার প্রণয়-পাদপের স্নানিচ্ছা ছায়ায় উপবেশন করিয়াছে—তখন
 জামাতা কখনই নিশ্চিন্ত হইয়া থাকিতে পারিবে না—অবশ্যই
 এক দিন কত্যা সহবাসপ্রার্থী হইয়া কত্যা নিকট আগমন
 করিবে ; এই ভাবিয়া পাপিনিগণ আনন্দে নৃত্য করিতে থাকে ।

বৎস ! একরূপ প্রকৃতির লোক কি কোথাও দেখিয়াছ ? ভাদ্রের গঙ্গার ত্রায় কতাকে যৌবনভারে সম্পূর্ণ ভারাক্রান্ত দেখিয়াও, কি কেহসেই কতাকে জামাতৃহস্তে অর্পণ না করিয়া, স্বকীয় আবাস গৃহে রাখিয়া থাকে ? হিন্দুবংশে জন্মগ্রহণ করিয়া, হিন্দুবংশে লালিত ও পালিত হইয়া, হিন্দুরক্ত শিরায় শিরায় প্রবাহিত রাখিয়া, বল দেখি বৎস ! কে না অবগত আছে যে,

বাল্যে পিতুর্বশে পাণিগ্রাহস্য যৌবনে ।

পুত্রাণাং ভর্তৃরি প্রেতে ন ভজেৎ স্ত্রী স্বতন্ত্রতাম্ ॥

অর্থাৎ—স্ত্রীলোক বাল্যে পিতার অধীনে, যৌবনে স্বামীর অধীনে, স্বামীর মৃত্যুর পরে পুত্রের অধীনে থাকিবে ; কখনও স্বতন্ত্রতা অবলম্বন করিবে না ; অর্থাৎ অপর কাহারও অধীনে বা স্বাধীনভাৱে থাকিবে না । শাস্ত্রকার মহুও লিখিয়াছেন—

পিতা রক্ষতি কোমাৱে ভর্তা রক্ষতি যৌবনে ।

রক্ষন্তি স্থবিৱে পুত্রা ন স্ত্রী স্বাতন্ত্যমহতি ॥

অর্থাৎ--স্ত্রীজাতি কোমারকালে পিতা কর্তৃক, যৌবনে ভর্তা কর্তৃক, এবং স্থবিৱাবস্থায় পুত্র কর্তৃক রক্ষণীয়া ; ইহারা কদাপি স্বাধীন অবস্থায় অবস্থানের যোগ্য নহে । কিন্তু বৎস ! এই নরক কীটগণের নিকট এতাদৃশ সাধু বচন সকলও, ভয়ে দ্ব্যতাহতির ত্রায়-নিতান্ত অকিঞ্চিৎকর হইয়াছে !

যাহা হউক এই রূপে কয়েকটা পাপিনী, কতাকে স্বপুৱালয়ে পাঠাইতে হইলে, অথবা জামাতা কতাকে লইয়া সূত্ৰহনে সংসার যাত্রা নির্বাহ করিতেছে দেখিলে, হর্ষিষহ যাতনা অনুভব

করিয়া থাকে। জানি না, ভদ্র সমাজে কি জন্ত এই বিষদৃশী ঘটনা জাল সজ্জাটিত হইয়া থাকে! সেই সর্বাস্তর্যামী জগদীশ্বর বাতীত আর কেহই এই নিদারুণ তথ্যের মন্তব্যধারণ করিতে সমর্থ নহেন। তবে আমার বোধ হয়, সেই কুটিলমতি বামাকুল ভাবিয়া থাকে যে, যদি কত্থাকে জামাতৃ ভবনে অথবা জামাতার কোনও আত্মীয়ের বাটীতে পাঠাইয়া না দেওয়া যায়, তাহা হইলে জামাতা ধর্মের অনুরোধে অথবা লোকলজ্জাবশতঃ কত্থার ভরণ পোষণের উপযোগী ব্যয়ভার অবশ্যই বহন করিবে এবং যত কেন দুর্ঘটনা সজ্জাটিত হউক না কপযৌবনসম্পন্ন ভাৰ্য্যার প্রেমাধীন হইয়া, কোনও না কোনও সময়ে আমাদিগের এই বাটীতে উপস্থিত হইবে। ফলতঃ যেক্রমেই হউক, যদি জামাতা নিজ ভাৰ্য্যার ভরণপোষণের জন্ত কিছু কিছু অর্থানুকূল্য করে, তাহা হইলে তদ্বারা আমাদের সংসারেরও কিয়ৎ পরিমাণে সাহায্য হইতে পারে। রে দুর্কিনীত কঠোর কাল! তোর কি অসীম ক্ষমতা!—কি' লোমহর্ষণ প্রভাব! তোর দুর্দীর্ঘ শক্তি প্রভাবে জগতে যে কত শত চন্দ্র-বার অনিষ্ট সাধিত হইতেছে, তাহার কি ইয়ত্তা করিতে পারা যায়? মানব দেখিয়া গুনিয়াও, সমক্ষে পরোক্ষে কতই ছদ্মগ্য সাধন করিতেছে, তাহা কে গণনা করিতে পারে? শাস্ত্রের বিধানানুসারে, বিবাহ আশ্রমীর পক্ষে নিতান্ত আবশ্যক। উহা সকল দেশের, সকল জাতির ও সকল সমাজেরই প্রধান বন্ধন ও প্রবল শৃঙ্খল। বিবাহ ভিন্ন সমাজ এক দিনও পরিচালিত হইতে পারে না। এই পবিত্র বন্ধনের উপরেই সমাজের সৃষ্টি ও স্থিতি নির্ভর করিতেছে এবং ইহার পূর্ণবিকাশেই মনুষ্যের চরমোন্নতি

লাভ হইয়া থাকে । উদ্ধাহত্বে ভগবান দক্ষ প্রজাপতি বলিয়া
গিয়াছেন—

অনাশ্রমি ন তিষ্ঠেত্তু ক্ষণমাত্রমপি দ্বিজ ।
আশ্রমেণ বিনা তিষ্ঠন্ প্রায়শ্চিত্তীয়তে নরঃ ॥
ব্রতেষু লোপকামশ্চ আশ্রমাদ্বিচ্যুতশ্চয়ঃ ।
সন্দংশযাতনা মধ্যে পততস্তাবুভাবপি ॥

অর্থাৎ—ব্রাহ্মণ ক্ষত্রিয়াদি আশ্রমিগণ, দারপরিগ্রহ না করিয়া
থাকিবে না । মনুষ্য আশ্রমধর্ম ব্যতিরেকে অর্থাৎ দারপরিগ্রহ
না করিয়া, অবস্থিতি করিলে, প্রায়শ্চিত্তভার হইয়া থাকে । আশ্রম
ধর্মের নিয়মভ্রষ্ট ও গার্হস্থ্যধর্মের বহির্ভূত ব্যক্তিগণ সন্দংশ নরকে
পতিত হইয়া থাকে ।

হিন্দুশাস্ত্রকারগণ এই পবিত্র বিবাহবন্ধনের গুণ যেমন এক
দিকে শত মুখে কীর্তন করিয়াছেন, তেমনই বিবাহকালে অথবা
বিবাহান্তে জামাতার নিকট অর্থগ্রহণের দোষও নিতান্ত গর্হিত
বলিয়া বিবেচনা করিয়াছেন । মহর্ষি কশ্যপ বলিয়াছেন—

শুশ্কেন যে প্রযচ্ছন্তি স্বমুখাং লোভমোহিতাঃ,
আত্মবিক্রয়িণ পাপা মহাকিল্বিষ কারিণঃ ।
পতন্তি নরকে ঘোরে স্তন্তি চাসপ্তম্ কুলম্ ॥

অর্থাৎ—যে ব্যক্তি লোভবশতঃ অর্থ গ্রহণ পূর্বক স্বীয়
কথা সম্প্রদান করে, সে ব্যক্তি মহাপাপাচারী ও আত্ম-
বিক্রয়ী বলিয়া পরিগণিত হয় । সেই ব্যক্তি স্বয়ং নরকে পতিত

হয় এবং সপ্তম পুরুষ পর্য্যন্ত নরকগামী করে। অন্যত্রও দেখিতে পাওয়া যায় যে—

য কন্যা বিক্রয়ং মূঢ়ো মোহাৎ প্রকুরুতে দ্বিজ ।

স গচ্ছেন্নরকং ঘোরং পুরীষ-হৃদ-সঙ্কুলং ॥

অর্থাৎ—যে মূঢ় ব্যক্তি মোহবশতঃ কন্যাবিক্রয় করিয়া থাকে, সে পুরীষ-হৃদ-সঙ্কুল ঘোর নরকে গমন করে।

মনুষ্য পরলোকে নরকগামী হইবে, শুদ্ধ ইহাই মাত্র কন্যাবিক্রয়ের শেষ ফল নহে। যে বিবাহে কন্যার পণ গৃহীত হইয়া থাকে, শাস্ত্রকারগণ সেই বিবাহকে বিবাহ বলিয়াই বিবেচনা করেন না। তাঁহারা স্পষ্টাক্ষরে নির্দেশ করিয়াছেন যে—

ক্রয়ক্রীতাতু যা নারী ন সা পত্ন্যভিধীয়তে ।

ন সা দৈবে ন সা পৈত্রে দাসীং তাং কবয়ো বিদুঃ ।

অর্থাৎ—“যে স্ত্রী পণ দ্বারা ক্রীতা হয়, সেই স্ত্রী পত্নী বলিয়া অভিহিত হয় না এবং সেই স্ত্রী দেব ও পিতৃলোকের কোনও কার্য্য করিতে পারে না। পণ্ডিতগণ তাহাকে দাসী বলিয়া জ্ঞান করিয়া থাকেন।”

পণক্রীতা স্ত্রীর গর্ভজাত সন্তানও কোন কার্য্যের অধিকারী হয় না! শাস্ত্রে লিখিত আছে,—

বিক্রীতায়ান্চ কন্যায়াঃ পুত্রো যো জায়তে দ্বিজঃ ।

স চণ্ডাল ইব জেয়ঃ সর্ববধর্ম্মবহিষ্কৃতঃ ॥

অর্থাৎ—বিক্রীতা কন্যার গর্ভে যে পুত্র জন্মগ্রহণ করে,

সকলে তাহাকে সর্বধর্ম বহিষ্কৃত চণ্ডাল সদৃশ জ্ঞান করিয়া থাকেন ।

বৎস ! এত দূর ঘূণার চক্ষে দেখিয়াও শাস্ত্রকারগণের মনের তৃপ্তি সাধিত হয় নাই । সেই জন্য তাঁহারা কত্তাবিক্রমীর সংশ্রব পর্য্যন্ত এক কালেই ত্যাগ করিতেও আদেশ করিয়া গিয়াছেন । এমন কি, উহাঙ্গিগের ছায়া স্পর্শেও এইরূপ পাপস্পর্শ হয়, বিবেচনা করিয়াছেন । তাঁহারা স্পষ্টাক্ষরে প্রকাশ করিয়াছেন যে,—

“তদ্দেশং পতিতং মন্যে যত্রাস্তে শুক্রবিক্রমীঃ ।”

অর্থাৎ—যে দেশে শুক্রবিক্রমী অবস্থিতি করে, সেই দেশ পতিত ও পাপ কলুষিত । শাস্ত্রকারগণ এইরূপ কঠোর শাসন বাক্য সকল প্রয়োগ করিয়া, কত্তাবিক্রমীর সংশ্লিষ্ট দেশের সহিত সমাজের সংশ্রব ত্যাগ করিবার জন্য বারবার আদেশ করিয়াছেন ।

কিন্তু বৎস ! এখানে আর একটি কথা না বলিয়া থাকিতে পারিলাম না । বৎস ! ভাবিও না যে, শুদ্ধ বিবাহকালে কত্তার পণ গ্রহণ করিলেই, শুক্রবিক্রমী দোষে দোষী হইতে হয় । শাস্ত্রকারগণ নির্দেশ করিয়াছেন যে,

“ন কুর্যাদর্থ সঙ্কটঃ কত্তাদানে কদাচনঃ”

অর্থাৎ—“কত্তাদাতা কত্তাগ্রহীতার সহিত কদাপি অর্থ সঙ্কট রাখিলে না । রাখিলে, কত্তা বিক্রয় দোষে দোষী হইতে হয় ।” এই বিধানানুসারে আজিও সজ্জনগণ বরপক্ষের দ্রব্যসামগ্রী বিষ্ঠাবৎ পরিত্যাগ করিয়া থাকেন এবং দৌহিত্র মুখ নিরীক্ষণে পূর্বকাল পর্য্যন্ত জামাতার অঙ্গগ্রহণে বিরত থাকেন । কিন্তু হায় ! এখন

এ বাক্যের সার্থকতা কোথায় ? সমাজ আজি কাহাকে অবলম্বন করিয়া এই শাসন বাক্যের যথার্থ্য সম্পাদন করিবে ? শুদ্ধ ইহাও নহে, বৎস ! এই রূপ শত শত স্থলে শুদ্ধ বিক্রয়ীর দোষ প্রদর্শিত হইয়াছে। কিন্তু কি আশ্চর্য্য ! ইহাতেও পামর প্রকৃতি মানবগণ পুঞ্জ পুঞ্জ পাপাচার করিয়া, বস্তুমতীকে দূষিত করিতে ক্রটি করিতেছে না।

জামাতার গুরুজনগণের বিরক্তি সাধন করতঃ কত্যা ও জামাতাকে গৃহে আবদ্ধ করিয়াই, এই হতভাগিনিগণের অভিনয় কার্য্য শেষ হয় না। জামাতার সম্বন্ধে ইহারা যে আরও কত ভীষণ অত্যাচারের অনুষ্ঠান করিয়া থাকে, তাহা স্মরণ করিলেও মানবের পাপ স্পর্শ হয়। বৎস ! অবশ্যই বুঝিতে পারিয়াছ যে, যে কোঁন প্রকারেই হউক, জামাতাটিকে মেঘবৃষ্টি অবলম্বন করানই, সেই সেই পাপিনিগণের প্রথম কর্তব্য। তৎপরে কত্যাটিকে আপনাদিগের পশুপ্রকৃতির অনুকূল, বা অননুসহায় করিয়া লওয়া, এই পিশাচিকুলের দ্বিতীয় কার্য্য। ফলতঃ এই সময়ে উহার কত্যাটির রীতি, নীতি, আচার, ব্যবহার, একরূপ জঘন্য করিয়া তোলে যে, তাহাকে গৃহীর গৃহলক্ষ্মী না বলিয়া, বেষ্ঠার গৃহোচ্ছলকারিণী বলিলেও অত্যুক্তি হয় না। তখন সেই সেই কত্যা যেমন গর্কিতা, তেমনই প্রগল্ভা ; যেমন বিলাসিনী, তেমনই লজ্জাহীনা ; যেমন মিথ্যাভাষিণী, তেমনই শ্রমকাতরা ; যেমন অবাধ্য, তেমনই উচ্ছৃঙ্খলা ; যেমন অশিষ্টা, তেমনই পরশ্রীকাতরা ; যেমন কলহপ্রিয়, তেমনই পরজ্যোহিণী ; যেমন পরকুৎসাকারিণী, তেমনই পরছিদ্রাঘেষিণী ; যেমন নাট্যগীতামোদিনী, তেমনই পতির অপ্রিয়কারিণী হইয়া থাকে। সুখে



• সংসার যাত্রা নির্বাহ করিতে হইলে, গৃহিণীর যে সকল ঐহিক ও পারত্রিক নীতিজ্ঞান লাভ করা আবশ্যিক, শিক্ষাশুষ্ঠ পাপিনি-গণের নিকট ইহারা তাহা শিক্ষা না করিয়া, আমোদ ও রঙ্গরসে প্রচুর ব্যুৎপত্তি লাভ করিয়া থাকে । ফলতঃ ইহাদিগকে দেখিয়া—ইহাদিগের সহিত আলাপ করিয়া—ইহাদিগের সামাজিক অবস্থান পর্যালোচনা করিয়া—পুংচলিগণও লজ্জাবনত ও ভ্রিয়মাণ হইয়া থাকে । বৎস ! দুঃখের কথা কি বলিব, গৃহীর গৃহে যাহারা মধ্যবিদ্ধ—শয়ন, ভোজন, উপবেশন ও ধর্ম্মাচরণে যাহারা পতির একমাত্র গতি ও অনন্ত সহায়,—ধর্ম্মোপার্জন ও ঐহিক, পার-মার্থিক ব্যাপারে যাহারা একমাত্র গৃহলক্ষী,—তাহারা এই পাপিনি-গণের কুটজালে একরূপ পাশব প্রকৃতি অবলম্বন করে যে, তাহা-দিগকে নরকপিণী পিশাচী বলিলেও অতুক্তি হয় না । শিক্ষা-শুণে উহারা একরূপ কলুষিতা ও বিপথগামিনী হয় যে, ইহ সংসারে

যে পতি প্রত্যক্ষ দেবতা স্বরূপ—পিতা মাতা প্রভৃতি গুরুজন অপেক্ষা, যিনি সমধিক ভক্তিপাত্র—ইষ্টদেবতা অপেক্ষাও যিনি পরম শ্রদ্ধেয়—সেই পরমারাধ্য সাক্ষাৎ দেবতাকে ক্রীড়া পুত্তলী করিয়া রাখে । বর্ষীয়সী পামরিগণ আবার ইহার উপর আর এক উপসর্গের সংযোগ করিয়া তরলমতি কিশোরিগণের অফুট জ্ঞানের অপূর্ব শ্রী বর্দ্ধন করে । উহার স্ব স্ব কন্যাদিগকে সামান্য বর্ণজ্ঞান-মাত্র শিক্ষা দিয়া, এক একটা “হস্তী পণ্ডিতা” করিয়া তুলে । নব-বিদুষিগণ সেই বর্ণবলে এককালে মহতী প্রগল্ভা ও গর্বিতা হয়, এবং কি পিতা, কি ভ্রাতা, কি স্বামী সকলকেই ভূণ জ্ঞান করিয়া সমস্ত পৃথিবী শরাবৎ নিরীক্ষণ করে । পরিশেষে, সেই শিক্ষাই উহাদিগকে গর্বস্রাবে পাঠাইবার প্রধান সাধন হয় ।

বৎস ! ইহাতে মনে করিও না, আমি স্ত্রীশিক্ষাকেই এক কালে নিন্দা করিতেছি । কি ইতর, কি ভদ্র, কি সাধু, কি অসাধু, কি স্ত্রী, কি পুরুষ সকলেরই যথাবিধানে শিক্ষালাভ করা আবশ্যক । কিন্তু যে শিক্ষাতে লোকে কতকগুলি অশ্লীল পুস্তক পাঠ করিতে ও “কিতাবতি” ভাষায় পত্রাদি লিখিতে শিখে, সাধুসমাজ ভুবন সে লেখা পড়ার পক্ষপাতী নহেন । লেখা পড়া শিখিয়া, যদি তরল মতি বালক বালিকা গণের প্রকৃতি নব-বারি-বিধৌত পদ্মপত্রের ত্রায় নিষ্কলঙ্ক ও নিৰ্ম্মল হয়—যদি দয়া দাক্ষিণ্য ত্রায়পরতা, পতিভক্তি, গুরুশ্রদ্ধা, সত্যবাদিত্ব, প্রভৃতি উৎকৃষ্ট গুণগুলি পরিমার্জিত ও পরিবর্দ্ধিত হয়—যদি পারত্রিক জীবন সুখময় করিবার জন্ত, ইহ জীবনের অমুষ্ঠান হয়—তাহা হইলে এ লেখা পড়াকে আমি দোষ ভাগী করিতাম না । এ লেখা পড়ায় তাহা না হইয়া, সামান্য লেখা পড়া শিক্ষার বিষময়

ফল সমুৎপাদন করে এবং অঙ্গনার যৌবনস্বলভ চাপলাই বর্দ্ধিত করিয়া দেয়। তজ্জন্তই বৎস! সজ্জনগণ এ লেখা পড়াকে নিন্দা করিয়া থাকেন। বস্তুতঃ বর্ণজ্ঞান লাভ করিতে পারিলে ও পত্রাদি লিখিতে শিখিলেই যে শিক্ষার চরম ফল লাভ হয়, যুগাঙ্করে তাহা মনে করিও না। স্বভাব সংশোধনই বিত্তা শিক্ষার মুখ্য উদ্দেশ্য। এই শিক্ষা মুখে মুখে অথবা দৃষ্টান্ত জগতে যেরূপ লাভ করা যায়, এরূপ আর কুত্রাপি দৃষ্ট হয় না। বৎস! এই শিক্ষাই হিন্দুর পরম ধন;—এই শিক্ষার বলেই হিন্দুসমাজ যুগ যুগান্তরের প্রলয় প্লাবন বক্ষে ধারণ করিয়া, হিমগিরির ত্রায় আজিও অচল, অটল ও নিষ্কম্প হইয়া রহিয়াছে এবং অলৌকিক প্রভায় আলোকিত হইয়া নিখিল জগৎ বিমোহিত করিতেছে।

বৎস! এস্থলে একটা কথা বলিয়া রাখি। বল দেখি, শাস্ত্র-কারগণ সাবিত্রীর নৈতিক উন্নতির যে পরাকাষ্ঠা প্রদূর্শন করিয়াছেন, তাহা কি বর্ণজ্ঞান সমভূত শিক্ষাপাদপের সুপক ফল?—না সামাজিক পরিপাকের সূক্ষ্ম মহোচ্চ পরিণতি? উত্তরে, অবশ্যই তোমাকে শেষ মীমাংসার উল্লেখ করিতে হইবে। তখন সমাজের বন্ধন এরূপ সুদৃঢ় ও স্বস্থান-সংলগ্ন ছিল যে, তদানীন্তন সমাজের নীতি ও আচার বলেই লক্ষ লক্ষ সাবিত্রী সমুৎপন্ন হইত—সহজেই জীজ্ঞাতি পরম্পরের সাধুজীবন দর্শন করিয়া, স্বর্গীয় সাধু-পথ অবলম্বন করিত। তবে, কথা এই যে, সাবিত্রী প্রিয়পতি সত্যবানের মৃত্যু ঘটনা ও যমরাজকে প্রশমিত করিবার অবসর প্রাপ্ত হইয়াছিলেন বলিয়াই, স্বকীয় বিমল সতীত্বের জীবন্ত পরিচয় প্রদান করিতে সমর্থ হইয়াছিলেন। ভাগ্যে তাহা ঘটয়া উঠে নাই। কিন্তু অনুসন্ধান করিলে সেই সময়ে সাবি-

দ্রী়র গ্রাম সহস্র ফুল-কোকনদ এই আৰ্য্য সমাজ সরোবরে প্রক্ষুটিত দেখিতে পাওয়া যাইত। বৎস! বোধ হয় মহাভারতেও দেখিয়া থাকিবে যে, এক ব্রাহ্মণ কুষ্ঠ-ব্যাধিগ্রস্ত ছিলেন। সেই ব্রাহ্মণের পত্নী পতিসেবা ভিঃ আর কিছুই জানিতেন না। তাঁহার পতিই ধ্যান, পতিই জ্ঞান এবং পতিই একমাত্র ইষ্টদেবতা ছিল। ব্রাহ্মণী জানিতেন, কুরুপ, শিশুণ, কুণ্ডলাব, অন্ধ, খঞ্জ, বধির বা ব্যাধিগ্রস্ত হইলেও, স্বামীই দ্রী়র একমাত্র সুখশান্তিদাতা এবং ঐহিক ও পার-ত্রিকের অনন্ত ভাগ্যকর্তা। জগতে স্বামী ভিন্ন দ্রী়র আর কেহ নাই। এক দিবস এই ব্রাহ্মণ লক্ষহরা নাম্নী এক রূপযৌবন সম্পন্ন কুলটাকে দেখিতে পান। উহাকে দেখিয়াই ব্রাহ্মণ বিষম মন্থন শরে জর্জরীভূত হন। কিন্তু যে ব্যক্তি এই কুলটাকে এক দিনে লক্ষ টাকা দিতে না পারিত, সেই ব্যক্তি ইহার সহিত আলাপ করিতে পারিত না। সুতরাং কামশরে নিপীড়িত হইলেও, উহার সহবাস দীন ব্রাহ্মণের পক্ষে একপ্রকার স্বপ্ন কল্পিতের গ্রাম নিতান্ত অসম্ভব হইয়াছিল। সুতরাং ব্রাহ্মণ হতাশ হইয়া, দিবারাত্র দুঃখিত মনে অবস্থিতি করিতেন। ইহা দেখিয়া ব্রাহ্মণী কারণ জানিবার জন্ত, একদিন স্বামীর নিকট দারুণ নির্ব্বন্ধাতিশয় প্রকাশ করিলেন। তখন ব্রাহ্মণ কি করেন, নিতান্ত লজ্জিত ও অপদস্থ হইয়াও, অতি দুঃখে ব্রাহ্মণীর নিকট আমূল সমস্ত বৃত্তান্ত বর্ণন করিলেন। ব্রাহ্মণী স্বামীর নিকরূপ বচন পরস্পরা শ্রবণ করিয়া ক্ষোভে স্থগায় ও লজ্জায় আকুল হইলেন। কিন্তু স্বামীকে কোনও কথা না বলিয়া, প্রত্যাঘে উঠিয়া সেই কুলটার বাটীতে গিয়া দাসীবৃত্তি অবলম্বন করিলেন এবং যে কোন

কপে হউক, ভদ্রীর মনস্তষ্টি করিয়া নিজাভীষ্ট সাধন করিয়া লইতে কৃতসংকল্প হইলেন । কয়েক দিবস পর্য্যন্ত কুলটার পরিচর্যা করিয়া ব্রাহ্মণী স্বকীয় সংকল্প সিদ্ধ করিলেন । বৎস ! বল দেখি, এই বিষয়টা হিন্দুরমণীর সতীত্বও পতিপরায়ণতার কি উজ্জ্বল উদাহরণ ! আবার শুদ্ধ ইহাও নহে ; অবশ্য শুনিয়াছ, এই প্রাতঃস্ববর্ণীণা রমণীরদ্বই অপূৰ্ণ সতীত্ববলে একদিন প্রচণ্ড ভাস্করের গতিবোধ ও করাল কালের কুটিল প্রভাবও সমূলে বিনষ্ট করিয়াছিলেন ।

এইরূপে জনকতনয়া সীতা দশানন কর্তৃক অপহৃতা ও চেড়িগণবেষ্টিত অশোক কাননে কঠোর যন্ত্রণা ভোগ করিয়াও, নবহর্ষাদলখাম রামচন্দ্রের মোহিনিমূর্ত্তি একদণ্ডের জন্তও বিস্মৃত হইতে পারেন নাই ! শ্রীবৎস রাজমহিষী চিন্তা ও নিষধাধিপতি নলবাজমহিষী দময়ন্তী বনে বনে ভ্রমণ ও নানাবিধ ছঃসহ ক্রোশ ভোগ করিয়াও, স্ব স্ব পতির উপর তিলান্বিত জন্তু বিরক্ত হন নাই । সূর্য্যকুলতিলক মহারাজ হরিশ্চন্দ্রের অকলঙ্কী রাজমহিষী শৈব্যা, পতির অনুগমন করিয়া, কি নিদাকুণ কষ্ট—কি ভীষণ মনস্তাপ—না সহ করিয়াছিলেন ? এমন কি, অন্ধের যষ্টি, অঞ্চলের মণি একমাত্র পুত্ররত্নকেও বিসর্জিত দিয়াছিলেন । কিন্তু পরিশেষে শুদ্ধ এক সতীত্বের গুণেই সেই মৃত পুত্রকে পুনর্জীবিত ও প্রিয়তম স্বামীকে পুনঃ প্রাপ্ত হইয়াছিলেন । বৎস ! ভাবিয়া দেখ, সতীত্বের অমোঘ বলে জীবগণ এই বিশ্ব-রাজ্যে কি কার্য্যই সাধন না করিয়াছেন ? এই ধোপ ধর্ম্মে কি অসাধ্য সাধনই সমাহিত না হইয়াছে ?—কলতঃ এই সকল রমণীরদ্বই স্পষ্টাক্ষরে বুঝিতে পারিয়াছিলেন যে—

“অর্ভাক্তে মুদিতা হৃদে প্রোষিতে মলিনা কৃশা ।

মূতে ম্রিয়তে বা পত্যো সা স্ত্রী জ্ঞেয়া পতিব্রতা ॥”

অর্থাৎ—যে স্ত্রী স্বামী কাতর হইলে কাতরা হন, আফ্লাদিত হইলে আফ্লাদিতা হন, প্রবাসগমন করিলে, মলিনা ও কৃশা হন এবং পতির মৃত্যু হইলে স্বামীর জলন্ত চিত্তানলে দেহ বিসর্জন করেন, তিনিই পতিব্রতা বলিয়া কীর্তিতা হইয়া থাকেন এবং তিনিই সশরীরে স্বর্গারোহণ করিয়া পবিত্র মোক্ষ লাভে অধিকারিণী হন ।

বাহা ইউক, বৎস ! মনের দুঃখে বক্ষ্যমাণ প্রস্তাব পরিত্যাগ করিয়া অনেক কথাই বলিয়া ফেলিয়াছি। এক্ষণে পুনরায় মূল প্রসঙ্গের অনুসরণ করিতেছি, অবহিত চিত্তে শ্রবণ কর ।

ষষ্ঠ স্তবক ।

“তাং দর্শ্যচ পিতা কন্যাং ভূষণাচ্ছাদনা শনৈঃ ।

পূজয়ন্ স্বর্গমাপ্নোতি নিত্যমুৎসববৃত্তিষু ॥

এই নিকরুণ রাক্ষসিগণের মধ্যে কাহারও জামাতার কোন রূপ হুচিকিৎসা কঠিন পীড়া উপস্থিত হইলে, উহারা তাহার

অর্থাৎ—পিতা কন্যাকে বস্ত্রালঙ্কারাদির সহিত সমাদর পূর্বক দান এবং পবিত্র উৎসবকার্য্য করিয়া অক্ষয় স্বর্গ লাভ করেন ।

স্মৃতিকিৎসা করা দূরে থাকুক, প্রাণান্তেও একবার তাহার দিকে নেত্রপাত করে না; বরং দেবাদিদেব তবানীপতির গোময় শিব লিঙ্গ প্রতিষ্ঠা করিয়া জামাতার মৃত্যু-কামনাই করিতে থাকে ।

• কিন্তু নিজ হৃদিতার পাদ-মূলে কুশাকুর বিদ্ধ হইলে, আকাশ ভাঙ্গিয়া অগ্নিবা অষ্ট বজ্র একত্র হইয়া মস্তকে নিপতিত হইয়াছে, মনে করিতে থাকে । বস্তুতঃ তখনই তাহাদিগের মস্তক ঘৃণিত হয়—চক্ষে সরিষার ফুল দেখিতে থাকে—কর্ণ বধির হয়—নির্ঝাত, নিশ্চল, নিষ্কম্প দীপের জ্বায় স্থির হইয়া দণ্ডায়মান থাকে—বোধ হয় যেন, তাহাদিগের অস্তিমদশা সমাগত । বৎস ! বল দেখি, এরূপ নীচাশয়া স্ত্রীলোক কি আর কুত্রাপি দেখিতে পাওয়া যায় ? যে জামাতা কত্কার ঐহিক পারত্রিক সকল স্মৃথের নিদান—ধর্ম্মার্থকামমোক্ষ সকল ফলের প্রসবিতা—স্বর্গ ও অপবর্গলাভের একমাত্র উপায়,—সেই জামাতার অত্যাহিত ঘটনায় অথবা ছুরুহ প্রবল ব্যাধির আক্রমণেও, যাহারা জ্বরে করে না, তাহারা কি মনুষ্য নামের যোগ্য পাত্র ? হায় ! এই পাপীয়সিগণ কি উপাদানে গঠিত, তাহা ত বুঝিয়া উঠিতে পারিলাম না ! দেব দেব জগৎপতে ! আমার সম্মানগণের মধ্যে যে কয়েকটা ঘরে এই ছুর্নিবার অত্যাহিত অহুষ্ঠিত হইতেছে, সেই কয়েকটা ঘরের নিপাত করুন ! পাপীয়সি সাক্ষিসিগণকে অন্তরিত করিয়া, আমার সম্মানগণকে হৃদ্যন্ত রাহগ্রাস হইতে নিস্তার করুন ! দেব ! এ পাপাচার আর সহ্য হয় না ! কত্কা, পৌত্ৰী, দৌহিত্রীকে যোগ্যবরে অর্পণ করিয়া চিরদিন ঘরে রাখিব—জামাতার উপার্জিত অর্থে পাপ উদর পোষণ করিব—অথচ, জামাতার হৃদৈব সম্মতি হইলে, চক্ষে দর্শন করিব না—

একটি পয়সার সাহায্য করিয়া, এমন কি, জামাতার সঞ্চিত অর্থ ব্যয় করিয়া, জামাতার নেত্র নীর নিবারণ করিব না—পথভ্রান্ত পথিকের গ্রাম অনাথাশ্রমে পাঠাইতেও লজ্জা বোধ করিব না—দেব দেব ! তোমার অশনি কি ইহাদিগের পাপ মুণ্ড নিপাতের জন্য সৃষ্টি হয় নাই ? ভালই, যদি কত্কা, পৌত্ৰী, দোহিত্রীকে যোগ্যবরে অর্পণ করিয়াও চিরদিন ঘরে রাখিব—জামাতার কোনও সংস্রবে থাকিতে দিবি না—এই বাসনা থাকে, তাহা হইলে তাহাদিগের পরিণয় কার্য সম্পাদন না করিলেই ত ভাল হইত ! অথবা যদি বিবাহ দিয়া, “আইবুড়” নাম ঘুচাইয়া লওয়া অভিপ্রেত হয়, তাহা হইলে মনুষ্যের সহিত বিবাহ না দিয়া, বৃক্ষ বা অস্ত্র বিশেষের সহিত বিবাহ দিলেই চলিত ! সেরূপ করিলে ত কতকগুলি নিরীহ ভদ্রসন্তান অকারণ ক্লেশ-নলে দগ্ধ হইত না !—তাহা হইলে ত তাহাদিগের শোকপূর্ণ জীবন-নাট্য দুঃখ কালিমায় কলুষিত হইয়া এই রূপে অভিনীত হইত না !

বৎস ! গুরু পরপুরুষ সঙ্গার্থিনী হইলে অথবা পরপুরুষের সহবাস লাভ করিলেই, স্ত্রীলোক মহাপাতকিনী হয় না । স্ত্রীজাতি অনেক প্রকারে মহাপাতকিনী হইয়া থাকে ;—অনেক দিক দেখিয়া চলিলে, স্ত্রীজাতি আপনাদিগের পবিত্রতা অক্ষুণ্ণ রাখিতে পারে । শাস্ত্রকার মনু লিখিয়াছেন :—

“পানং দুর্জ্জনসংসর্গঃ পত্যা চ বিরহোহটনম্ ।

স্বপ্নশ্চান্ধগৃহবাসো নারীণাং দূষণানি ষট্ ॥”

অর্থাৎ—“মত্তপান, দুর্জনের সহবাস, পতির বিরহ, অকারণ

ভ্রমণ, স্বপ্ন বা অকারণ নিদ্রা, ও পরগৃহে বাস, জীর্ণগণের পক্ষে মহা-
দোষ । এই ছয়টি দোষ জীজাতির জাতীয় জীবনের “মহাকলঙ্ক”
বা “মহাপাতক” বলিয়া পরিকীর্তিত হইয়া থাকে । সুতরাং
যে কুলাজনাগণ এই ছয় প্রকার দোষ হইতে আপনাদিগের চরিত্র
নিষ্কলঙ্ক রাখিতে না পারে, তাহারাই ব্যভিচারিণীগণের ন্যায়
কুলকলঙ্কিনী মহাপাতকিনী বলিয়া গণ্য হয় ! এই ছয়টি দোষের
সংস্পর্শ হইলেই, হিন্দু ধর্মমতে জীজাতির ধর্ম নষ্ট হয় এবং সেই
জী, সমাজে নিন্দিতা ও সমাজ হইতে নিকাশিত হইয়া থাকে ।
কিন্তু যে জীর্ণগণ পূর্বোক্ত ষড়বিধ সমাজবিপ্লবকারী মহানিষ্টকর
পাশব কলঙ্ক হইতে আপনাদিগের চরিত্র পুতসলিলা ভাগিরথীর
ন্যায় পবিত্রা রাখিতে সমর্থ হয়, সেই জীর্ণগণই জগতিতলে
ধন্য—সেই জীর্ণগণই ভ্রাতৃদ্বন্দ্বিত বহির ন্যায় অলঙ্কৃতভাবে
থাকিয়া, ধর্মগ্রীর পাপ ভার দণ্ড করিয়া থাকেন ! বৎস !
হিন্দুসমাজ জীজাতির উপর এতদূর সূক্ষ্ম দৃষ্টি রাখিয়া-
ছিলেন বলিয়াই—জীজাতির উপর এইরূপ বিপুল স্বর্গীয়
সম্মান স্থাপন করিয়াছিলেন বলিয়াই, এই অধঃপতিত ভারত-
বর্ষ হইতে আজিও হিন্দুজাতির নাম লোপ হয় নাই—আজিও
হিন্দুসমাজ যুগযুগান্তরের মহাপ্রলয় বক্ষে ধারণ করিয়া অচল
অটল হিমগিরির ভায় স্থির হইয়া দাঁড়াইয়া রহিয়াছে—
আজিও বালবিধবা ত্রয়োদশ বর্ষ উত্তীর্ণ না হইতে হইতেই
চির ব্রহ্মচর্যা অবলম্বন করিয়া স্বামীর পদাঙ্ক স্মরণ করিতে
করিতে বিসপ্ততিবর্ষ বয়সেও চিত্তানলে দেহ বিসর্জন করি-
তেছে—এবং আজিও শত শত ফুল কোকনদ প্রত্যেক হিন্দুগৃহীর
দীন কুটীরে বিমল মকরন্দ বিতরণ করিয়া শোণিতসদৃশ

সম্বন্ধমাত্র ভ্রাতা, ভগিনী, ভাগিনেয়, ভাগিনেয়ী, পৌত্র, পৌত্রী, দৌহিত্র, দৌহিত্রী পরিবৃত্ত হইয়া প্রত্যেক গৃহে বৈকুণ্ঠ-বাসিনী লক্ষ্মীর আয় বিরাজ করিতেছেন এবং প্রাকৃত গৃহিণীগণ জুয়া বিজয়ার আয়, তাঁহাদিগেরই পদসেবা করিয়া স্ব স্ব বাসভবন অমর নিকেতনে পরিণত করিতেছেন।”

কিন্তু এই বর্তমান হিন্দুনারীকুল সেই পরম পরিত্র স্বর্গীয় অমৃতশাসন বাক্য উল্লেখ্যম করিয়া, প্রত্যেক সংসার কি জঘন্ত পাপের আধার করিয়া তুলিয়াছে!—যে শাস্তি হিন্দুর দীন-কুটারের পরম গৌরব, সেই বিমল শাস্তি এককালে চলিয়া গিয়াছে! এমন দিন নাই,—যে দিনে এই পাপিনিগণের বিবাদ বিসম্বাদ সংঘটিত হয় না!—এমন স্থান নাই,—যে স্থানে গিয়া এই কুলকলঙ্কিনিগণের নিন্দা, কুৎসা ও মানি শুনিয়া, কর্ণে অঙ্গুলী প্রদান করিতে না হয়!—এমন প্রতি-বাসী নাই,—যে ব্যক্তি এক মুহূর্তের জন্তও, ইহাদিগের সাহায্যে দণ্ডায়মান হয়! ইহার উপর আবায়, পাপিনিকুল কত্যাগণকে যে জঘন্ত পথ প্রদর্শন করিতেছে, তাহাতে সেই কত্যাগিকে কুলকলঙ্কিনী মহাপাতকিনী ভিন্ন আর কিছুই বলা যাইতে পারে না। বৎস! আমি প্রমাণ স্বরূপে এই স্থানে কয়েকটা দোষের উল্লেখ করিতেছি।

প্রথমতঃ—পতির সহিত বিচ্ছেদ সংঘটন করাই বর্ষায়সী পাপিনিগণের একান্ত উদ্দেশ্য! এই পুস্তকের সবিস্তার বর্ণনে পাঠক পাঠিকাগণ তাহা অনায়াসেই উপলব্ধি করিতে পারিবেন।

দ্বিতীয়তঃ—দেশভ্রমণও এই পাপিনিকুলের সদাশ্রুত।

যখন পিঞ্জরবদ্ধ বিহঙ্গিনিগণ প্রকাশ্য মেলা মহোৎসবে স্বাধীনভাবে বিচরণ করে, তখন দেশ ভ্রমণের আর কি অবশেষ থাকে ?

তৃতীয়তঃ—পরগৃহে বাসও এই কন্তাগণের আজীবন সংঘটিত হইয়া থাকে। যখন কন্তাগণ পতিগৃহ হইতে নিকাশিতা হয়, তখন লক্ষপতি পিতার গৃহে বাস করিয়াও, অবলা পরগৃহবাসিনী—অরক্ষিতা !

চতুর্থতঃ—দুর্জ্ঞান সংসর্গও এই কন্তাগণের বিধি ব্যবস্থিত ! যখন সেই ছুরাচার পাপিনিকুল, সেই সেই কন্তার দণ্ডমুণ্ডের কদ্রী—আহার, বিহার, শয়ন উপবেশনের শিক্ষয়িত্রী—প্রতি পদক্ষেপেই উহাদিগের অনুবর্তনকারিণী,—তখন উহারা সং-সংসর্গ কোথায় পাইবে ? ভূমিষ্ঠ হইয়াই উহারা যে নরক সন্দর্শন করিয়াছে, সেই নরক ভিন্ন উহাদিগের আর অন্য গতি কি ?

পঞ্চমতঃ—স্বপ্ন অর্থাৎ বৃথা নিদ্রাও এই কিশোরী কন্যাগণের নিত্য অন্তর্ভুক্ত নহে। কন্যা কিশোরী হউক বা তরুণী হউক, স্বপ্নের ভাগ করিয়া, পিতৃগৃহে বাস করিবার সময় বিশেষ স্বাধীনতা অবলম্বন করিয়া থাকে এবং প্রতিবাসিগণের গৃহে যথেষ্ট ভ্রমণ ও যথেষ্ট ব্যবহার করিতেও ক্রটি করে না। সেই সময়ে কেহ বা ইতস্ততঃ বিচরণ করিয়া, কেহ বা বৃথায় তথায় নিদ্রা গিয়া, কালক্ষেপ করে। সুতরাং বৃথা নিদ্রাও সেই সময়ে ইহাদের এক প্রকার অভ্যস্ত হইয়া আইসে।

হিন্দুশাস্ত্রানুসারে হিন্দুনারী পূর্বোক্ত ছয়টি দোষের মধ্যে দুই একটি দোষের আশ্রয় গ্রহণ করিলেই, ব্যভিচারিণীগণের ন্যায় মহাপাতকিনী বলিয়া সমাজে নিন্দিতা হয়। কিন্তু কুৎস! আজি কালি একটি নারী পাঁচটি বীভৎস পাপের আশ্রয় গ্রহণ

করিয়াও, সমাজমধ্যে অনার্যাসে স্থান পাইতেছে ! শুদ্ধ আজি হিন্দু সমাজ সর্বাবয়বে শিথিল হইয়া আসিয়াছে—ইহার সকল বন্ধন এক কালে বিনষ্ট হইবার উপক্রম হইয়াছে—সেই জন্যই, বৎস ! এই পাপকীট সমাজমধ্যে প্রশ্রয় প্রাপ্ত হইতেছে । নতুবা আজি দিগঙ্গনাকুল মহাতাণ্ডবে দেশ মার্ভাইয়া, এই পাপিনিগণের রক্ত শোষণ করিয়া খাইতেন, এবং সমাজস্তর হইতে প্রত্যেক পাপিনীকে বাছিয়া লইয়া, ঘোর যাতনায় সন্দংশ নরকে চিরজীবনের জন্ত নিক্ষেপ করিতেন । এই কুলকলঙ্কিনিগণকে কখনই সমাজ মধ্যে অবস্থিতি করিতে দিতেন না !

কিন্তু বৎস ! আমি এই কন্ঠাগণকে একদিনের জন্তও দোষী-করিতে পারি না । ইহারা কদাপি স্ব ইচ্ছায় প্রকৃতির বিকৃতি সাধন করে না । ইহাদিগের মধ্যে হয়ত অনেকেই মনোমত স্বামী লাভ করিয়া পরম পরিতুষ্ট হইয়া—স্বামীর নব সহ-বাস প্রাপ্ত হইয়া, স্বর্গসুখ লাভ করিয়া থাকে ;—অনতিদীর্ঘ সরোবরে চন্দ্র মারুত-তরঙ্গ সঞ্চালিত হইলে, যেমন অবিশাল বীচিমালা সমুদ্ভূত হইয়া সরসীবক্ষঃ আন্দোলিত করে, তেমনই কিশোরিগণের তরুণ ছন্দ-সরসে যৌবনের সুখদ হিলোল উথিত হইয়া, এই তরুণিগণকেও ব্যাকুল করিয়া থাকে । বস্তুতঃ পতিপ্রেম সঞ্চারকালে কিশোরীর অন্তরে যে রমণীয় পরিবর্তন সংঘটিত হয়, এই তরুণী কন্ঠাগণে তাহার কিছুই অভাব দেখিতে পাওয়া যায় না । কিন্তু এই বিষমুখী পাপিনিগণের পাপ উপদেশ সকল যতই উহাদের হৃদয়ের স্তরে স্তরে বিঁধিতে থাকে, ততই উহারা কাল উৎসবের দিকে অগ্রসর



হয় এবং পতিকে বিষনয়নে দেখিতে থাকে। বলিতে কি, তখন তরুণী কন্যাগণেব হৃদয়ে পতি-প্রেমভিলাষ প্রবল থাকিলেও, পতির বিরহানলে হৃদয়ের কোমল বৃত্তিগুলি ভস্মীভূত হইয়া, হৃদয় মহাত্ৰঃখ ভাবাক্রান্ত হইলেও পতিবিরহে অশোক-বাসিনী সীতাদেবীর সমদশা প্রাপ্ত হইলেও উহারা ভীমা তৈরবি-গণের ভয়ে পতির কথা মুখে আনিতেও ভীতা হয়।

স্থিরচিত্তে বিবেচনা করিলে, ইহাই স্পষ্ট বোধ হইয়া থাকে। প্রকৃতির গতিরোধ করিয়া, বৎস ! বল দেখি, কে কোথায়

অবস্থিতি করিতে পারে?—ভগবান্ মরীচিমালী পূর্বাশা পরিত্যাগ করিয়া কোথায় পশ্চিমগগণে উদিত হইয়া থাকেন? বারিস্রোত নিম্নাভিমুখ না হইয়া কোথায় গগনাভিমুখে ধাবিত হয়?—ভগবান্ নিশানাথকে উদিত হইতে দেখিয়া; কুমুদিনী কবে মুদিত হইয়া থাকে?—সেইরূপ স্ত্রীজাতি পতির অনুবর্তিনী না হইয়া কোথায় অপরের দাসীত্বে নিয়োজিতা হয়? লতা কালপ্রাপ্ত হইলে নিশ্চরই বৃক্ষকে আশ্রয় করিবে। কিন্তু সেই লতাকে যদি কেহ বিপথগামিনী করিয়া দেয়, তাহা হইলে বৎস! বল দেখি, লতার অপরাধ কি? যে তাহাকে বিপথগামিনী করিয়াছে, অবশ্য সেইই নিন্দনীয়। সেই জন্ত বৎস! আমি এই কন্যাগণকে এক মুহূর্ত্তের জন্য দোষভাগিনী করিতে পাবি না। প্রত্যুত, সেই পাপিনিগণকে শত দ্বিগুণে দ্বিগুণ করিতেছি; তাহারাই উহাদিগকে বিপথগামিনী ও মহাপাতকিনী করিয়া থাকে।

শারীরিক অবস্থা দেখিলেও, সেই কন্যাগণকে কখনই নিন্দা করিতে পারা যায় না। কালপ্রাপ্ত হইয়াও, উহারা যে দাসিবৃত্তি অবলম্বন করিয়া পিতৃভবনে অবস্থিতি করে, ইহা তাহাদিগেরও বাঞ্ছনীয় নহে। যে দিন কন্যাগণ স্বামী সহবাস হইতে বিচ্যুত হয়, সেই দিনই ইহাদিগের মর্য্যাস্থি চূর্ণ হইয়া যায়;—সেই দিন হইতেই, ইহারা দিন দিন ক্লশা, মলিনা ও বিগুণা হইতে থাকে। যে অর্দ্ধক্ষুটিত কমলকোরক বিকশিত হইয়া, একদিন বিমল গন্ধে দিগন্ত আমোদিত করিবে বলিয়া, উদ্যানস্বামীর হৃদয় জীবন্ত আশায় আধাসিত করিয়াছিল, তাহাই তখন সরসীর শৈবালজড়িত

আবর্জনারূপে পরিগণিত হইয়া, সরসীর তটপ্রান্তে সমানীত হইয়া থাকে ! তখন ঘোড়শী গৃহছাদ, উদ্যানপ্রান্ত, নিভৃত পাদপতন আশ্রয় করিয়া, দরবিগলিত অশ্রুধারায় ধরাতল অভিষিক্ত করিতে থাকে । কিন্তু হায় ! এই হতভাগিনি কন্যাগণ কি করিবে ? এক দিকে প্রমত্ত যৌবনের পূর্বরাগ, অপরদিকে পাপিনিগণের হরস্ত শাসন ;—ইহার উপর আবার, সম্ভ্রান্ত গৃহীর কুলপিঞ্জরের বন্ধপক্ষ বিহঙ্গিনী ! সুতরাং প্রাণপাত করিয়াও, প্রাণের কথা প্রাণে প্রাণে বাঁধিয়া রাখে ;—প্রাণান্ত হইলেও, সে কথা দ্বিতীয় কণ্ঠে প্রবেশ করিতে দেয় না । পরিশেষে আপনাদিগের প্রাক্তন-প্রদর্শিত পথ দেখিয়া লয়—বিপথগামিনী না হইয়াও—পরপুরুষের সঙ্গলাভ না করিয়াও—কুলনাশিনী মহাপাতকিনী রূপে পরিগণিত হয় এবং সমাজ-পাণ্ডুলাগণের বিমলানন্দ বর্ধন করে ।

ইহার উপর আবার আধুনিক হিন্দু মহিলাগণ একরূপ ভূষণপ্রিয়া যে, সেরূপ আর কুত্রাপি দেখিতে পাওয়া যায় না । ভূষণ-প্রিয়তা স্ত্রীজাতির নৈসর্গিক ধর্ম । সুতরাং আমি তজ্জ্ঞ ইহাদিগকে দোষভাগিনী করিতে পারি না । তবে এই মাত্র বলিয়া রাখি, এতৎ সম্বন্ধে ইহাদিগের আর একটি দোষ অত্যন্ত প্রবল । সেই দোষের জন্তই, বৎস ! আমি অহর্নিশ মর্শ্বাস্তিক যাতনা উপভোগ করিতেছি । এই লুকপ্রকৃতি দ্রব্ভাগণ পিত্রালয়ে ভূষণদাম প্রাপ্ত হয় না । নব-পরিণীত স্বামীর সর্বস্বান্ত করিয়াই হউক, অথবা তাহার স্বেপার্জিত অর্থই হউক, তাহারা সেই অলঙ্কার রাশি সঞ্চয় করিয়া থাকে । কিন্তু উহারা এতাদৃশী নীচাশয়া যে, পাছে স্বামী সেই অলঙ্কারের অপচয় করেন,

অথবা উহা হস্তগত করিয়া পুনরায় প্রত্যর্পণ না করেন, এই ভয়ে একখানি অলঙ্কার প্রাণান্তেও স্বামীর হস্তে প্রদান করে না। ঘটনাক্রমে যদি কোন অলঙ্কার ভাঙ্গিয়া যায়; অথবা কালক্রমে ছোট হইয়া আইসে; কিম্বা ভাঙ্গিয়া নূতন করিয়া গড়াইবার বা কোনও জীর্ণ সংস্কারের প্রয়োজন হয়; তাহা হইলে পিতৃকুলের কোনও আত্মীয় অথবা কোনও প্রতিবেশী দ্বারা সেই প্রিয় কার্য্য সমাধা করিয়া লয়। কিন্তু যদি উভয়েরই অভাব হয়, তাহা হইলে তাহারা উহা অগত্যা স্বামী-হস্তে প্রদান করে এবং যতক্ষণ উহা পুনঃ প্রাপ্ত না হয়, ততক্ষণ হস্তে প্রাণ লইয়া বসিয়া থাকে—চিন্তাজ্বরে হৃদয় ব্যথিত করিতে থাকে—উত্তমরূপে অন্নজলও গ্রহণ করে না—অপিচ দেবতাদিগের উদ্দেশে হরির লুট, নারায়ণের কাঁচা গোলা, প্রভৃতি বহুবিধ মানসিক করিতে থাকে। পরিশেষে, সেই-গুলি হস্তগত হইলে পুনরায় স্থিতির হয়।

যদি কাহারও স্বামী বা জামাতা কোনও প্রকারে ঋণ ভারাক্রান্ত হয় এবং নিতান্ত অসঙ্গতি-নিবন্ধন সেই ঋণদায় হইতে মুক্তিলাভ করিতে না পারে, তাহা হইলে এই পামরিগণ দুইটা টাকা প্রদান করিয়াও তাহার সাহায্য করে না। সাহায্য কুরা দূরে থাকুক, যখন উত্তমর্ণ ডিক্রীজারি করিয়া, টাকার পরিবর্তে হতভাগ্যের দেহ আক্রমণ করিয়া বসে, তখন দুর্ভাগ্যের অদৃষ্টে যে কি নিদারুণ কষ্ট উপস্থিত হয়, তাহা এক মূখে বলিয়া শেষ করিতে পারি না। অকলস্মীর অঙ্গযষ্টি সহস্র মুদ্রার স্বর্ণালঙ্কারে ভূষিত থাকিতেও, দুর্ভাগ্যকে ইতর লোকের ঞ্চায় কারাগৃহের শরণ লইতে হয়। সেই ছরপনের

হৃদশার সময়েও পিত্রী অথবা তদীয় গর্ত্তধারিণী হৃর্ভাগ্যের প্রতি বিন্দুমাত্রও কৃপাবারি প্রদর্শন করে না; পরন্তু সেই বর্ষীয়সী •রাক্ষসী এই গুরুপদেশ প্রদান করিতে থাকে যে, “বাবা! তোমার, এই সামান্য দেনার জন্ত গহনা নষ্ট করা কোন ক্রমেই যুক্তিসঙ্গত নহে। একখানি জিনিস নষ্ট হইলে, পুনরায় তাহা প্রস্তুত হওয়া নিতান্ত দুঃস্থ। তোমার এ নিতান্ত সামান্য দেনা; ইহার জন্ত অবশ্য তোমাকে, অতি সামান্য দিন মাত্র কারাগারে থাকিতে হইবে; বিশেষতঃ ইহা ফৌজদারী দণ্ডাজ্ঞা নহে—সামান্য দেওয়ানী মোকদ্দমা মাত্র। ইহাতে কোন পরিশ্রম করিতে হইবে না। বায়ুসেবন বা প্রবাসগমনের ন্যায় কয় দিনমাত্র বেড়াইয়া আসা বলিলেও হয়। ধরিতে গেলে, এবাটীতে ও কারাগারে তোমার কিছুই প্রভেদ নাই। আমাদের বিবেচনায় ইহাতে তোমার মানাপমান বা অভিমান না করিয়া সহজেই যাওয়া উচিত। “বাবা! তুমি ত তুমি,—তোমার অপেক্ষা কত বড় বড় লোকও ইহাতে মানাপমান জ্ঞান না করিয়া, দেনার দায় হইতে মুক্ত হইয়া আইসে। আমি তোমার গুরুতর লোক; আমার এই কথাটা রাখিয়া দেখ, তোমার কত ভাল হইবে। বাবা! এই কথাটা খুব মনে রাখিও যে,—পরিবারের সংস্থান কখনও নষ্ট করিতে নাই।” পরিণামে সেই হতভাগ্যকে অগত্যা কারাগৃহের আশ্রয় গ্রহণ করিতে হয়।

বৎস! পূর্বে তোমাকে বলিয়াছি যে, জামাতার কোনও হৃষ্টিকিঞ্চল রোগ হইলে এই রাক্ষসিগণ একবার কটাক্ষপাত করিতেও ইচ্ছা করে না। বৎস! কারণ অহুসন্ধান করিলে

দেখিতে পাইবে, একদিকে অর্থলালসা এবং অপর দিকে ভূষণ-প্রিয়তা ও সঞ্চয়নাশভয়ই এই পাপিয়সিগণের হৃদয় লৌহ বা পাষাণ অপেক্ষাও কঠিন করিয়া তুলিয়াছে। বস্তুতঃ যে কারণেই হউক, ইহাদিগের কঠিন হৃদয়ের কথা স্বরণ করিলেও, হৃদয় চমকিত ও গাত্র লোমাঞ্চ হয়। সে দিন একটি ভীষণ শোকাবহ ঘটনা দেখিয়া আমি স্তম্ভিত ও বিস্মিত হইয়াছি। সেই লোমহর্ষণ বীভৎস কাণ্ড 'স্বতিপথে উদিত হইলেও হৃদয় বিদীর্ণ হইয়া যায়;—যেন সহস্র বৃষ্টিকের জালা এককালে অনুভূত হইতে থাকে;—বোধ হয় যেন, এ পাপ সংসারে এই পাপিয়সিগণ আছে বলিয়াই, ইহ সংসার পাপময় ও কলির অধিকৃত বলিয়া প্রতিপন্ন হইয়াছে। কয়েক দিবস অতীত হইল, দেখিলাম, কোন হতভাগ্য জামাতা এক হৃষ্টিকিংশা রোগাক্রান্ত হয়। হতভাগ্যের হস্তে যে কিছু অর্থ ছিল, পীড়ার তরুণ অবস্থাতেই তাহা নিঃশেষিত হয়। কিন্তু হতভাগ্য তাহাতেও রোগ হইতে মুক্তিলাভ করিতে পারে নাই।' অপিচ ক্রমশঃ জীর্ণ ও নিঃসম্বল হইয়া পড়ে। পরিশেষে এরূপ হীন দশাপন্ন হয় যে, অর্থাভাবে আর তাহার চিকিৎসা করাইবার ক্ষমতা থাকে না। বিষম বিপদাপন্ন হইয়া হতভাগ্য কাদিতে কাদিতে জীর্ণ পদতলে পতিত হয় এবং কাতর তরলকণ্ঠে জীর্ণ নিকট কিছু অর্থ প্রার্থনা করে। বস্তুতঃ তৎকালে হতভাগ্য হৃষ্টিকিংশা রোগে আক্রান্ত ও নিঃসম্বল হইয়া যেরূপ ছরপনের দুর্দশাগ্রস্ত হয়, তাহাতে তৎকালে তাহাকে প্রকৃত সহধর্মিণীর অদেয়, কিছুই ছিল না। কিন্তু পামরী জীর্ণ হস্তে স্বামিদত্ত সহস্র মুদ্রার অলঙ্কার রাশি

থাকিতেও, মন্দভাগিনী পত্নী পতির শুক্রবার নিমিত্ত এক কপর্দকও ব্যয় করে নাই। সুতরাং চূৰ্ভাগা কতিপয় অবস্থা-পন্ন আত্মীয় স্বজনের নিকট হইতে কিছু কিছু ভিক্ষা করিয়া আনাইয়া, কয়েক দিন মাত্র জীবিত থাকে। পরিশেষে সৰ্ব্ব-বিপদারণ সৰ্ব্বহুঃখহর কালের প্রশান্ত ক্রোড়ে শয়ন করিয়া প্রিয়তমার প্রণয়বন্ধন ছেদন করে এবং চিরদিনের জন্য ইহ-সংসারের সুখে জলাঞ্জলি দিয়া প্রেমসীর হৃদয়পটে হেমাক্ষরে লিখিয়া যায়—

প্রণয়ের হার অই ছিন্ন ভিন্ন হয়ে,

পতিত শ্মশানে রবে ছিন্ন রজুপ্রায়,

মিলন জ্বলন্ত আশা না রবে হৃদয়ে,

ঝরিবে না নেত্রনীর বিরহ জ্বালায়।

হায় বৎস! এই সমস্ত জীলোকের হৃদয় কি ক'ন! ইহাদিগের স্বভাব কি নিষ্ঠুর! ইহাদিগের আচার ব্যবহার ও রীতিনীতি কি জঘন্য পশুচিত! দয়া, মায়া, স্নেহ, মমতা প্রভৃতি যে কোমল বৃত্তি গুলির জন্ত জীজাতি দেবীরূপে জগত সংসারে পূজিতা, সেই বৃত্তি গুলির নাম মাত্রও ইহাদিগের হৃদয়ে স্থান লাভ করিতে পারে নাই। বৎস! ইহারা যে কি উপা-দানে নিশ্চিত, তাহা সেই দেবদেব বিশ্বনাথ ভিন্ন আর কাহারও বলিবার ক্ষমতা নাই। প্রৌঢ়জন সুলভ অর্থ লাভসার অথবা কত্যা প্রৌড়ী দৌহিত্রীর সংস্থান উদ্দেশে বয়োবৃদ্ধা পাশ্বিনিকুল বাহা ইচ্ছা করিতে পারে, কিন্তু বিধাতা! ভার্য্যা বাহার পতি ভিন্ন সংসারে আর পতি নাই—বাহার পিতা মাতা ভ্রাতা ভগিনী

প্রভৃতি সমস্ত পরিজনের স্নেহবন্ধন এক পতিরূপ রূপে তন্তর
 তীক্ষ্ণধারে খণ্ডীকৃত হইয়া শতধা বিচ্ছিন্ন হয়—যাহার পতি-
 সঙ্গ-লিপ্সা মনোমধ্যে উদ্ভিত না হইতে হইতেই আত্মবিস্মৃতি
 এবং তৎপরে পতিরূপ মহাসাগরে আত্ম-বিসর্জন সমাহিত
 হয়—যাহার ধন, জন, জীবন, যৌবন প্রভৃতি সমস্তই এক
 পতিরূপ জীর্ণতরঙ্গী ভিন্ন অণু, কোনও অবলম্বন দ্বারা ঘোর
 ঝঞ্ঝাবায়ু পরিপ্লুত ছস্তর ধংসার, সমুদ্রের উত্তাল বীচিমালা
 অক্লেশে উত্তীর্ণ হইতে পারে না, সেই ভাৰ্য্যাই বা কি
 বলিয়া পতির মমতায় বিসর্জন দেয়? সেই অধমতারণ পতিত-
 পাবন ভিন্ন এ ভীষণ রহস্যের মর্শ্ব আর কাহারই উদ্ঘাটন
 করিবার ক্ষমতা নাই।

বৎস! হিন্দুশাস্ত্রকারগণ এই পতিহীনা অনাথিনীগণের
 জন্ত যে অমৃতের মানস-সরোবর খনন করিয়া গিয়াছেন,
 তাহা কি তাহারা একবার মোহ চক্ষু উন্মীলন করিয়া দেখে
 না?—তাহা হইলে ত তাহাদের সেই হৃদ্বিনীত 'ব্যবহার—
 জামাতার রক্তমোক্ষণ করিয়া উদরারের সংস্থান কামনা—
 কন্যার বসন ভূষণের জন্ত অস্বাভাবিক লোভ—জামাতার
 জীবনের প্রতি অপৌরুষেয় নিশ্চয়তা এবং কন্যাকে জামা-
 তার সহবাসিনী না করিয়া, নিজালয়ে বদ্ধ রাখিবার অর্থো-
 ক্তিক বাসনা—একদিনের জন্য মনে স্থানলাভ করিতে পারিত
 না! বৎস! হিন্দুজাতির ছর্ভাগ্য-রাহর উদয়ে হিন্দুজাতির
 অদৃষ্টচক্রই বিকলিত হইয়াছে! কিন্তু সহস্র সহস্র দিক্‌পাল
 ইহার বিভিন্ন সমাজ-চত্বরে যে সকল অমূল্য হীরকখনির আবি-
 ষ্কার করিয়া গিয়াছেন, সেই সকল ত আজিও বিলুপ্ত হয়

নাই!—আগ্নিও ত তাহারা বিমল জ্যোতিঃ বিকীরণ করিয়া সুর সাগর প্রাপ্ত পর্য্যন্ত আলোকিত করিতেছে!—এখনও ত তাহাদের এক একটী কণিকা প্রত্যেক হিন্দুর গৃহে দেদীপ্যমান রহিয়াছে! তবে কেন হিন্দুসমাজ এমন বড়িয়া অধঃপাতে যাইতেছে! বনস্থলী আলোকিত ও আশ্রমতরু উদ্ভাসিত করিয়া, সে দিন সুরভীর অরণ্যানী হইতে যে গগনভেদী রথ উখিত হইয়া, সকলের কর্ণে কর্ণে বলিয়াছিল—

বৈধব্যসদৃশং দুঃখং স্ত্রীণামন্যং ন বিদ্যতে ।

ধন্যা সা যোষিতাং মধ্যে ভত্র্যাগ্রে ত্রয়তে য়া ।

অর্থাৎ—স্ত্রী জাতির বৈধব্য দুঃখের ন্যায় দুঃখ আর কিছুই নাই! সেই জনো, যে নারী পতির সম্মুখে মৃত্যুমুখ সন্দর্শন করে, স্ত্রীজাতির মধ্যে সেইই ধন্যা ।

তাহা ত এখনও বিলুপ্ত হয় নাই! তবে কেন পাপিনিগণ জামাতাকে মৃত্যুমুখে নিপতিত দেখিয়াও, জামাতার রোগ-শুক্রির উপায় অবধারণ করে না? জামাতার মৃত্যু হইলে বল দেখি, চণ্ডালিনিগণ! তোদের কন্তাগণ কি স্মৃতে সুখিনী হইবে? অবশ্য তোরা সেই কন্তাগণকে দশ আস দশ দিন গৰ্ভে ধারণ করিয়াছিস্—আপনারা না খাইয়াও তাহাদের গ্রাসাচ্ছাদনের সংস্থান করিয়াছিস্—তাহাদের এক দণ্ডের ব্যাধিবিপদে অবশ্য ত্রিভুবন অন্ধকার দেখিয়াছিস্,—অবশ্য তাহাদের অপগণ শিশুকালের অর্ধেক বিষ্ঠা মৃত্র হয় ত তোদের উদরসাৎ হইয়াছে,—প্রসূত সময় হইতে ত্রয়োদশ বর্ষ বয়ঃক্রম কাল পর্য্যন্ত সেই সেই কন্যাকে বহুমূল্য বসনা-

ভরণে মনোজ্ঞ “রাসগাছ” করিয়া রাখিতেও ক্রটি করিস্ নাই, - কিন্তু রে পামরিকুল ! বল দেখি, জামাতার সহবাসে সেই সেই কত্যা যে সুখে সুখিনী হয়, তোদের শতবর্ষের বন্ধ-
 াসেও কি সে সুখ সমুদ্ভূত হইতে পারে ? কখনই না ।
 তোরা ভাবিতেছিস্, এত দিন খাওয়াইয়া পরাইয়া যে স্বর্ণ-
 লতিকাটি পরম বস্ত্রে লালন করিলাম,—ত্রয়োদশ বর্ষ পর্য্যন্ত
 যে লতিকার মূলে নিরন্তর জল সেচন করিয়া আসিলাম,
 আজি ‘সেই স্বর্ণলতিকা কাহার করে অর্পণ করিব ?—কি
 করিয়া বুক বাঁধিয়া আমার সোণার প্রতিমা পরের হাতে
 তুলিয়া দিব ?—পাপিনিকুল ! তোরা যা করিয়াছিস্ সমস্তই
 বিধিবাবস্থিত !—তোরা তাহাই করিবি বলিয়া সেই সেই
 কত্যা কে গর্ভে ধারণ করিয়াছিলি !—নিজের কর্তব্য নিজে
 নাথন করিয়া এখন কাহাকে দোষভাগী করিতে চাস্ ? এখন
 বাহান জীবন মরণে কত্কার জীবন মরণ নির্ভর করিতেছে,
 তাহাকে দেখ্ ! তাহার জীবন রক্ষা হইলেই, তোদের
 গোরবের ধন, আশার প্রদীপ রক্ষা পাইবে ! সে প্রদীপ
 নিবিলেই ত হতভাগিনিকুল ! চির জীবনের জন্ত তোদের
 কত্কার জীবন নিষ্ফল হইয়া যাইবে ? তোরা কত্যা কে যা
 কিছু দিতেছিস্, সে সমস্তই পরিমিত—সে সমস্তই অঘটনলব্ধ;
 কিন্তু দেখ্, আজি তোর ঐ স্বর্ণলতিকায়, যদি তোর
 জামাতা একটা বিক্রপ কোরক দেখিতে পায়, তাহা হইলে
 এখনই পাহাড় ভাঙ্গিবে—সাগর ছেঁচিবে—বনের মধ্যে গিয়াও
 অমূল্য নগিন্ধার কুড়াইয়া আনিবে । আনিয়া বিভোর দিশা-
 হারা হইয়া তোদের স্বর্ণলতিকাটিকেই নিভূতে বসিয়া সাজা-

ইয়া দিবে। তাই বলি, পাপিনিকুল ! যা করিয়াছিস্—আর না। এখন হইতে কন্তাগণকে শিখাইয়া দে,—আপনারাও শিখিয়া রাখ—

জীবিতং পতিহীনায়াঃ নিষ্ফলং চ ভবেদব্রুবম্ ।
 দীনায়াঃ পতিহীনায়াঃ ক্লিং নার্যা জীবিতে ফলম্ ॥
 মিতং দদাতি হি পিতা মিতং ভ্রাতা মিতং সূতঃ ।
 অমিতস্য চ দাতারং ভর্তারং কা ন পূজয়েৎ ॥

অর্থাৎ—পতিহীনা নারীর জীবন নিশ্চয়ই নিষ্ফল হইয়া থাকে। যে দুঃখিনী রমণী পতিহীনা, তাহার জীবনে প্রয়োজন কি? পিতা, ভ্রাতা ও পুত্র ইহারা সকলেই, পরিমিত দান করে, কিন্তু একমাত্র পতিই অপরিমিত দান করিয়া থাকেন। সূতরাং কোন্ স্ত্রী না স্বীয় পতির পূজা করিবেন? .

থাক্, ইহাতেও কাজ নাই!—পাপিনিকুল ! তোদের নিজের দৃষ্টান্ত দেখিয়াও কি তোদের কন্তাগণকে শিখাইতে ইচ্ছা করে না? ভাল, তোদেরও ত মাতা পিতা ভ্রাতা আছে? তোরাও ত দশদিন পতিগৃহ ত্যাগ করিয়া পিতৃগৃহে গিয়া বাস করিয়া থাকিস্? কিন্তু বল দেখি, তোরা কি এক দিনের জন্তও সেখানে গিয়া স্নান হইয়া থাকিতে পাস? এখন কি সেই পরমাদরের পিতৃগৃহ তোদের পক্ষে পরগৃহ বলিয়া বোধ হয় না? স্বামীগৃহে বেরূপ স্বাধীনভাবে নিম্নুক্ত হস্তে বিচরণ করিস্, পিতৃগৃহে—যেখানে মাতৃগর্ভ হইতে প্রসূত হইয়া ইহ সংসার দর্শন করিয়াছিস্,—সেই খানে গিয়া এক তিলাঙ্কের জন্ত স্নান হইয়া থাকিতে পারিস্? যদি এখন সেই পরম

আদরের পিতৃগৃহ তোদের পক্ষে পরগৃহ বলিয়া বোধ হইয়া থাকে, তবে কত্নাকে কি বলিয়া স্বপ্নরালয় হইতে পৃথক রাখিতে বাসনা করিস্? পাপিনিগণ! স্বামীর এক দিনের মৃত্যু হস্তের দান কি পিতার নিকট শতবর্ষেও প্রাপ্ত হইয়া-
 ছিস্? সামান্য দুই দিনের প্রবাসেই যখন এই "অবস্থান্তর" সংঘটিত হয়, তখন বৈধব্যাধী উপস্থিত হইলে, বল দেখি, কি লোমহর্ষণ কাণ্ড সংঘটিত হইয়া থাকে? পুত্রপৌত্র আত্মীয় স্বজন বন্ধুবান্ধবে পরিবৃত—ধনমানকুলশীল সকল দিকেই জাজ্বল্যমান—এবং বসন ভূষণ বিত্তসম্পদ সম্পন্ন হইয়াও, পতি-
 বিরহে সেই দেবগৃহে তোদের এক দণ্ডের জন্তও থাকিতে ইচ্ছা হয় না কেন?—পতিবিহনে সেই সুখের সংসারেও কেন তোরা নরকযন্ত্রণা ভোগ করিস্?—বেশভূষা গন্ধমালা ও উত্তম শয্যা, প্রাপ্ত হইয়াও, পতিবিরহে সেই সুখের অমরাবতীতেও কেন বীভৎস কারাগারের যমভীষণ মূর্তি দেখিতে পাস্? আবার কেনই বা তখন গগণ ফাটাইয়া উচ্চৈঃস্বরে কাঁদিয়া বলিতে থাকিস্--

অপি বহু শতা নারী বহু পুত্ৰৈশ্চ সংযুতা ।

শোচ্য ভবতি সা নারী পতিহীনা তপস্বিনী ॥

গন্ধৈর্মালৈস্তথা ধূপৈর্বিবিধৈ ভূষণৈরপি

বাসোভিঃ শয়নৈশ্চৈব বিধবা কিং করিষ্যতি ।

অর্থাৎ—নারী বহুতর পুত্রও শত শত বন্ধু পরিবৃত হইয়াও পতিহীনা হইলে শোচনীয় হইয়া থাকেন। বিধবা গন্ধদ্রব্য, মালা, ধূপ, বিবিধ ভূষণ, শয্যা ও বসন সমূহ লইয়া কি

করিবে? পতিবিরহে বিধবার কিছুই প্রয়োজন হয় না। তাই বলি, অভাগিনিকুল! যদি কত্নাকে স্মৃতি করিতে চাস, তাহা হইলে সর্বাগ্রে জানাতার মুখের দিকে অবলোকন কর! যদি তোদের জামাতার স্মৃতি বৃদ্ধি হয়, তাহা হইলে তোদের কত্নাগণেরও স্মৃতি বৃদ্ধি পাইবে। তোরা যতই কত্নাকে স্মৃতি করিবার চেষ্টা কর না কেন, কিছুতেই তাহাদিগকে প্রকৃত স্মৃতি করিতে পারিবি না। ভাল, পাপিনিগণ! বল দেখি, যদি আজি তোদের সেই জামাতা তোদের অসদ্ব্যবহারে নিরাশ হইয়া দারাস্তর গ্রহণ করে, অথবা বিপথে পদার্পণ করে, তাহা হইলে তোদের কত্নাগণের উপায় কি হইবে? তখন কি তোদের গৌরবের ধন এক কালে বিনষ্ট হইবে না? আশার দীপ কি এককালে নিবিয়া যাইবে না?—আজি জামাতৃদত্ত দুই খানি অলঙ্কার নষ্ট হইবার ভয়ে আকুল হইয়াছিস, কিন্তু স্মরণ করিয়া দেখ, তোদের জামাতাই সেই অলঙ্কাররাশির মূল—সেইই সে সকলের দাতা—তাহার জীবনের নিকট সামান্য অলঙ্কাররাশি নিতান্তই অকিঞ্চিৎকর!—যদি আজি তাহার জীবন বহির্গত হয়, তাহা হইলে তোদের কন্যাগণের অলঙ্কারের প্রয়োজন কি? জামাতা লোকান্তর প্রাপ্ত হইলে, তোদের কন্যাগণের জীবনও কি তোদের পক্ষে নিতান্ত ভারস্বরূপ হইয়া উঠিবে না? তোদের জামাতারূপ বিশাল বাপীবন্ধে কন্যারূপ ফুল কোকনদ প্রক্ষুটিত হইয়াছে বলিয়াই, পাপিনিকুল! আজি দিগন্ত আশ্বাসে আশ্বাসিত হইয়া রহিয়াছিস; কিন্তু যে দিন এই প্রশস্ত সরোবর শুষ্ক হইয়া যাইবে—সেই দিন তোদেরও মহোচ্চ

গৌরবের ফুল কোকনদ শুখাইয়া আসিবে। তখন তোরা সেই বিগুফ কোকনদ আর দেখিতে চাহিবি না!—যতই যত্ন, যতই আদর, যতই আমোদের সামগ্রী হউক না কেন, সেই বিগুফ ফুল কোকনদ তখন আবর্জনা ভিন্ন আর কিছুই প্রতীত হইবে না। তখন ইহার সম্বন্ধে তোদের নিকট নিতান্ত ভারস্বরূপ হইয়া উঠিবে। তখন ইহাকে দূর প্রান্তরে ফেলিয়া দিতে পারিলেই জীবন সার্থক জ্ঞান করিবি। সেই জগ্গই তত্ত্বদর্শী বিচক্ষণ শাস্ত্রকারগণ স্বীজগতের ভাণ্ডা চিন্তা করিতে করিতে অবলার ভারসীমা পর্য্যবেক্ষণ করাইবার জন্য, তুল্য-দণ্ডের একদিকে ধর্ম্মার্থকামমোক্ষ সম্বলিত বিশ্বব্রহ্মাণ্ড এবং অপর দিকে একমাত্র পতিকেই স্থাপিত করিয়া পতির ভারই অপেক্ষাকৃত অধিক বলিয়া নির্দেশ করিয়াছেন এবং স্বর্গের মহোচ্চ সিংহাসন হইতে সমুচ্চ স্বরে জগতের প্রাণ উন্মাদ করিয়া বলিয়াছেন—

ন তন্ত্ৰা বিদ্যতে বীণা না চক্রী বর্ত্ততে রথঃ ।

না পভিঃ স্তুথমাপ্নোতি নারী বন্ধু শতৈরপি ॥

দরিদ্রো ব্যসনী বৃদ্ধো ব্যাধিতো বিকলস্তথা ।

পতিতঃ ক্লিপণো বাপি স্ত্রীণাং ভর্ত্তা পরাগতিঃ ॥

নাস্তি তদ্বৎসমো বন্ধুর্নাস্তি তদ্বৎসমা গতিঃ ॥

অর্থাৎ—তত্ত্বহীন বীণা ও চক্রহীন রথ যেমন বিফল, সেইরূপ নারী পতিহীনা হইয়া শত শত বন্ধুজন লইয়া স্তুথ প্রাপ্ত হয় না। স্বামী দরিদ্রই হউক, ব্যসনাসক্তই হউক, বৃদ্ধই হউক, ব্যাধিগ্রস্তই হউক, বিকলই হউক, পতিতই

হউক অথবা কৃপণই হউক, আমিই পরম গতি । নারী-
গণের পতির সমান বন্ধু নাই—এবং পতির সমান গতি নাই ।

ফলতঃ বৎস ! শাস্ত্রকারগণ পতি ও পত্নীকে একরূপ স্বর্গীয় দৃঢ়
বন্ধনে আবদ্ধ করিলেও, আজি কালি এই পাপিনিকুল একরূপ
ব্যবহার দৃষ্ট হইয়া দাঁড়াইয়াছে যে, পরিণয়ের পরে ইহাদিগের
হস্ত হইতে অলঙ্কার রাশি ও পরিণীত ভার্যা উভয়ই এক-
কালে পুনঃ প্রাপ্ত হওয়া নিতান্ত অসম্ভব হইয়া থাকে । বলিতে
কি, আজি কালি অনেক জামাতার অদৃষ্টে তাহা ঘটিয়াই
উঠিতেছে না । এককালে না হউক, অন্ততঃ কিছু কালের
জন্ত হতভাগ্যকে এ উভয় বিষয়েই ক্ষান্ত থাকিতে হয় ।
তবে যাহার ভাগ্যদেবী নিতান্ত সুপ্রসন্ন—গ্রহগণ . নিরতিশয়
অনুকূল—অথবা যাহার রাশিচক্রে একাদশ বৃহস্পতির আবি-
র্ভাব, সেই ব্যক্তিই শুদ্ধমাত্র সালঙ্কার সহধর্মিণীকে লইয়াই
নিরস্ত হইয়া থাকে । কিন্তু যাহাদিগের ভাগ্যগগনে দুঃখ-
রাত্রির অভ্যুদয় হয়, তাহারা প্রথমতঃ অতি কষ্টে, এমন কি,
সময়ে সময়ে স্বপ্তকুলের অধিষ্ঠাত্রী পিশাচিগণের সহিত ভয়া-
নক গণ্ডগোল, এবং অলঙ্কারের আশা পরিত্যাগ করিয়া
স্বীয় ভার্যাকে নিজালয়ে আনয়ন করে । আবার কোন
কোন দুর্ভাগা সুহৃৎ ভার্যার লোভ করিবার জন্ত পূর্বোক্ত
স্বপ্তকুলের পরিজনগণের সহিত বাক্যবৃদ্ধে কৃতকার্য না হইয়া,
গ্রামস্থ ভদ্র মহোদয়গণের আশ্রয় গ্রহণ করে । জানি না, অদৃষ্টে
কি আছে ? হয়ত পরিণীতা রমণীকে এই পাপিয়সীগণের মুখ-
কবল হইতে বিচ্ছিন্ন করিয়া লইয়া যাইবার জন্ত ভবিষ্যতে
রাজদ্বারেরও আশ্রয়গ্রহণ করিতে হইবে । যাহা হউক, আবার

কোন কোন ভাগ্যধরকে হয়ত, স্ত্রী ও অলঙ্কার উভয় বিষ-
য়েই বঞ্চিত হইতে হয় এবং সেই সেই কণ্ঠাও বয়োবৃদ্ধি
সহকারে ভীষণ দিগম্বরী মূর্তি পরিগ্রহ করিয়া 'আমারই
মৰ্ম্মাস্থি ছেদন করিয়া থাকে। বলিতে কি, বৎস! সে দিন
যে এক তুমুল লোমহর্ষণ কাণ্ড সংঘটিত হইয়াছে, তাহা
শুনিলে শিরায় শিরায় রক্তশ্ৰেণী ক্রুদ্ধ হইয়া যায়,—কোভে,
স্বণায় ও লজ্জায় হৃদয় খিদীর্ণ করিয়া, পাপপ্রাণ দেহ হইতে
নিকাশিত করিতে ইচ্ছা হয়—মনে হয়, সর্ব্বসহা ধরিঙ্গী
দ্বিধা হউন,—এখনও আমার যাহা কিছু অবশিষ্ট আছে,
যাহাদিগের মুখের দিকে তাকাইয়া আমি এখনও জীবনধারণ
করিয়া রহিয়াছি, আমি তাহাদিগকে লইয়াই ভূগর্ভে প্রবেশ
করি—যেন আর সেই পাপিনিগণের মুখাবলোকন করিয়া
দগ্ধপ্রাণ, আরও পাপভারে পীড়িত করিতে না হয়!



ষষ্ঠ স্তবক ।

নাস্তি স্ত্রীণাং পৃথক্ যজ্ঞো নব্রতং নাপ্যুপাসিতং ।
 পতিং শুশ্রুষ্যতে যেন তেন স্বর্গে মহীয়তে ॥
 মৃতে ভর্তৃরি সাধ্বী স্ত্রী ব্রহ্মচার্যো ব্যবস্থিতা ।
 স্বর্গং গচ্ছতাপুত্রাপি যথা তে ব্রহ্মচারিণঃ ॥* .

বৎস ! একদা কোন পাপিয়সী, কন্ঠার সহিত এক যোগ
 হইয়া জামাতার সহিত বিবাদে প্রবৃত্ত হয়। মৌখিক সম্ভা-
 যণে যতদূর হওয়া সম্ভব, প্রথমতঃ তাহার কিছুই ভ্রুটি হইল
 না। কিন্তু ক্রমশঃই মাত্রা পরিবর্দ্ধিত হইল এবং পাপিনী
 পরিশেষে এতদূর কোপাক্ত হইয়া উঠিল যে, মৌখিক মধুর
 সম্ভাষণ পরিত্যাগ করিয়া হস্তস্থিত সম্মার্জনী দ্বারা জামাতার
 যথোচিত সম্বর্দ্ধনা করিল। বৎস ! বলিয়া রাখা আবশ্যক,
 একদিকে স্বকঠাকুরাণীর সুস্বিদ্ধ সম্মার্জনী-বৃষ্টি, অত্ৰদিকে
 ভার্ঘ্যার অজস্র সুধাবর্ষণ; অপর দিকে দুই তিনটি অপগণ্ড
 শিশুসন্তানের হৃদয়ভেদী আর্তনাদ, ইহার উপর আবার এই
 তীষণ নাটোর সংযোগস্থল স্বপ্তরালয়। সুতরাং জামাতা যে
 এককালে স্তম্ভিত ও ভ্রিয়মাণ হইয়া কিং কর্তব্য বিমূঢ় হইবে,

* অর্থঃ—স্ত্রীলোকের স্বামী বিনা যজ্ঞ নাই; স্বামীর অনুমতি বিনা
 ব্রত বা উপবাস নাই; কেবল পতি সেবা করিয়াই স্ত্রীলোক স্বর্গে আরোহণ
 করিয়া থাকে। পতিব্রতা পত্নী পতির মৃত্যুর পর ব্রহ্মচার্য্যবর্জন্য
 থাকিলেও, অকুমার ব্রহ্মচারিণীগণের ভার স্বর্গলাভ করিয়া থাকেন।

তাহা আশ্চর্যের বিষয় নহে। বস্তুতঃ তাহাই হইল; স্মৃতরাং জামাতা অগত্যা কিয়ৎকাল পর্য্যন্ত শ্রীমতীর শ্রীকরের সম্ভাষণ সহ করিল। কিন্তু পরিশেষে নিতান্ত গলায় গলায় হইয়া উঠিল; দারুণ জ্বালায় সর্বদা জ্বলিতে লাগিল। তখন আর সহ করিতে পারিল না। কিন্তু তখনও প্রহারের প্রতিভঙ্গ নাই। কাজেই নিতান্ত অস্থির ও নিরুপায় হইয়া শ্রীমতী শ্বশুরঠাকুরাণীর শ্রীঅঙ্গে এক বিষম দংশন লাগাইয়া দিল এবং তাহাতেই হতভাগ্য, সে যাত্রা রক্ষা পাইয়া স্বস্থানে প্রস্থান করিতে পাইল।

বৎস! বল দেখি, এই সকল জঘন্য কাণ্ড দেখিয়া কাহার মনে না দিকুর জন্মে? যে স্বশ্রদ্ধা জননীর সমস্থানায়ী—যাহাকে সাধারণে মাতার ছায়—গুরুপত্নীর ছায়—আদর, যত্ন, ও শ্রদ্ধা করিয়া থাকে—জামাতাকে যাহার গর্ভজাত সন্তান অপেক্ষাও স্নেহ, যত্ন ও আদর করা কর্তব্য, তাহারই কি এই বিসদৃশ ব্যবহার করা উচিত? একরূপ ঘটনা কি, বৎস! আর কখনও দেখিয়াছ? বৎস! বলিতে কি, এইরূপ ঘটনাচক্রে বিঘৃণিত হইয়াই অনেকে বর্তমান পত্নী পরিত্যাগ করিয়া দারাস্তর পরিগ্রহ করিতে প্রবৃত্ত হইয়াছে। কিন্তু হায়! চক্রে উপর এই সকল ঘটনা অহরহ প্রত্যক্ষীভূত হইয়াও আমার মূঢ় পাষণ্ড সন্তানগণের চক্ষুরশীলিত হয় না, ইহা কি সামান্য পরিতাপের বিষয়?

বৎস! আমি যে সরল হৃদয়ে তোমাদের নিকট আমার মনের কথা প্রকাশ করিতেছি তাহাতে হয়ত, তোমরা মিথ্যা ভাবিয়া, আমার কথায় বিশ্বাস স্থাপন করিতে পারিতেছ না;

হয়ত ভাবিতেছ, সেই সেই বর্ষায়সী রাক্ষসীর মস্তকোপরি উহাদিগের অভিভাবকগণ থাকিতে, উহারা কখনই একরূপ পাপবৃত্তি অবলম্বন করিতে পারিবে না। যখন তাহাদিগের উপর কেহ না কেহ দণ্ড মুণ্ডের কর্তা রহিয়াছে, তখন তাহারা কিরূপে এতদূর খেচ্ছাচারিণী হইবে? বৎস! সত্য বটে, অবশ্যই আমার কোন না কোন সম্মান উহাদিগের অভিভাবক ও কর্তারূপে নিযুক্ত থাকিয়া। উহাদিগের ভরণ পোষণ ও গ্রাসাচ্ছাদন সম্পাদন করিয়া থাকে। কিন্তু আজি কালি কালের এমনই কুটিল প্রভাব—অধর্মের এতই শৃংখর দিগন্ত প্রতাপ—এবং কলির এমনই ভীষণ মাহাত্ম্য যে, আমার নিরীহ সম্মানগণ সেই সেই বয়োবৃদ্ধা রাক্ষসীর নিকট সর্বদাই ভীত ও সন্ত্রস্ত; যেন কি এক মোহিনী শক্তির প্রভাবে উহাদিগের উপর আধিপত্য বিস্তার করিবার বংশগণের বিন্দুমাত্রও ক্ষমতা নাই। কি ছিটা ফোটা, কি শিকড়মাজলী, কি তন্ত্র মন্ত্র, কি অস্ত্র কোনও দ্রব্য গুণ, জানি না, কি জন্তু বৎস-গণ তাহাদিগের নিকট সর্বদাই নতশির ও বাগ্মিরহিত এবং তাহাদিগকে লইয়া সানন্দে, সরলচিত্তে, ও নিরুদ্ধেগে সংসা রযাত্রা নির্বাহ করিয়া থাকে। ফলতঃ বৎস! ভোমাদিগের মধ্যে অনেকেই, বোধ হয়, অতি শৈশবকালে বৃদ্ধা পিতামহী বা মাতামহীর মুখে শুনিয়া থাকিবে যে, কামরূপের স্ত্রীলোকেরা দিবাভাগে পুরুষগণকে ভেড়া করিয়া রাখে এবং রাত্রিকালে পুনরায় তাহাদিগকে মনুষ্য করিয়া নির্বিঘ্নে হাত, পরিহাস, শয়ন, উপবেশন ও আহার বিহারাদি করিয়া একসঙ্গে স্তখে নিশা যাপন করে। বৎস! আমার বর্তমান সম্মতিগণ কাম-

রূপের উল্লিখিত স্ত্রীগণ অপেক্ষা কোন অংশে ন্যূন নহে ; বরং উহাদিগের অপেক্ষা অনেকাংশে উৎকৃষ্ট । কারণ, কামরূপের স্ত্রীগণ পুরুষদিগকে শুদ্ধ দিবাভাগে ভেড়া ও রাত্রিকালে মনুষ্য করে, কিন্তু এই পাপিনিকুল আমার বর্তমান সন্তানগণকে অহোরাত্র নরাকার ভেড়া করিয়া রাখিয়াছে । এতদ্ভিন্ন উহাদিগের আরও কতকগুলি মহৎ মহৎ গুণ আছে । বৎস ! বলিতে কি, এই পাপিনিগণ অন্ধের চক্ষু দান, মুকের বাক্য-ক্ষুভ্রি, দিবাকে রাত্রি এবং রাত্রিকে দিবা করিতে পারে—পুষ্পের সূর্য্যকে পশ্চিমে উদয় করাইয়া থাকে এবং মৃতকে জীবিত ও জীবিতকে মৃত করে । এতদ্ভিন্ন, সত্যকে মিথ্যা ও মিথ্যাকে সত্য করিয়া গৃহ-বিচ্ছেদ ঘটান ইহাদিগের অন্ধের আভরণ । বিশেষতঃ উহারা এই শেষোক্ত কার্য্যে বেরূপ সুদক্ষ, একরূপ আর কুত্রাপি দৃষ্টিগোচর হয় না । "

বৎস ! আপামর সাধারণ সকলেই অবগত আছে যে, নিকর্মা লোক ব্যতীত অপর কেহ পর-নিন্দায় পর-কুৎসায় প্রবৃত্ত হয় না । অনেক সময়ে দেখিতে পাওয়া যায় যে, মধ্যাহ্ন-কালে দক্ষিণ হস্তের ব্যাপার সম্পন্ন হইবামাত্র, গৃহিণিনাম ধারিণী এই বর্ষীয়সিগণ গৃহদ্বারে চাবি বন্ধ করিয়া, কুঞ্চিকা বামহস্তের কনিষ্ঠাঙ্গুলীতে রক্ষা অথবা অঞ্চল প্রাপ্তে বন্ধ করিয়া, প্রতিবেশী গৃহস্থের বাটীতে উপস্থিত হয় এবং অশেষ প্রকারে আত্মীয়তা করিতে থাকে । কিন্তু সেই আত্মীয়তার যে ভীষণ হলাহল উৎপন্ন হইয়া, চিরদিনের শাস্তি নষ্ট করিবে, তাহা তাহারা ক্ষণকালের জ্ঞাতও বিবেচনা করে না । বস্তুতঃ উহা তাহাদিগের আত্মীয়তা নহে । শাস্তসংসারে অশান্তির

বাজবপন করাই, উহাদিগের একান্ত উদ্দেশ্য। তজ্জগুই তাহারা একজনের সমক্ষে অপরের নানাবিধ কুৎসা গানি করে, তাহাতে সেই ব্যক্তি যে সকল কটু কাটব্য প্রয়োগ করে, সেই সমস্ত আবার পূর্বোন্নিখিত ব্যক্তির কর্ণগোচর করাইয়া, তুমুল কোন্দল সমানয়ন করাইয়া দেয়। এইরূপে উভয়পক্ষে ভয়াবহ কলহ সজ্জ্বটন করাইয়া, আপনাদিগকে পরম স্মৃখী জ্ঞান করে এবং যতই উহাদিগের কোন্দল বৃদ্ধি হইতে থাকে, ততই আত্মলাভে নৃত্য করিতে থাকে।

বৎস! সেই জগুই আজি আপামর সাধারণ সকলের নিকট প্রার্থনা করিতেছি, যে যদি তোমাদের বিবাহ করিয়া স্মৃখী হইবার বাসনা থাকে, তাহা হইলে, তোমরা সেই পাপিয়সিগগণপরিবৃত, অজ্ঞনাবলপ্রধান মদীয় সন্তানগণের গৃহে বিবাহ করিয়া, যষ্টিহীন অন্ধের স্ত্রায় গৃভীর কূপে নিমগ্ন হইও না!—যেন মুণ্ডিত-মস্তকে বিল্বফল আহরণ করিতে গিয়া মস্তক চূর্ণ করিয়া ফেলিও না! কুসুমলতার প্রিয় অতিথি চপল মধুব্রত, পদ্মভ্রমে কেতকীপুষ্পের মধুপান করিতে গিয়া, পুষ্পরেণুতে অন্ধ ও কেতকী কণ্টকে ছিন্নপঙ্ক হইয়া, যেরূপ হৃদশাগ্রস্ত হয়, সেই সেই গৃহে বিবাহ করিলেও, সেইরূপ প্রাক্তনভাগী হইতে হইবে। আসন্ন মৃত্যু জানিতে না পারিয়া, পতঙ্গকুল যেমন প্রজ্জ্বলিত অগ্নিশিখায় বাঁপ দিয়া, প্রাণবিসর্জ্ঞন করে, সেইরূপ বিবাহের পরিণামফল অবগত না হইয়া, শুদ্ধমাত্র বিবাহের আপাতমনোরম স্মৃখে আনন্দিত হইয়া, সেই সেই গৃহে বিবাহ করিলে, পতঙ্গ কুলেরই অদৃষ্টভাগী হইতে হইবে। তখন হৃদ-হিমালয় ভেদ করিয়া, শোক-

রূপ গঙ্গা পবনবেগে প্রবাহিত হইতে থাকিবে—কেহই তাহার গতিরোধ করিতে পারিবে না। তাই বলি, বিবাহ করিয়া সুখ সচ্ছন্দে জীবন যাত্রা নির্বাহ করিব, যদি কাহারও মনে এই অভিলাষ থাকে, তাহা হইলে তিনি যেন সে গৃহে বিবাহ না করেন। কেহ কেহ হয়ত, 'অন্তদীয় উপরোধ অহুরোধে বাধ্য হইয়া, অথবা সুন্দরী ভার্য্যালাভের আশয়ে, অথবা সুখে স্বকীয় গ্রাসাচ্ছাদন ও সংসারযাত্রা নির্বাহ করিবার বাসনায় বিবাহ করিতে প্রবৃত্ত হন, কিন্তু তাঁহাদিগের নিকটেও আমার এই নিবেদন যে, তাঁহারা যেন এই পল্লিকুমারিগণের পাণিপীড়নকারী ভুক্তভোগী হই এক ব্যক্তির পরামর্শ গ্রহণ করিয়া এই ভীষণ কার্য্যে হস্তক্ষেপ করেন। বলিতে কি, বৎস! বিবাদের সিংহাসন অপেক্ষা নির্বিবাদের ভূমিশায়াও সহস্রগুণে শ্রেষ্ঠতর! লোকে সহজ কথায় বলিয়া থাকে যে, দুষ্টা গাভী অপেক্ষা শূণ্ড গোগৃহও উৎকৃষ্ট!—আমারই অস্থি, মজ্জা ও রক্ত হইতে উহাদিগের উৎপত্তি হইয়াছে, সুতরাং মুহূর্ত্তের জন্যও উহাদিগের কষ্ট উপস্থিত হইলে, আমার মন্ব্যস্তিক যাতনা হইবার সম্ভাবনা। কিন্তু সেই দুর্কিনীতা পাণিসিগণের ব্যবহার দর্শন করিয়া আমার মনে এরূপ দিক্কার জন্মিয়াছে যে, যদি কেহ নিঃসন্তান হইয়া, যাবজ্জীবন মনঃকষ্টে কালযাপন করে, তাহাও তাহার পক্ষে লক্ষাংশে শ্রেয়ঃস্বর, তথাপি সেই ব্যক্তি যেন আমার সেই সেই সন্তানের কণ্ঠা পৌত্রী প্রভৃতির পাণিপীড়ন না করে!—অথবা সেই ব্যক্তি অনুচাবস্থায় যাবজ্জীবন অতিবাহিত করুক, তথাপি যেন সেই মিষ্টভাষিণী পাষণদদয়া মানবরূপিণী রাক্ষসিগণের সুমিষ্ট চাটু-

বাক্যে মুগ্ধ হইয়া চিরদিন চিন্তা ও দুঃখের সহচর না হয় । সেই অবলাবলদর্পিত গৃহে সুখের আশা দূরে থাকুক, চিরদিন বিষম সন্তাপাগ্নিতে দগ্ধীভূত হইতে হইবে । যতদিন প্রাণবায়ু অনন্ত বায়ুর সহিত মিশিয়া না যাইবে, ততদিন পরিত্রাণের কোনও উপায় থাকিবে না । বস্তুতঃ ব্যাধগণ যেমন তণ্ডুলকণা বিকীর্ণ করিয়া, পক্ষিবিনাশবাসনায় জানী পাতিয়া রাখে, এই দুর্কৃত্তা রাক্ষসিকুলও সেই রূপ কত্মারূপ তণ্ডুলকণা বিকীর্ণ করিয়া, কুহকজাল বিস্তার করিয়া বসিয়া থাকে । যতদিন জামাতা কন্যারূপ তণ্ডুলকণার লোভে আসিয়া, সেই জালে পতিত না হয়, ততদিন এই পাপিনিগণের মনোভীষ্ট পূর্ণ হয় না । এই পাপিনীগণের আবার দয়া মায়্যা বা লজ্জাভয়ের লেশমাত্রও দেখিতে পাওয়া যায় না । উহারা দুর্নিবার লোকাপবাদকে তৃণতুলা জ্ঞান করিয়া থাকে । সুতরাং সামাজিক বন্ধন বা সমাজ শাসন ইহাদিগের নিকট নিতান্ত অকিঞ্চিংকর । বস্তুতঃ এই দুর্দান্ত রাক্ষসিগণের জন্তই আমার স্বর্গনিন্দিত সুখের সমাজ পাপনরকের প্রেতমূর্ত্তি ধারণ করিয়াছে । ইহাদিগের দোষেই আমার সোণার সংসার ছার খার হইয়া যাইতেছে এবং ইহারা দুর্দর্শন পাপাচার ও সহস্র সহস্র ভীষণ কুপ্রথার বীজ আমার সুকোমল সমাজবক্ষে বপন করিয়া দিতেছে । এক সময়ে জাতীয় একতা ও সামাজিক সৃষ্টিলাভ গুণে এই সমাজ কি অভাবনীয় উন্নতিলাভ করিয়াছিল ! হায় ! বিশ্বপতে ! আজি সে দিন কোথায় ! কালের করালগ্রাস ! তোর দুর্নিবার বিকট দশন প্রহারে ত আমার হৃদয়ের শতস্থান বিভিন্ন হইয়াছে !—অন্তরের নিষ্ঠীর্ণ গূঢ়তম প্রদেশও ত তোর সূতীক্ষ্ম দশনবেগ হইতে নিকৃতিলাভ করিতে

পারে নাই ! কিন্তু পামর ! বল দেখি, তুই কেন ইহাকে এক কালে জীর্ণও ধ্বংস করিতে পারিতেছিস্ না ? তাহা হইলে ত, আমাকে অহরহ এই নিদারুণ মর্ষবেদনায় জর্জরিত হইতে হইত না ? পূর্বে যে সকল সদাশয় সাধু সন্তান সমাজের একমাত্র অধিপতি ছিল এবং যাহারা সর্বক্ষণ সমাজ পরিচালন করিত, তাহারা সকলেই অনন্তধামের পথিক হইয়াছে । তাহাদিগের অধঃপাতেই আমার এই শোচনীয় দুর্দশা উপস্থিত হইয়াছে । তাহাদিগের বিরহে ব্যক্তিসাধারণ যেমন স্বাধীনতা অবলম্বন করিয়াছে, অবলাকুলও তেমনি প্রগল্ভা হইয়া, পুরুষ বশীকরণ শাক্তপ্রভাবে স্ত্রী পুরুষগণকে মেঘবৃত্তি অবলম্বন করাইয়াছে ।

ইতিপূর্বে পূর্বতন সন্তানগণ সমাজস্থ যাবদীয় ব্যক্তিকে আহ্বান করিয়া এক একটা প্রকাশ্য সভা স্থাপন করিত । সেই সভায় প্রত্যেক ব্যক্তির দোষাদির বিচার হইত । প্রথম সভা আহূত হইবার পর হইতে দ্বিতীয় সভার অধিবেশন কাল পর্য্যন্ত যে যে ব্যক্তি যে যে দোষ বা পাপাচার সাধন করিত, প্রথমে তৎসম্বন্ধে বিশেষ আলোচনা হইত । তৎপরে যে ব্যক্তি দোষী স্থিরীকৃত হইত, তাহার উপর তদনুরূপ দণ্ড বিহিত হইত । পরে, অপরাধী তদনুসারে কার্য্য করিলে, তাহার দোষ মার্জ্জনা কুরা হইত । যদি কাহারও দোষ এককালে অমার্জ্জনীয় বোধ হইত, অথবা তাহার সংশ্বে সমাজ ছরপনের পাপপঙ্কে নিমজ্জিত হইবে, এরূপ সম্ভাবনা থাকিত, তাহা হইলে তাহাকে এককালে সমাজ হইতে নিষ্কাশিত করা হইত । এইরূপে দোষাদোষের বিচার ও দণ্ড প্রায়শ্চিত্তের ব্যবস্থা থাকাতে সমাজস্থ ব্যক্তিগণের মধ্যে কেহই সহসা কোনও পাপানুষ্ঠান করিতে সাহসী

হইত না। সুতরাং আমার সেই শ্রদ্ধেয় পূর্বতন সমাজ হইতে কদাপি শান্তিদেবীর তিরোধান দেখিতে পাইতাম না। অথচ আমার সমাজস্থ আবালবৃদ্ধবনিতা তিলান্ধের জন্তও কষ্ট বা অসুখ কাহাকে বলে, তাহা জানিতে পারিত না।

বহু যত্ন ও বহু আয়াস স্বীকার করিয়াও, পূর্বতন সন্তান-গণ এই মহান্ কার্যের অনুষ্ঠান করিত। ইহাতে যে কি মঙ্গলফল প্রসব করিত, তাহা একমুখে বলিয়া শেষ করিতে পারি না। বৎস! ইহাতে যেমন একদিকে শান্তির সুবিশাল রাজ্য প্রতিষ্ঠিত হইত,—পুণ্যকার্য্য, পুণ্যানুষ্ঠান ও পুণ্যত্বের অপাখিব শ্রোত চতুর্দিকে তীব্রতেজে প্রবাহিত হইত—পাপাচার পাপানুষ্ঠান শিথিল হইয়া আসিত—গুরু আমার সন্তানগণেরও নহে, সমাজ শৃঙ্খলায় আমার সন্তানগণের সহিত সংশ্লিষ্ট ব্রাহ্মণ মণ্ডলী এবং আশ্রিত জাতিসাধারণ পর্য্যন্ত একসূত্রে ব্যবস্থিত হইত; অতদিকে, তেমনই ব্রাহ্মণপ্রমুখবর্ণসম্বন্ধিত সমাজের আবাল বৃদ্ধবনিতার অসুখ সমৃদ্ধি অনুক্ষণ বৃদ্ধি পাইত, এবং উহা নিম্নলিখিত ও নিষ্কলঙ্ক জ্যোতি বিকীরণ করিয়া অগ্ন্যন্ত সমাজের আদর্শ-স্থান হইত। বস্তুতঃ তদানীন্তন সন্তানগণের এতদূর দূরদৃষ্টি ছিল যে, তাহারা মনে করিত, স্বজাতি বা স্বকীয় সমাজ মধ্যে কোনও ব্যক্তি কর্তৃক কোনও সময়ে, কোনও স্থানে, কোনও প্রকার দুষণীয় কার্য্য সম্ভব হইলে, ঘটনাক্রমে সেই দোষ কখননা কখন কোনও স্থলে উল্লিখিত হইবে। তখন সেই দোষ বা সেই পাপ ব্যক্তিগত না থাকিয়া, জাতিগত হইয়া দাঁড়াইবে এবং উহার জন্ত ধনমানকুলশীলসম্পন্ন বাকুদীয় সম্ভ্রান্ত ব্যক্তি প্রত্যাবায়ভাগী, অবজ্ঞাত ও নতশির হইবেন। এদিকে,

নিরলস সমাজমুখও গভীর কলঙ্ককালিমায় কলুষিত হইবে। সেই জন্ত যাহাতে সামাজ্যস্থ কোনও ব্যক্তি কর্তৃক কোনপ্রকার দুষণীয় কার্য্য অনুষ্ঠিত না হয় এবং যাহাতে সমাজে সর্বক্ষণ শান্তি বিরাজিত থাকে, সেই চিন্তাতেই আমার পূর্বতন মুখ্য সম্ভানগণ অহর্নিশ প্রবৃত্ত থাকিত ।

বলিতে কি বৎস! পূর্বতন হিন্দুগণের মধ্যে এইরূপ সমাজ শৃঙ্খলা সর্বক্ষণ সর্বত্র বর্তমান ছিল বলিয়াই প্রাচীন আৰ্য্য-সমাজ প্রাচীন আৰ্য্য-ভারতে সর্বপ্রধান বলিয়া অভিহিত হইয়াছে। জ্ঞান ধর্ম্মে কেহই ইহাকে পরাভব করিতে পারে নাই। বস্তুতঃ প্রাচীন আৰ্য্য-সমাজ, শাসনে পিতার স্থায়; পোষণে মাতার স্থায়; শিক্ষায় গুরুদেব তুল্য; দুঃখ বিপদে সহোদর স্বরূপ; এবং স্নেহ সম্পত্তিতে বন্ধুস্বরূপ ছিল। সেই জন্ত ইহা একদিন সকলেরই প্রীতি, ভক্তি, সম্মান, ও গৌরবের আশ্রয় হইয়াছিল। বৎস! সংক্ষেপে বলিতে কি, এই হিন্দুসমাজের প্রাচীনত্ব অসীম; ইহার আদর্শ অতি পবিত্র এবং ইহার স্মৃতিস্তরীণ বল এত অধিক যে, এ পর্য্যন্ত পৃথিবীতে এমন কোনও সমাজ উদ্ভূত হয় নাই, যাহা ইহার সহিত তিলান্ধের জন্তও সমকক্ষ হইতে পারে। বৎস! ভাবিয়া দেখ, এই হিন্দুসমাজের উপর দিয়া কত যুগযুগান্তর অতিবাহিত হইয়াছে, কতবার কত অগণ্য আততায়ী আসিয়া ইহার ভিত্তি-স্থান হইতে শিখরদেশ পর্য্যন্ত বিদ্রাবিত ও বিচলিত করিয়াছে—ইহারই আংশিক বিভব বিত্ত হরণ করিয়া কত অগণ্য সম্রাজ্যের সমুদ্ভব হইয়াছে;—কত প্রলয়ের পদাঙ্ক,—কালের কুটিলতা—বিজ্ঞাতির বিসদৃশ নির্যাতন—ইহার হৃদয়ের স্তরে স্তরে সন্নিবিষ্ট

হইয়াছে ;—কত নূতন নূতন সমাজ সংগঠিত হইয়া দুই দিনের মধ্যেই সমূলে উৎপাটিত হইয়াছে,—এখনও হয়ত কোন সমাজ পুষ্ঠাঙ্গ ও পূর্ণকলেবর হয় নাই, তথাপি “ত্ৰাহি ত্ৰাহি” ডাক ছাড়িতেছে ; কিন্তু এই হিন্দু সমাজ আজিও অবিচলিত রহিয়াছে—অনায়াসে, অক্লেশে, অব্যাহত চিত্তে যুগযুগান্তরীণ লোমহর্ষণ প্রলয় প্লাবন সহ করিয়া আসিতেছে এবং যদি এখনও সমাজস্থ লোক সাবধান হইয়া সংস্কার যাত্রা নির্বাহ করে,—যদি এখনও পূর্ববল অক্ষুণ্ণ রাখিতে সমুৎসুক হইয়া ইহার জীর্ণ-সংস্কারে প্রবৃত্ত হয়,—স্থান কাল পাত্র ভেদে সমাজের গতি অব্যাহত রাখে,—তাহা হইলে ইহা এখনও অনন্তকাল স্থায়ী হইবে—ইহার যশঃপ্রভায় পুনরায় দশদিক আলোকিত হইবে—পুনরায় ইহা সকলের মধ্যমণি হইয়া, অশ্রুত-পূর্ব ও অলোকসাধারণ কীর্তি সংস্থাপন করিবে ।

কিন্তু বৎস ! কি আক্ষেপের বিষয় ! সমাজের হিত কামনায় চিন্তিত ও দৃঢ়ব্রত পূর্বতন সন্তানগণের ত্রায় মুখ্য ব্যক্তি আজি কালি নিতান্ত দুর্বল । যদিও সমাজমধ্যে আজি কালি ধনী ও বিশিষ্ট ব্যক্তির নিতান্ত অভাব নাই, কিন্তু সমাজের হিতার্থী মুখ্য ব্যক্তি এককালে নাই বলিলেও অত্যুক্তি হয় না !* আজি কালি যাহারা ধনমানকুলশীলসম্পন্ন, তাহারা প্রায়ই ঐশ্বর্য্যমদে মত্ত সুতরাং তাহারা, সমাজের কোথায় কি হইতেছে, তাহা দেখিয়াও দেখে না । কেহ কেহ বা ছরস্ত অর্থলালসায় অন্ধ ও দ্বিধাদিক জ্ঞানশূন্য হইয়া, সর্বদাই ব্যস্ত থাকে ; তাহাদিগের এমন তিলাঙ্ক সময় নাই যে, তাহারা মুহূর্তের জন্তও সমাজের হিতব্রত কালক্ষেপ করে । সুতরাং তাহারা সমাজের নিকট ক্রীড়াপুস্তলী বলিলেও

অপ্রাসঙ্গিক হয় না। কেহ কেহ আবার, একরূপ নিষ্করণ ও দয়া-
হীন যে, সমাজের জন্ত—পরের জন্ত— তাহাদের প্রাণ কাঁদেনা—
সেই জন্ত, পরের প্রাণে প্রাণ মিশাইয়া, তাহারা নিজের প্রাণ বলি
দিতে ইচ্ছা করে না। কেহ কেহ বা গালাগালির ভয়ে ও
গৃহিণীর আজ্ঞায় সামাজিক কার্যে হস্তক্ষেপ করিতে পারে না।
কেহ কেহ আবার ভোগ বিলাসিতা ও ইন্দ্রিয় চরিতার্থের জন্ত
একরূপ উন্মত্ত যে, আপনাদিগের ভোগ্যবস্তু ও ইন্দ্রিয় চরিতার্থের
সাধন ভিন্ন, অথ কোন বিষয়ে মনোনিবেশ করা বিড়ম্বনা বলিয়া
বোধ করিয়া থাকে। সুতরাং সমাজের কাতর ক্রন্দন তাহাদের
কর্ণে শকুনি গৃধ্রিনীর রব বলিয়া অনুভূত হইয়া থাকে। আবার,
সমাজের হিত সাধনে বাহাদিগের যত্ন ও ইচ্ছা আছে, হয় ত তাহারা
নির্ধন; সুতরাং তাহাদের ক্ষীণকণ্ঠের কাতর ক্রন্দন লক্ষপতির
সমুন্নত কর্ণে স্থানলাভ করিতে পায় না। তাহারা সপ্তাহকাল
দিবারাত্র ধরিয়া চীৎকার করিলেও, সমাজের বিন্দুমাত্র উপকার
হয় না। এই জন্তাই, আমার সেই নির্ধন সমাজ-হিতৈষী সন্তান-
গণ নীরব হইয়া বসিয়া আছে।

বৎস! আর এক কথা, কি আধুনিক, কি পূর্বতন আমার
সকল সন্তানই অত্যন্ত বাণিজ্যপ্রিয়। সামান্য মূলধন সংগ্রহ
করিতে পারিলে, উহারা কখন কাহারও দাসত্বে ব্রতী হয় না।
এই বাণিজ্যপ্রিয়তার সঙ্গে সঙ্গে আমার পূর্বতন সন্তানগণের
স্বজাতিপ্রেমও অত্যন্ত প্রবল ছিল। ব্যৱসায় উপলক্ষ করিয়া
ধনবানগণ স্বজাতীয় ও স্বদেশীয় ব্যক্তিগণকে প্রতিপালন করিতে
যেমন ভারীদায়িত্ব, দীন দুঃখী ব্যক্তিগণও তেমনই স্বজাতির অনু-
চর্যায় বিশেষ যত্নবান ছিল। সেই জন্ত, আমার দীন দুঃখী সন্তান-

গণ কখনও ভিন্ন জাতির সেবা করে নাই—করিবারও প্রয়োজন হয় নাই ! লক্ষপতি হইতে পথের ভিখারী পর্য্যন্ত সকলেই যেন এক সূত্রে আবদ্ধ ছিল । কে কিরূপে দিনপাত করিয়া থাকে, আজি কালি কেহই তাহা দেখে না ; কিন্তু আমার পূর্বতন সম্ভানগণ যেমন সংসারের দিকে দৃষ্টি রাখিত, তেমনই স্বজাতীয় ও স্বদেশীয়গণের গ্রাসাচ্ছাদনের জন্তও ব্যস্ত থাকিত । সমাজমধ্যে উহারা যদি কাহারও অবস্থা হীন দেখিতে পাইত, তাহা হইলে কেহ না কেহ তাহাকে শিখাইয়া পড়াইয়া ব্যবসায়ের উপযোগী করিয়া লইত ও যাহাতে সুখে তাহার সংসারযাত্রা নির্বাহ হয়, তাহার উপায় করিয়া দিত । আজি আমার সহস্র সহস্র দীন সম্ভান অন্নের জন্ত লালায়িত !—বর্তমান ধনুকুবেবগণ মনে করিলে, তাহাদের মত সহস্রটিকে হয় ত পালন করিতে পারে, কিন্তু তাহা না করিয়া,—তাহাদের মুখের দিকে না তাকাইয়া—যেখানে তোষামোদ দেখিতে পায়, সেই স্থানেই গিয়া দণ্ডায়মান হয়,—সেই স্থানেই নিজ মুক্ত হস্তের দান অজস্র বর্ষণ করে । ইহাতেও আমার সমাজ দিন দিন দীনতার আশ্রয় গ্রহণ করিতেছে ও সাধারণ ব্যক্তিবৃন্দ পরের মুখাপেক্ষী হইয়া আমার মুখেই কলঙ্ক অর্পণ করিতেছে !

হায় ! আমার কি ছুরদৃষ্ট ! যাহাদিগের প্রকৃত বল, বুদ্ধি, সাহস, বিভব এবং যথোচিত মানসজ্ঞম আছে, তাহারা ভ্রমেও একবার সমাজের দিকে দৃষ্টিপাত করে না । তাই বৎস ! সেই ব্রহ্মাণ্ডপতির নিকট করযোড়ে প্রার্থনা করি, বৎসগণ যেন ঐশ্বর্য্য গর্ব পরিভ্যাগ করিয়া—ধনলিপ্সা কিঞ্চিৎ হ্রাস করিয়া,—পরের হৃদয়ে হৃদয়িত হইয়া—সমাজসংস্কারে যত্নবান্ হয় । কতবার বিবাহান্তে

কতাকে স্বামী হতে প্রদান—অলঙ্কার রাশির হরণাভিলাষ—রমণী
গণকে অসীম স্বাধীনতা প্রদান—কতাকল্যাণি পরিজন পরিবৃত্ত
আবাসভবনে উপপত্নীকে আনয়ন—আপমানিগের মধ্যেই উপ-
পত্নীর আবাসস্থান নির্বাচন—স্ত্রী লইয়া রাজপথে ভ্রমণ—অথবা
উপপত্নীর বাটীতে সত্নীক গমন—সুখ সেবন—পরস্ত্রী হরণ প্রভৃতি
অতি পুরুষ পাপাচার সকলের উচ্ছেদ সাধনে দৃঢ়ব্রত হর ! স্বজাতি
প্রেম, দেশাহুসাগ, স্বার্থত্যাগ, পরার্থে আত্মবিসর্জন, স্বাবলম্বন ও
একতা প্রভৃতি যে মহান গুণাবলীর আশ্রয় গ্রহণ করিয়া, সমাজ-
বিশেষ উন্নতির উচ্চ সোপানে আরোহণ করিয়া থাকে, বৎসগণ
যেন সেই সকলের আশ্রয়তরু হইয়া আমার মুখোজ্জল করে ।

বৎস ! হৃৎখের ভরা সাজাইয়া লইয়া, ভাসিতে ভাসিতে
অনেক দূর আসিয়া পড়িয়াছি । ভাবিয়াছিলাম, নৈরাশ্রের অকূল
সিন্ধুনীয়ে এ ভরা ডুবাইয়া দিব । কিন্তু বৎস ! তোমার সাক্ষাৎ
কার লাভ করিয়া, আমি সমস্তই ভুলিয়া গিয়াছি ! স্পষ্টই
বুঝিতেছি যে, তোমার স্মরণ ছই একটি গাধু সন্তান জন্মগ্রহণ
করিলেই, আমার এই শোচনীয় দশার অবসান হইবে । বাহ্য
হটক বৎস ! আজি রজনী প্রভাতপ্রায় ; এক্ষণে আমার প্রাতঃ-
কৃত্যাদির সময় উপস্থিত হইয়াছে ; সুতরাং আজি আমি এই
স্থানেই প্রসঙ্গের সমাপন করিলাম । যদি আবাব তোমার মুখ-
চক্স দেখিতে পাই, তাহা হইলে আর একদিন হিন্দুধর্মের
গুণ রহস্য ও সমাজের অবস্থা বিশদরূপে সন্মালোচন করিব ।

সম্পূর্ণ ।

সীবনকারিণী ।

মহাত্মা রেণাক্স কৃত সুপ্রসিদ্ধ সীম্বট্রেস গ্রন্থের সমস্ত চিত্র
সম্বলিত অন্যান্য ৪০০ পৃষ্ঠার সম্পূর্ণ বঙ্গানুবাদ । মূল্য ৩।০ কিন্তু
যাহারা আপাততঃ শুদ্ধ নাম ধাম পাঠাইয়া গ্রাহক শ্রেণীভুক্ত
হইবেন, তাঁহারা এই পুস্তক অর্দ্ধ মূল্যে পাইবেন । ভিঃ পিতে
ছয় আনা অধিক লাগিবে । সীবন-কারিণী সত্যীত্ব প্রতিমা



ভারতললনার একমাত্র আদর্শ
স্থানীয়া ;—বিশেষতঃ যে স্ত্রী-
পুণ দেবহস্তে ইহার অন্তর্গত
বিলাত-রহস্ত ;—বিলাত গর্ভের
পুতিগন্ধময় পাপ নরক ;—
অনাথিনী রমণীগণের উপর
বিলাত সমাজের হৃদ্বর্ষ নিষ্ঠু-
রতা ;—এবং সত্যীত্বের ঘোর

লাঞ্ছনা অস্বরঞ্জিত হইয়াছে, তাহা দেখিয়া প্রুতি পত্রেরই গাত্র
কণ্টকিত ও সক্রমণ অগ্রপাত হইবে ।

প্রকাশক—শ্রীনন্দগোপাল চট্টোপাধ্যায় ।

১৫ নং মারহাট্টা ডিচ. লেন, বাগবাজার—কলিকাতা ।

শ্রীমহেন্দ্রনাথ বিদ্যানিধি-প্রণীত পুস্তকাবলী—

অক্ষয়কুমার দত্তের জীবন-বৃত্তান্ত ৫০ । প্রাচীন আর্য্যারমণী-
গণের ইতিবৃত্ত ১৮০ । ব্যাকরণ প্রবেশিকা (৩য় সংস্করণ) ৮১০ ।
হানিমানের জীবনী ১৮০ । সমগ্র ভারতেতিহাসের প্রমোত্তর ১১০ ।
আত্মরক্ষার প্রমোত্তর ১০ । ভূ-বিদ্যার প্রমোত্তর ১০ । বংশাবলী ১০ ।

